

# Aposel

---

## Jesus Urgan igane ipalu wo ibol a

**1** <sup>1</sup>O Tiofilas, n̄aisag buk malmalan n̄igire man, melmel fidian Jesus fun igane dugo tamolpein ipiterjanai na yan n̄inen o n̄igireg yaug, <sup>2</sup>saen ibisawamag Anut giran̄en na yau an san n̄inej itout a. Gamugo imat dugo Urgan san dabai lo aposel ipilianai an ru kagin irupidaig duloj a. <sup>3</sup>Agog in̄sen materj lo idug, fon kumaen imasag nal 40 ilon lo saen wei mi tamol amaiak naod na ilasa se ya. Saen an lo in̄j kumaen imado amaiak dal wei mi lo kuai te ikubiai dile ya, an lo in̄j ilod lo rumok a. Ago dugo Anut san kagin panek<sup>a</sup> n̄inen o dam irupidaig duloj a. <sup>4</sup>Nal ta in̄j in̄anen megeloum dida dutumanig anaŋ diani dugo, ru kagin en irupidai, “Jerusalem ta abisei na wa, tia, lou panek a n̄aineg Bai aŋ aŋane wan in̄san promis ipanaŋ an ilasa wo malam agane gup aŋane wa. Aŋ gubak mi ru promis an n̄inen o n̄ai n̄abol ilasa se yan aloj la ya. <sup>5</sup>Jon you nam fulanek ipidinai se ya. Gug nal wei tia dop, aŋ Awan Urgan nam fulanek aŋane wa. Agop Urgan san dabai aŋ da wa.”

## Anut Jesus in̄aneg, lak na yau a

*Mak 16:19-20; Luk 24:50-53*

<sup>6</sup>Nal ta saen in̄j Jesus dida dutumani man, aposel adi dusumianig dubol, “Tubun en, dugo, oŋ gamu en maŋ Isrel tamolpein fon tumanama wak i? Ago dop maŋsiganema kiŋ kagin ipanama wak boi, nek ibol wagam Dawid san saen lo igane yak igo woŋ a.”

<sup>7</sup>Ago tag awad yabig ibol, “Mel ilasa wak san saen, agod ata nal mok ate mel an ilasa wan Bai in̄sen ilon nam igansi la ya, ak gug aŋsem mel an san saen aloj san n̄inen o ilon ta yen na da. <sup>8</sup>Gug saen Urgan aŋ tinim fo idu dan, aŋ dabai aŋane dop Jerusalem, Judea, Sameria na, agod tan titin wadan fidian lo dam aŋanem maŋau n̄ai n̄ineg o an tamolpein naod na abol ilasa wa.”

<sup>9</sup>Ago ibol go itout an aposel malad lo mi tan ibiseig, isidag, timtaen lo imianuk dugo dile san tia ya.

---

<sup>a</sup> Kingdom

<sup>10</sup> Jesus ibisawai dugo malad ti ibol go isudag keit lo abanj dile man, tamol uraru biouŋ milkouk didiri ak dilasa kisaek oŋ go, giraned na dutur dugo dil a. <sup>11</sup> Agog dubol, “Aŋ Galili tamol, ata wo ente atur dugo malam keit lo isida dak i? Aŋ Jesus ibisawaŋ go kumaen panu na yau an ale ya. Jesus nek emaiak yau ago mi dal nek kisaek an mitep afon lo imul ipalu dop ale wa.”

### **Mataias Judas aben iŋane wo dupiliani a**

<sup>12</sup> Agog aposel adi Did Oliv dibiseig, dumul Jerusalem na diau. Dal an kilomita kisaek igo woŋ. <sup>13</sup> Jerusalem na dilasag, ab a lo dumado dan san galuŋ ta lak na yak lo disida ya. Tamol saen an lo ante dumado se yak yaŋadi:

Pita, Jon, Jems iŋ Andru da, Filip iŋ Tomas da, Bartolomiu iŋ Matyu da, Jems Alfeus nanun, Saimon, tamol a Rom gabman paen na imado wo imoi dan, agod Judas Jems nanun. <sup>14</sup> Tamol an pempem dugudani wo dutumani se ya. Jesus tinan Maria, iŋ pein aenkadi, agod Jesus tein muroun dam dida dutumani a.

<sup>15</sup> Nal ta saen an lo ilo rumok adi dutumanig, nuŋod 120 igo woŋ dugo, Pita imasag <sup>16</sup> ibol, “Teig muroug, ru en aloŋ, wagam Urgun Dawid awan lo Judas niŋen o ibol ak nuŋon ilasa ya. Judas Jesus san ager iŋal go, dal ikubiai dileg dida diaug Jesus diabi a. <sup>17</sup> Judas dam iŋ aposel urat igane wo Jesus ipiliani a, iŋ dam nek id igo mi a.”

<sup>18</sup> (Inŋiganen sewak naon moni dupani an nam tan kilaken ta idad iŋane ya. Atna yau idug, luan ipuk go tiŋaen igulani idu ya. <sup>19</sup> Agog ru en Jerusalem ilon lo tamolpein fidian duloŋ tag, iŋ tan an muroud ru lo Akeldama dubol da. Yaŋak an fun: dar san tan.)

<sup>20</sup> “Isrel sad bar san buk lo ru igo digireg yen da,  
‘Inŋsan ab an tubabun a.

Talpein ta ifun san tia ya.’

Bar neinta buk an lo yen dan dam igo ibol:

‘Tamol sen ta aben iŋanep, inŋsan urat awan igane wa.’

<sup>21</sup> “Ago yak niŋen o tamol ta tipilianip Judas aben iŋane wa. Tamol a saen fidian id Jesus da tator dugo iŋ dam dida tator na yan mi titarpasaip luluŋad lo tamol kisaek tipiliani wa. <sup>22</sup> Agop id tamol dugon fun lo Jon fulanek igane dugo ida tator go ipalug saen Jesus ibisawad an mi ka tipiliani wa. An lo saen id Jesus fon kumaen imasa dugo tile yan san ru tamolpein turupidai dan, tamol a tupiliani dan luad isap, urat an id sisem tigane wa.”

<sup>23</sup> Agog tamolpein a dutumanig dumado dan iŋ tamol uraru yaŋad dupate ya. Ta Josef, tamol an Barsabas dubol da. Ago dugo yaŋan neinta Jastas. Agod ta man yaŋan Mataias. <sup>24-25</sup> Uraru an niŋedi wo gadiŋ lo Jesus igo dusumiani, “Tubun en, oŋ tamolpein fidian ilod uloŋ. Ago yak

nijen o tamol uraru en dugon Judas aben ijanep aposel urat igane wo pilianip kubiai panama. Man dugo, Judas aben a iŋsan mok an lo yau wo iŋsan aposel urat ibisei a, agog gamu iŋsan urat an awan kawan yen da.”<sup>26</sup> Dugudani itout, agog pat kittitik fo Mataias Josef da yaŋadi digire ya. Pat an disinig gab lo didiri. Ago gug gab an dukudumsig, pat fo Mataias yaŋan yen an inug idu ya. Ago tag Mataias aposel 11 an luad te diganeg, dida urat digane ya.

### Urgun idu ya

**2** <sup>1</sup>Pentikos nal idu, agog ilo rumok adi fidian dupalug, kisaek mi dutumanig dumado dugo, <sup>2</sup>liliŋan ta nek ibol tim tubun geig ifure dak igo woŋ ab lo dumado dan ilon lo isaldug ilon igane itau. <sup>3</sup>Agog mel ta yai balen wei mi igo woŋ dufurak diaug tamol a dumado yan gurmada fo ided ided yau dugo dile ya. <sup>4</sup>Tamolpein fidian Urgun ilod ijanefuteg an lo Urgun dabai ipidinai an fom iŋ anen anen tamolpein sen ak sad muroud ru funfun lo diŋiŋeŋ se ya.

<sup>5</sup>Aria, saen an lo Juda tamolpein gob sad tan fidian lo dumado dugo, ante Anut ubou an dile na yan tan an fidian dibiseig Pasova tumanek san anaŋ diani wo Jerusalem na diaug dilasag dumado se ya. <sup>6</sup>Saen liliŋan an duloŋ man, Juda tamolpein wei mi dususag dutumani a. Fidian dupalu yan anen anen iŋsiganed muroud ru lo aposel adi diŋiŋeŋ dugo duloŋ se ya, ago man iŋ fidian durut saian geig a. <sup>7-8</sup>Ago dugo dumasa saian go sed nug dusumiani, “Tamol diŋiŋeŋ dan fidian Galili tamol ak gug, en dugo woŋ dugo id fidian idsad muroud ru anen anen taloŋ dak i? <sup>9-11</sup>Id fidian tan asau ak sensen lo tupalu ya. Gug Anut mel tutubun igane yak id anen anen idsiganed muroud ru lo dubol dugo taloŋ da. Id aenkadi Patia, Media, Ilam na, agod aenkadi Mesopotemia, Judea, Kapadosia na tupalu ya. Aenkadi Pontas, Esia na, agod aenkadi Frisia, Pamfilia na dupalu ya. Aenkadi Igipta na, agod Libia san tan kilaken aenta Sairini giraŋen na, agod aenkadi Rom na dupalu ya. Aenkadi Juda mok, go aenkadi man Juda tia gug Juda sad ubou lo diau da. Agod aenkadi Krit na, aenkadi Arebia na dupalu ya. Id a fidian tupalu yan idsed awad anen anen taloŋ da.” <sup>12</sup>Iŋ fidian dumasa saian go ilod weiwei geig se ya, ago dugo sed nug dusumiani, “Kulob en san fun mok dugo mok ak i?”

<sup>13</sup>Gug aenkadi aposel adi kukok ad diganeg dubol, “Tamol en nag wain tubun mi duluk boi.”

### Pita tamolpein malan tubun ak ru irupidai a

<sup>14</sup>Ago dugo Pita aposel 11 dida dumado yak imasag, awan tubun mi awad yabig ibol, “Aŋ Juda tamolpein, agod aŋ fidian Jerusalem na amado dan, kudom agure uyanan pe, mel en fun ŋufulale dop aloŋ a. <sup>15</sup>Tamol emaiak wain duluk abol den ta duluk na ya. Tia, gamu man 9 klok tidom

lo mi a. <sup>16</sup>Ak ningen o kankan agane. Aban e ale den wagam profet Joel igo ibol:

<sup>17</sup>“Anut ibol, ‘Saen wadan ipalu wo sumeik dop,  
     nai naineg Urgun tamolpein fidian sad tinid fo nuwali idup dijanewa.  
     Nanuk tamol ak, in nanuk pein ak dam profet ru dubol ilasa wa.  
     Ajanem pinein foudi ak malad nutun dile wa.  
     Ajanem tamol busumadi ak njon lo njonamin dijanewa.

<sup>18</sup> Saen an lo dop naisag urat pein, urat tamol dam, tinid fo  
     naineg Ur nuwali idup dijanewa.  
     An lo dop in dam profet ru dubol ilasa wa.

<sup>19</sup> Nai keit lo kulob girager naon sensen njigane wan nukubiai ale wa.  
     Ago dop tan na dam kulob tutubun sensen ak kob igo won njigane  
     dop ale wa.

    An man dar, yai, agod yaikas malan bilkas nunon ak ilasa wa.

<sup>20</sup> Ad insan naon ibilisap tidom on ilasa dop,  
     kalam dam malan ibilisap, daran pe dar on ilasa dugup,  
     Tubun en san nal tubun ak girager anda idu wa.

<sup>21</sup> Ago dop tamolpein ensauta a gadin lo Tubun en ibinawai o duwagin  
     dan,  
     in tamolpein an fidian patud ipasi wa.’

<sup>22</sup> “O Isrel tamolpein, kudom agure! Anut an naom na ikubiaig ale yak,  
     in Nasaret tamol Jesus an uyan ipani a. An dugo won i? Anut sen kulob  
     girager agod urat dababai funfun kob igo won tamol an lo idiri dugo ale  
     na ya. Melmel an an lulunam lo tamol an tuon lo dilasa dugo an an fidian  
     alon a. <sup>23</sup>Wagam mok Anut ilon uyanan ak, Jesus an banim lo yau a.  
     Ansem tamol saiadi ak dida atumanaig an insad binawek da Jesus aigim  
     fo abali a. An an mitep ago agane wo yan Anut wagam mi ilon uyanan a,  
     man dugo, in ilon nek ago yen a. <sup>24</sup>Gug mater Jesus yabituani san tia tag  
     Anut in ifufunig, fon kumaen imasag mater san madai tuon lo ipasi a.

<sup>25</sup>Wagam mi Dawid sen dam Jesus ningen o igo ibol,  
     ‘Tubun ak pempem mi nai naog na itur da, an nai nile da.  
     In nai sinjireg na imado dugo dabai ipanag dan lo,  
     tamolpein nai dimiriranag san tia ya.

<sup>26</sup> Ak ningen o nai ilog tubun mi uyan dugo nai awag, ru ilo uyan san  
     ibol ilasa da.

    Nai tinig dam on binawag an mala nouk lo mi ititiano imado da.

<sup>27</sup> Man dugo, on naisag nutug Ades lo biseip ante ta yen na wa.  
     On onane Tamol Gun ak ulefuni dop ta igan na wa.

<sup>28</sup> On nai kumaen san dal kubiai panag a.  
     On nai da tumado wak lo nai uyasusai dam panag pe tinig  
     igane fute wa.’ ”

<sup>29</sup>“O teig muroug, aŋ alon ak ru e ɲurupaian den ru rumok, id tubud baged Dawid imat go disare ya. Agod iŋsan mutou yen dan pempem tile da. <sup>30</sup>Gug Dawid man profet ta. An niŋen o iŋ ilon ak, Anut ru lak na geig nam promis ipani an lo, mitep iŋsan malan kubulan ta kiŋ iganep, iŋsan aben iŋane wa. <sup>31</sup>Anut mitep dugo igane wan Dawid ilon tag, Kristus mitep fon kumaen imasa wak niŋen o ibol. Fun an lo dam ibol, Anut Kristus Ades lo ibiseig ta imado na ya, ago dugo tinin dam ta igan na ya. <sup>32</sup>Anut Tubun ak Jesus nek amaiak materŋ lo ifufunig, kumaen imasa da ya. Agod mel an maŋ fidian sema malama lo mile ya. <sup>33</sup>Anut Jesus iŋaneg yaŋan tubun geig anda giranen won ak lo imado da. Anut gubak mi iŋanen Awan Urgun Jesus ipani wo promis ru ipani a. Aria, gamu promis an nuŋon ilasag Urgun iŋane ya. Ago dugo Jesus sen Urgun an maŋ tinima fo iwali idu ya, ago dugo aŋ mel en ale dugo kududom ilon a. <sup>34</sup>Aŋ alon ak Dawid iŋsen kumaen panu na ta isuda na ya. Ago bo man iŋ igo ibol,

“Tubud ɲaisag Tubun en irupe:

giraneg won ak lo masip, mado dugup,

<sup>35</sup>oŋsa ager adi oŋ ɲie paen na ɲidirai a.’ ”

<sup>36</sup>“Ago yak niŋen o tamolpein fidian Isrel ilon lo yak kuai tem ɲurupaian da, ru rumok e ɲurupaian den aŋ ilom lo rumok o yan amoi san fun man tia ya. Jesus nek a afunig aigim fo abali an, Anut ipilianig iŋ Kristus agod Tubun ak dam igane ilasa ya.”

<sup>37</sup>Saen tamolpein ago dulon dugo, ru an bused isue saian geig a, ago tag Pita aposel aenkadi dida dusumianaig dubol, “O teim taoma, maŋ dugo mok migane wak i?”

<sup>38</sup>Agog Pita awad yabig ibol, “Fidian aŋanem aupasek anen anen patum apanip, apalup Jesus Kristus yaŋan lo suguek aŋane wa. Ago tap Anut aŋanem aupasek fidian ipare idup Awan Urgun ipanaŋ a. Urgun man iŋsan lou panek, an kawan naon an tia aŋane wa. <sup>39</sup>Promis e Urgun niŋen o yan man aŋsami, aŋanem malam kubulam sadi, agod tamolpein asau asau fidian iŋsad dam mi a. Awo, tamolpein a fidian idsad Tubud Anut igiai an promis an san nuŋon diŋane wa.”

<sup>40</sup>Pita ru tubun mok ibol go ru kagin wei mi irupidai se ya. Iŋ ilod dibilisa wo dabai geig iganeg ibol, “Aŋ sem patum apasi. Kabelan tamol saiadi Jesus dufuni ak sad naon panek ipalu dan aŋ dam aŋane banau.”

<sup>41</sup>Agog tamolpein wei mi Pita san ru ilod lo rumok go suguek diŋane se ya. Nal an lo tamolpein 3 tausen igo woŋ ilo rumok adi luad disa ya.

### Kris sad naok naok

<sup>42</sup>Kris foudi an aposel adi sad ru dulon o diau se ya. Jesus ilod isou san niŋen o kisaek mi dutumanig, dumado dugo, anaŋ dam kisaek mi diani dop dugudani se ya. <sup>43</sup>Aposel adi Anut san dabai lo kulob girager funfun

digane se ya. Ago dugo tamolpein fidian durut saian geig a. <sup>44</sup>Ilo rumok adi fidian sad kankan kisaek mi a. Ta mel dugon tia dugo ta aman da man, turan mel lo katuk an ibinawi se ya. <sup>45</sup>Aenta ijaned tan kilaken, melmel aenta dam didaen lo didirig, san moni dijaneg, tamolpein melmel lo katuk adi an dipidinaig sed ibinawai a. <sup>46</sup>Inj fidian ilod kisaek mi nal fidian gudanek digane wo tempel lo dutumani se ya. Insignaned ab ate tet mi dutumanig yousai lo agod ilod kisaek lo dam anan diani se ya. <sup>47</sup>Anut yañan diabisa dugo tamolpein ilo rumok adi sad kagin dileg yañad diabisa se ya. Agog Tubun en nal pempem tamolpein a patu pasek ipidinai dan ilo rumok adi luad te idirai se ya.

### **Pita tamol njen itubabun ak ikubune ya**

**3** <sup>1</sup>Nal ta Pita Jon da 3 klok guraian gudanek san saen njen o tempel lo diau a. <sup>2</sup>Tempel sumeik dupani dugo tamol ta tinan tijaen lo mi njen saian ak disini diaug, tempel dalawan yañan “Dalawan Siñaokan” dubol dan, ate digansig imado dugo dile ya. Tamol an pempem ago disini diaup imado dop, tamolpein tempel lo diau dumul dan moni o igudanai da. <sup>3</sup>Tamol an Pita inj Jon da diladu wo dugo yil tag moni ta amad da tap dupani wo igudanai a. <sup>4</sup>Ago tag urarum malad ti ibol go dile dugo Pita irupei, “Mala ipalup, liama!” <sup>5</sup>Agog tamol an ilon lo Pita Jon da mel ta dupani wo digane dak ago ibol tag, malan yaug yil a.

<sup>6</sup>Agog Pita ibol, “Ñai pat silva gol da amag tia ya. Gug mel a ñai amag da yan gamu ñupano wa. Jesus Kristus Nasaret tamol an yañan lo masap wau.”

<sup>7</sup>Agog Pita tamol an banin won ak lo yabig, imasa itur o ibinawi a. Saen inj ago igane yan tamol an njen aten, njen ñudun an fidian dabai kisaek on a. <sup>8</sup>Agog tamol an isokalik go, fun iganeg itor ila iso se ya. Agog itor dugo isokalik on go, Anut yañan yabisag Pita Jon da dida tempel ilon lo diladu ya.

<sup>9</sup>Agog tamolpein fidian tempel lo dumado yan inj itor dugo Anut yañan yabisa dugo dile ya. <sup>10</sup>Inj dile dulon ak, tamol an imug tempel san dalawan siñaokan ante imado na yan nek ama ya. Inj itor uyanan an njen o dirut saian a.

### **Pita tempel lo tamolpein ru irupidai a**

<sup>11</sup>Tempel ilon lo aben ta Solomon san Madok Aben dubol dan ate tamol an Pita Jon da ibiaig, dida ditor se ya. Tamolpein fidian mel a tamol an lo ilasa yan njen o dumas saian go insad na dumaspalug diau a. <sup>12</sup>Saen Pita ago yil tag irupidaig ibol, “O Isrel tamol adi, an ata wo kulob en aleg amasa saian i? Ata wo ago aliama dak i? Nag an ilom lo manşiganema dabai lo, tia, manşiganema Anut kagin lo tamol en njen mukubune abol dak i? <sup>13</sup>Tia, Abraham, Aisak, Jakob insad Anut, id baged muroud sad

Anut, iñanen urat tamol Jesus yanjak tubun geig ak ipani a. Gug aņ tamol an gurman adi banid lo dufuni imat o agane ya. Pailat ipasi wo ibol gug aņ amoig Pailat naon na patum apani a. <sup>14</sup>Iņ bo tamol gun agod itaot ak gug aņ iņ amoi a. Aņ tamol ta talpein ifuni imat ak Pailat ipasip ipanaņ o asumiani a. <sup>15</sup>Aņ tamol a id kumaed tumado san fun amaiak afunig imat a. Ak gug Anut materņ an lo ifufunig, afon kumaen imasa da ya. Agog kulob an maņ malama nam mile ya. <sup>16</sup>Ilo rumok Jesus yanan lo yan mi tamol e alonņ uyanan dugo leil apani den nien dabai ilasa ya. Jesus yanan lo, agod ilo rumok a iņ id ilod lo igane ilasa dan lo dam, kubunek en iñane ya, ago dugo nien gamu dabai pasik an aņ fidian ale a.”

<sup>17</sup>“O teig muroug niai nalonņ ak, kulob a aņ anșam gurman adi dida Jesus lo agane yan, aņ fidian añaonņ an lo ago agane ya. <sup>18</sup>Anut profet adi awad lo wagam ibol, iñanen Kristus muruan isini wo ibol. Ak ninen o dal an lo iñanen ru ibol ak nuņon ilasa ya. <sup>19</sup>Ago yak ninen o aņanem kagin saiak saiak patum apanip, ilom ibileksap, Anut naom apani. Ago tap aņanem aupasek fidian ipare idu wa, an lo dop ilo maror agod yaes bilabal san saen Tubun en iganep aņ o ilasa wa. <sup>20</sup>An mi tia ya, Anut Kristus e aņ o ipiliani en idinip ipalu wa, nek Jesus ema ya. <sup>21</sup>Iņ kumaen panu na imado dop yaup, Anut mel fidian ibilisap foun ak dilasa san saen ilasa wa. Anut ago igane wo wagam mok iñanen profet gun adi awad lo ibol a. <sup>22</sup>Man dugo, Moses igo ibol, ‘Anut aņanem Tubun en, nek niai idinag go nupalu yak ago mi profet ta anșiganem dar lo yak igane ilasap idinip ipalu wa. Ru fidian irupaiaņ dan kagin apani wa. <sup>23</sup>Talpein ta iņ profet an awan ilonņ o imoi dan, Anut talpein an iņsan tamolpein lo ikudip pitiņinek saian geig ak ipani wa.’

<sup>24</sup>“Rumok, Samuel sen dam agod profet aenkadi nien aban duri an fidian ru gamu saen en san dubol ilasa na ya. <sup>25</sup>Aņ man profet adi an sad malad kubuladi, an lo promis a Anut profet an sad awad lo ibol an, agod kontrak a aņanem tubum bagem ipidinai an san nuņon dam aņanemi a. Anut ru en wagam Abraham irupeig ibol, ‘Onane mala kubulan lo tan en san tamolpein fidian bar diñane wa.’ <sup>26</sup>Saen Anut iñanen urat tamol tan en lo igane ilasa man, imug mi anșam na igane ipalu ya. Iņ bar ipanaņ o ipalu ya, ago dugo bar an igo ya, iņ idiraņ pe aņ anen anen sem adansap aņanem kagin saiak saiak patum apani wa.”

#### Pita iņ Jon da Kaunsil naod na dutur a

**4** <sup>1</sup>Saen Pita iņ Jon da tempel lo tamolpein ru durupidai dugo, pris adi, tempel titianek tamol sad gurman, iņ pris warou a Sadyusi dubol dan aenta dida sad na dupalu ya. <sup>2</sup>Iņ tiņaed saian geig a. Man dugo, Pita Jon da Jesus imat gug fon kumaen imasa yak san ru tamolpein naod na durupidai dulonņ se ya. Iņ maņau ago dupiteņanai dan lo tamolpein dulonņ ak, Jesus lo tamol dumat dak, fon ka dumasa wa. <sup>3</sup>Ago

tag dubourou gug abanj tidom idu la yak ninjen o subanek ab lo didirai a. Inj ilod lo man aposel adi ante dien pe tidom lom mi gup kot dupidinai a. <sup>4</sup>Gug tamolpein a injsad ru duloj an lulujad lo wei mi ilod lo rumok a. Tamolpein an ilo rumok adi luad disag, tamol itumanaig sad sutek faiv tausen igo wonj a.

<sup>5</sup>Tidomig Juda sad tirnek tamol adi, matu gurman adi, agod kubiaen san girek manjau adi dam Jerusalem na dutumani a. <sup>6</sup>Pris gurman Anas, agod Kaiafas, Jon, Aleksandra, agod tamol aenta pris gurman san gugoi lo yan dam dida dutumani a. <sup>7</sup>Agog aposel adi digiaig dupalug, naod na dutur dugug dusumianai, “Anj dabai dugomaiak lo, tia, yanjak dugomaiak lo anjaneg, tamol en akubuneg uyan ak i?”

<sup>8</sup>Ago dugo Urgun Pita ilon injanefuteg awad yabi, <sup>9</sup>“Anj gurman, anj ilo mujanek san kulob ta lo tamol njien itubabun ak uyan ilasa yan ninjen sumiaek lo adirama tap, agod en dugo wonj dugo kubunek injane yan dam manj asumianama tap, <sup>10</sup>aria, ru en alonj uyanan. Kulob en Nasaret tamol Jesus Kristus injanen yanan san dabai lo ilasa ya. Tamol amaiak anj aigim fo abalig afuni imat ak gug, Anut materj lo ifufunig fon kumaen imasa da ya. Inj lo mi tamol e anj naom na itur den kubunek injane dugo kulob an san nujon ale ya. <sup>11</sup>Jesus nek amaiak ninjen o Anut ru igo ibol,

‘Pat nek a ab bek tamol adi dumoi dan,  
nek amaiak ab tinin fidian yabi sakar da.’

<sup>12</sup>Inj mi lo patu pasek ale wa. Man dugo, tan en fidian lo man Anut yanjak sen ak ta lo id tamolpein fidian patu pasek ka tijane wan ta ipanad na ya, tia, nek Jesus yanan lo mi a.”

<sup>13</sup>Kaunsil adi dile yak, Pita Jon da malak malak ru dabai anda nam durupidai a, uraru an tamol kawan, inj skul ta digane na ya. An ago dile man durut saian geig a. Agog an kankan ipidinai ak, tamol uraru an gubak mi Jesus da dumado dutor an dile duloj a. <sup>14</sup>Ak man ru ta dubol san tia ya. Man dugo, Pita Jon da tamol dukubune yan sijired na mi itur dugo leil dupani da. <sup>15</sup>Ago tag kaunsil adi tamol utol an didinaig, tumanek aben dubiseig patun fo dilasa gug injsed mi pasak nam dinjinej se ya. <sup>16</sup>Injsed mi nug dusumiani, “Id tamol uraru en dugo tiginiai ak i? Id kubol ilasa yan sewak tabol san tia ya, man dugo, tamolpein fidian Jerusalem na dumado dan kulob girager e tamol uraru en digane yen duloj la ya. Id tatot san tia ya. <sup>17</sup>Id mel en tabituani wa, kabelan ru en yaup tubun banau. Ago yak ninjen o tamol uraru en kudod tabi uyanan a. Inj afon talpein ta naon na Jesus yanan ta dupate na wak ninjen o ru kagin turupidai a.”

<sup>18</sup>Agog Pita Jon da digiaig, diladug ru dabai nam durupidai, “Anj afon Jesus yanan lo tamolpein ru ta arupidai na wak, agod yanan an lo dam manjau ta mok apitejanai na wa.”

<sup>19</sup>Gug Pita Jon da awad diabig dubol, “Anjem mi mel en abitinaep ale wa. Dugon Anut malan lo uyan ak i? Dugo, anjanem awam kagin mupani

wak i? Tia, Anut awan kagin mupani wak i? <sup>20</sup>Man dugo, maŋ mel sema malama lo mile yak kudoma lo malon ak niŋen o awama itau san tia ya.”

<sup>21-22</sup>Tamol niŋen imat gug Pita Jon da dukubune yan iŋsan anaŋar 40 iriŋani tag tamolpein fidian melmel ilasa yan niŋen Anut yaŋan diabisa se ya. An lo Juda sad kaunsil dal ta dilep lo bu dupidinaŋ san tia ya. Ago tag ru kagin dabai geig mi dupidinaig, dubusawaig diau a.

### **Ilo rumok adi dabai diŋane wo dugudani a**

<sup>23</sup>Saen dubusawaig dilasa yan Pita Jon da dumul turad muroud sad na diau a. Agog pris gurman, iŋ gurman aenta, ru dubol an awad aban durupidaig duloŋ a. <sup>24</sup>Ru an duloŋ tag fidian Anut igo dugudani, “Tubun en, oŋ mi tan, you, beig, keit, agod mel mel fidian lo dien dan san Taman. <sup>25</sup>Urgun lo oŋse maŋ tubum bagem Dawid oŋane urat pinein awan lo ubol dugo gamu nuŋon mile da.

‘Ata wo tan fidian sad tamolpein tiŋaed saian di?

Ata wo tamolpein an palaŋ dumari gug nuŋon tia yak i?

<sup>26</sup>Tan en san kiŋ fidian yu digane wo tawaŋ dumado da, ago dugo tirnek tamol fidian dutumanig,

Tubun en iŋanen Pilianek Tamol da ager digane wo digane da.’

<sup>27</sup>Rumok, ru amaiak ente Jerusalem na nuŋon ilasa ya. Herod iŋ Pontius Pailat da, tamolpein Juda tia yan agod Juda tamolpein aben ente dumado dan dida dutumanig, oŋane urat tamol gun ak Jesus oŋse piliani an, palaŋ an dumari se ya. <sup>28</sup>Tamol adi an oŋse wagam mi oŋane ilobol iŋ dabai da lo ilasa wo ubol an, ago mi digane ya. <sup>29</sup>Aria, Tubun en, gamu ru saiak tinid dumisilani san dupaiama an oŋane kududo ilon la ya. An ilo sou gane dop oŋane urat tamol adi dabai panamap maŋ rurek tia yan lo oŋane ru mabol ilasa wa. <sup>30</sup>Oŋ oŋane tuo watep oŋane urat tamol gun ak Jesus yaŋan lo, tamolpein subam ad da yak kubuniaip, kulob girager dirip dilasap, kulob dababai tamolpein dil pe durut saian an dam gane wa.”

<sup>31</sup>Gudanek itout go ab a lo dutumani an ibuk ila iso ya. Ago dugo Urgun fidian bubed ilon awan isag, Anut san ru tamolpein naod na dubol ilasa wo tinid ta irer na ya.

### **Ilo rumok adi melmel fidian lo nug dubunawi se ya**

<sup>32</sup>Ilo rumok adi fidian iŋsad kankan agod iŋsad ilod dam kisaek mi a. Ta iŋsan biouŋ biouŋ an iŋsiganen mi ago ibol man tia ya. Tia, fidian melmel nug duwae dupani se ya. <sup>33</sup>Ago dugo ru dabai tubun anda yak lo, aposel adi Tubun ak Jesus kumaen imasa yak san bilaluŋ dubal ilasa se ya. Agod Anut san ilo panek tubun mi an iŋ fidian tinid fo iwali idu ya. <sup>34</sup>Iŋ lulunad lo talpein ta mel ta lo katukan ta imado na ya. Man ata wo? Nal kadi lo, talpein ensauta a ab ad da boi, tia, tan kilaken ad da yak ta,

an didaen lo diganeg san moni dijaneg, disini dupalu ya. <sup>35</sup>Agog moni an aposel adi n̄ied fun na didirsi a, ago dugo aposel adi ditarpaleg talpein enti mel ta lo katuk adi an dubinawai se ya.

<sup>36</sup>Saen an lo iñ lulunad lo tamol ta yañan Josef imado da. Iñ Livai san gugoi lo ilasa ya, gug iñanen tinan man nui yañan Saiprus dubol dan ante igansi a. Aposel adi yañan neinta dupanig Barnabas dubol da. (Yañan an fun man, Ilo Yabisa San Tamol.) <sup>37</sup>Aria, iñsan tan kilaken idad go moni an iñaneg isini yaug aposel adi n̄ied fun na igansi a.

### Ananaias iñ Safaira da

**5** <sup>1-2</sup>Tamol ta yañan Ananaias, iwon yañan Safaira. Iñ tan kilaken idad yau dugo san moni aenta iñsen yabi a. Pein iñ tamol da awad kisaek. Agog aposel adi n̄ied fun na moni aenta idirsi dugo irawaig igo ibol, “Moni fidian nek ebo ya.” <sup>3</sup>Ago tag Pita Ananaias irupeig ibol, “Ananaias, ata wo Satan ulefuni dugo ilo iduduwig, sewak ganeg Urgun naon kubiani ak i? Tan a udad yau an san moni wadan wabi da. <sup>4</sup>Saen tan gamugo udad yau man oñ muroun mado ya. San moni ñane yan man oñse ilo nam gane wo ago ka gane wa, an ta rumok na i? An lo mel dugon kankan ipano yan lo kagin saian igo gane yak i? Oñ tamol adi ta rawai na ya. Tia, oñ Anut rawi wo gane ya.”

<sup>5</sup>Saen Ananaias ru an ilonj man gamu nam yau idug imat a. Tamolpein fidian ru an dulonj go tubun mi durut direr a. <sup>6</sup>Agog pinein dupalug, iñsan sisanun yamel nam dubuluwig dijaneg kuai te dilasag diaug disare ya.

<sup>7</sup>Murnag, ad mitilaen kitek 3 auwa igo yan, iwon pein ak ipalug iladu ya. Muruan ilasa man ta ilonj na ya. <sup>8</sup>Agog Pita isumianig ibol, “Ak dugo, oñ oñane iwo da tan adad yau ak naon emaiak añane yak i?”

Ago dugo awan yabig ibol, “Awo, moni miñane yak nek ago mi ipanan a.”

<sup>9</sup>Pita imasag Safaira irupe, “Oñ iwo da ilom kisaek go Tubun en san Ur naon akubianig ale wo agane ya. Dugo, añ ilom isou ak ago ka aganep muruan ta ale na wak abol i? Ulonj, pinein a oñ iwo disare yak sad n̄ied awan dalawan te ilasa da, gamu oñ dam diñiliop kuai te alasap au a.”

<sup>10</sup>Agog gamu nam pein an dam Pita naon na yau idug imat a. Ago dugo pinein diladug iñsan sisanun dile tag diñane diaug iwon tamol ak giranen na disare ya. <sup>11</sup>Ilo rumok adi fidian, tamolpein aenkadi dam, ru an dulonj go tubun kasik direr a.

### Aposel adi tamolpein wei mi dukubunia i a

<sup>12</sup>Aposel adi kulob girager wei kasik tamolpein lulunad lo digane se ya. Ago dugo ilo rumok adi Solomon san Madok Aben ilon lo dutumani na ya. <sup>13</sup>Tamolpein patun fo yak ilo rumok adi yañadi diabisa yak gug,

diaup dida dutumanai san niŋen o fidian direr pasik a. <sup>14</sup>Ago bo man tamolpein wei mi ilod dibilisag, Tubun en ilod lo rumok go ilo rumok adi luad disa se ya. <sup>15</sup>Aposel adi kulob girager dabai anda digane se yan lo, tamolpein muroud muroud subam ad da yan dal gigin te diŋal dususap dien se ya. Aenkadi kapal fo, aenkadi gadab fo dien se ya. Agop saen Pita ipalup iriŋanai dop san tirarou ituanaŋi dop lo uyadi wo dubol. <sup>16</sup>Jerusalem gigin na panu dien dan san tamolpein wei kasik dilasa ya. Iŋaned samun subam adi da yan, ur saian amad da yan diŋal dupalug, an fidian uyadi.

### **Gurman adi aposel muruan dupidinai a**

<sup>17</sup>Juda sad pris malan te ak, Sadyusi a giranŋen na dumado dan dida, an fidian aposel adi sad urat dile tag, turak susai tiŋaed iŋanefute ya. <sup>18</sup>An lo iŋ aposel adi duburoug, subanek ab lo didirai a. <sup>19</sup>Ak man tidom lo Tubun en san eŋel ipalug subanek ab san dalawan ipasig, aposel adi iŋal go patun fo dilasa ya. <sup>20</sup>Agog irupidaig ibol, “Aup, tempel san tumanek aben lo atur dop, kagin foun emaiak san ru fidian tamolpein arupidaip duloŋ a.”

<sup>21</sup>Agog aposel adi eŋel awan durig, salsog iŋ tempel lo diladug fun diganeg tamolpein ru durupidaŋi duloŋ se ya.

Nek nal an lo mi pris malan te yak, turadi dida Juda gurman fidian adi digiaig, Juda sad Kaunsil tumanek tubun ak diabi a. Agog subanek ab lo aposel adi diŋal pe dupalu wo tempel san titianek tamol didinaig diau a. <sup>22</sup>Gug saen subanek ab lo dilasa man, aposel adi naod tia tag dumul diaug, kaunsil adi durupidaŋi, <sup>23</sup>“Saen subanek ab lo milasa man dalawan fidian itau. Titianek tamol tawaŋ dutur ak gug, saen dalawan mupasi man tamol an ta meil na ya.”

<sup>24</sup>Pris gurman adi, iŋ tempel titianek tamol adi sad gurman dida ru an duloŋ go dumasa saian. Mel an kankan ipidinaig ilod weiwei se ya, so muruan ilasa wo dak niŋen o ilod isou se ya.

<sup>25</sup>Agog tamol ta ipalug irupidaŋi, “Aŋ tamol a subanek ab lo adirai an tempel san tumanek aben lo dutur dugo tamolpein maŋau dipiteŋanai da.”

<sup>26</sup>Ago tag tempel titianek tamol sad gurman iŋanen tempel san aikatuk adi dida diaug, aposel adi diŋal go Juda sad Kaunsil sad na diau a. Saen aposel adi diŋal man pasak nam diŋal a. Kabelan silei nam mi dop, tamolpein tiŋaed saian pe pat nam dufu banau.

<sup>27</sup>Aposel adi diŋal go dupalug kaunsil naod na dugunaig dutur a. Ago dugug pris malan te yak sumianek ipidinai, <sup>28</sup>“Maŋ geg sakar geig mupanaŋ a. Aŋ afon tamol an yaŋan lo ru ta abol ilasa na wo mabol a. Gug gamu aŋ Jerusalem ilon lo aŋsam piteŋanek an mi abisa aguni da. Agop tamol a imat an iŋanen mateŋ san ai wadan maŋ buroma fo agane wo agane da.”

<sup>29</sup>Ago tag Pita aposel aenkadi dida pris malan te yan awan diabig dubol, “Maŋ tamol awad kagin mupani san tia ya, tia, Anut awan mi muri mupani wa. <sup>30</sup>Aŋ Jesus aigim fo abalig afuni imat ak gug, id tubud baged sad Anut mateŋ lo ifufunig kumaen imasa da ya. <sup>31</sup>Anut iŋaneg giranen won ak lo imado da. Agod dabai ipanig, idsad gurman, idsad patun pasek tamol dam imado da. Anut saen ipanad dan lo, id Isrel tamolpein naod Jesus tupanip ilod ibileksap, an lo idaned aupasek ipare idu panad a. <sup>32</sup>Maŋ iŋsan mateŋ, imasa yan malama lo mile ya. Ago yak niŋen ru an tamolpein naod na mabol da. Urgun dam iŋanen urat lo melmel en fidian niŋen o ibol da. Ago dugo Anut Urgun nek an tamolpein a fidian iŋsan awan kagin dupani dan ipidinai a.”

<sup>33</sup>Juda Kaunsil adi ru an duloŋ go tiŋaed tubun mi saian tag, aposel adi dufu dumat o ilod tubun mi ibol a. <sup>34</sup>Gug Farisi ta yaŋan Gameliel, iŋ kubiaen san girek maŋau ta, agod tamolpein fidian iŋ yaŋan diabisa yan, iŋ imasag itur dugo aposel adi tumanek dibiseip patun fo dilasa wo ibol a.

<sup>35</sup>Agog kaunsil irupidaig igo ibol, “O Isrel tamol, aŋ tamol en afu dumat o agane dan kagin agane. <sup>36</sup>Wari na geig tamol ta Teudas iŋsen tubun o igane. Agog sawar kitek 4 handet igo woŋ niŋen fo dutor. Gug dufuni imat dugo iŋsan sawar an dititalaig dufurak diau dugo, ager yabisa yan nuŋon tia ya. <sup>37</sup>An tinin te, yaŋa kubunek san saen lo, Galili tamol ta yaŋan Judas, tamol aenkadi iŋal go urat pinein oŋ niŋen fo dutor. Gug iŋ dam dufuni imat. Agog iŋsan sawar an dititalaig dufurak diau a. <sup>38</sup>Ago yak niŋen o ŋurupaian da, tamol en abusawaip ka diau a. Kubol a digane dan tamol sad kankan lo tap man, milaen tiap itout a. <sup>39</sup>Ak gug an Anut san man, aŋ tamol emaiak abituanai san ta idaisuda na wa. An lo dop abituanai o agane tap, aŋ Anut da nug abi dak ago sem iliaŋ a!”

<sup>40</sup>Kaunsil adi iŋsan ru duloŋ go ilod iŋane ya. Ago tag aposel adi digiaig diladug bu mi dupidinai a. Agog Jesus yaŋan fon ta dupate na wo geg sakar geig digane ya. Ago gug dubusawaig diau a. <sup>41</sup>Aposel adi ilod uyan dugo kaunsil sad tumanek ab dibiseig dilasa ya. Ata wo, iŋ Jesus yaŋan o tamolpein naod na muruan disini wo Anut ipilianai a. <sup>42</sup>Nal pempem tempel san tumanek aben lo, ab ab lo dam, bilaluŋ uyan ak tamolpein dupitejanai se ya. Bilaluŋ uyan ak lo Jesus mi iŋ Kristus an tamolpein durupidaig duloŋ a.

### Tamol 7 aposel dubunawai o dipilianai a

**6** <sup>1</sup>Murnag ilo rumok adi wei mi dilasa se yan, luluŋad lo tamolpein malan uraru dumado ya. Saen an lo, Juda tamolpein a Grik ru dubol dan, iŋ Juda tamolpein a Hibru ru dubol dan dida nug lo muruan ilasa ya. Man dugo, Juda Grik ru diŋiŋen dan igo dubol, nal anek anek lo aposel adi anan ditarpaleg duwae dak gug iŋsiganed pein suos ilod ta isou na da. <sup>2</sup>Ago tag

apospel 12 an ilo rumok adi fidian digiaig dutumanaig durupidai, “Maŋ ananŋ waek san urat migane dop lo Anut san ru mufulale wan mibisei dop, an uyan tia ya. <sup>3</sup>Ago yak niŋen o teid taod, tamol 7 luluŋam lo Urgun amad da yak, kankan milaen ak, agod yaŋad uyan ak mi apilianaip urat an banid lo tigane wa. <sup>4</sup>Gug maŋ gudanek mi, agod ru fulalek san urat dam mi leil mupani wa.”

<sup>5</sup>Tamolpein fidian ru an duloŋ go aposel sad kankan niŋen o ilod uyanan a. An lo tamol ta yaŋan Stiven dipiliani a. Inŋ ilon rumok dabai, agod Awan Urgun ilon ijanefute ya. Ta yaŋan Filip, ta Prokoras, ta Naikena, ta Taimon, ta Parmenas, agod Antiok tamol ta yaŋan Nikolas, inŋ Juda tia yak gug Juda ubou lo yau da. <sup>6</sup>Ilo rumok adi tamol 7 an aposel naod na didirai ilasa ya. Agog aposel adi inŋ o Anut dugudanig banid gurmaŋ fo digane ya.

<sup>7</sup>Agog Anut san ru ifurak go, tamolpein wei mi duloŋ a. Jerusalem na ilo rumok adi dilasag wei kasik a. Agog pris adi wei mi dam ilod lo rumok go, ilo rumok san dal duri dupani a.

### **Juda sad gurman Stiven diabi a**

<sup>8</sup>Aria, Stiven man Anut san ilo panek, inŋsan dabai dam inŋ lo yen a. An lo inŋ tamolpein luluŋad lo kulob girager funfun agod mel tutubun durut saian san dam wei mi igane ilasa se ya. <sup>9</sup>Gug Juda tamol aenkadi Stiven lo siai digane. Tamol an ubou ab yaŋan “Tamol kawan dumado dak” dubol dan sad tamol. Tamol an inŋsad panu Sairini, inŋ Aleksandria da. Agod Silisia inŋ Esia da provins uraru an sad tamol dam Stiven lo ager diabisa ya. Tamol amaiak fun diganeg Stiven lo ru nam yu digane ya. <sup>10</sup>Gug Stiven san kankan milaen geig dugo Urgun san dabai lo dam inŋinŋ a, an lo ijanen ru niŋen o inŋ dutur dabai san ta idaisuda na ya.

<sup>11</sup>Ago tag tamol aenkadi pasak nam diŋal go, ru sewak igo dubol ilasa wo durupidai a. “Stiven inŋ Moses Anut da lo misilaneŋ ru ibol dugo maŋ awan maloŋ a,” ago dubol o durupidai a.

<sup>12</sup>Agog tamol an diaug ru sewak an lo tamolpein, matu gurman adi, agod kubiaenŋ san girek maŋau dam ilod dusueg an lo tiŋaed saian geig a. Agog tamolpein an dupalug Stiven diabig, Kaunsil sad na diŋane diau a. <sup>13</sup>Kaunsil malad lo itur dugo, tamol Stiven tinin lo dusupale san digiaig, diladug ru sewak igo dubol, “Tamol en idsad tempel gun an, Moses san kubiaenŋ da niŋedi wo ru saian pempem ibol da. <sup>14</sup>Maŋ maloŋ dugo ibol, Nasaret tamol a Jesus dubol dan tempel iratitale dop, Moses san kubiaenŋ id ipanad an dam ibileksa dop idirad pe tamol kagin senamo ak turi wa.”

<sup>15</sup>Ru an dubol dugo Kaunsil dumado yan malad ti ibol go Stiven leil dupani dugo, ijanen naon eŋel ta naon igo woŋ dile ya.

### **Stiven Kaunsil ru irupidai a**

**7** <sup>1</sup>Juda Kaunsil ru an fidian duloŋ go itout gug pris malan te an Stiven isumiani, “Dugo, ru a dupano dan fidian rumok ak i?”

<sup>2</sup>Ago tag Stiven ru naon irupidaig igo ibol, “Teig taog, tamag muroug, kududom agure! Id tubud baged Abraham wagam geig Mesopotemia na imado dugo, saen an lo in gamugo Haran na yau dugo, Anut lilaman anda yan naon na ilasa ya. <sup>3</sup>Agog irupe, ‘Tan en biseip, onane murou murou dam busawaip tan nukubiai pano wan lo wau.’ <sup>4</sup>Agog Kaldia tan ibiseig yang taun a Haran dubol dan te imasi a. Murnag Abraham taman imat dugo Anut idinig tan e lo amado den ente ipalug, imasi a. <sup>5</sup>Saen an lo Anut tan en samun kabelan ta Abraham sen tinin o ipani man tia ya. Gug Anut mitep tan en Abraham in malan kubulan dida ipidinaip sed ninedi wo ibol a. Gug Abraham saen an lo nanuk tia imado dugo Anut promis an ipani a. <sup>6</sup>Anut igo ibol, ‘On mala kubulan mitep tan sen ak lo tamolpein gol ak igo won ante dumado wa. Ante dam in urat bigabeg adi dilasa wa. Agop ananar 4 handet lo tan an san tamolpein saian dupidinaip muruan wei mi disini wa. <sup>7</sup>Gug nai tamolpein a muruan ago dupidinai dan naon muruan geig ak nipidinai a. Ago dugup onane mala kubulan tan an dibiseip, tan en lo nai ubou ag dile wa.’ <sup>8</sup>Agog Anut Abraham kontrak ipani a, kontrak an san kob man, nanuk tamol ak tinid sunulon dutute wa. Murnag Abraham iwon in Aisak igansig ubou kisaek yau dugo Abraham tinin sunulon itute ya. Murnag, Aisak san nanun Jakob ilasa ya. Ago mi Jakob san nanuk 12 dilasa ya. In idsad tubud baged.”

<sup>9</sup>“Josef tein muroun Josef ninen o turak dususa ya. In dile saian an lo Igipta na urat bigabeg imado wo dinaneg didaen lo digane yau a. Ak man Anut Josef da dumado na ya. <sup>10</sup>Insan muruan fidian lo ibinawig patun ipasi a. Anut Josef kankan milaen mi ipani an lo Farou Igipta sad kin Josef ipitianig ilon ipani a. Agog Farou Josef tamol tubun iganeg Igipta tan, insan ab lo melmel fidian dam kagin ipani na ya.

<sup>11</sup>“Murnag Igipta tan yang Kenan na geg an kadag tubun ak idug, tamolpein fidian muruan disini se ya. Id baged muroud anan dile wo aban diabi se ak gug anan tia ya. <sup>12</sup>Gug saen Jakob Igipta na anan yen dan san ru tim ilon man, nanun muroun, id baged muroud, idinaig malmalan geig in atna diau a. <sup>13</sup>Murna anan itout go fon dumul Igipta na diau gug, Josef tein muroun naod na sen fun ifulaleg, Farou dam saen an lo Josef tinan taman, tein muroun ninedi wo ru ilon a. <sup>14</sup>Agog Josef taman san na ru igane yang, inanen samun fidian inal pe dupalup Igipta na dumado wo ibol. Fidian dupalu yak sad sutek 75. <sup>15</sup>Agog Jakob imasag Igipta na yau a. Atna mi dumado dugo Jakob id baged muroud 12 an dam dumat a. <sup>16</sup>Insad sisanun disini diaug Sekem na tan kilaken ta wagam Abraham Hamor sad gugoi banid lo idad inane yan lo disiriai a.

<sup>17</sup>“Anut Abraham promis a gubak mi ipani an nunon ilasa wo sumeik dugo, idsad tamolpein Igipta na dumado yan igileg wei kasik a. <sup>18</sup>Saen an lo kin foun ta ilasag imado dugo Igipta kagin ipani na ya. Ak gug kin an Josef ninen inanon geig a. <sup>19</sup>Idsad tubud baged irawai ifu dugo, muruan

tubun mi ipidinai se ya. Inj isodudunaig an lo injaned nanuk foudi ak kuai tem didiraig, dumat a.

<sup>20</sup>“Saen an lo Moses ilasa ya. Anut malan lo nanuk an sijaokan mok a. Kalam utol tinan taman dida dumado dugo kagin dupani a. <sup>21</sup>Gug saen kuai te digane man, Farou nanun pein njalaŋ an injaneg, injsinan nanuk oŋ kagin ipani na ya. <sup>22</sup>Moses Igipta sad maŋau fidian mi injaneg, tamol tubun ak ilasa ya. Injsan ru bilabol dabai dugo, urat dugon igane yan dam dabai anda ya.

<sup>23</sup>“Moses san anaŋar 40 dugo, nal ta ilon man tein taon Isrel tamolpein yil o ibol go yau. <sup>24</sup>Yau dugo naon fo na Igipta tamol ta Isrel tamol ta tinin ifini saian dugo ile ya. Ago tag Isrel tamol an ibinawig, naon ifulig Igipta tamol an ifuni imat a. <sup>25</sup>Injsan ilon man, Isrel tamolpein Anut inj ibinawai o idinig ipalu yan duloŋ ak ibol, ak gug tamolpein an ta duloŋ na ya. <sup>26</sup>Nal tinin te man, Isrel tamol uraru nug dufuni dugo yil tag, maror igansi wo yaug irupidai, ‘Alon, aŋ nug tein taon, en ata wo nug tinin malan asue wo agane dak i?’

<sup>27</sup>“Gug neinta wagai fun igane yan, Moses isopasig gigin na yaug ipei, ‘Enti oŋ maŋ kagin panama dop ru tulek tamol mado wo ibol i?’ <sup>28</sup>Ak dugo, nor Igipta tamol funi imat ago mi ŋai dam funag ŋamat o gane dak i?’ <sup>29</sup>Moses ru an ilon tag isol go yaug Midian tan lo tamol gol ak oŋ imado na ya. Atna imado dugo nanuk tamol ak uraru dilasa ya.

<sup>30</sup>“Afon anaŋar 40 yaug itout gug, Anut san eŋel Moses naon na ilasa ya. Did Sinai giraŋen na tan kawan ak lo ai nanunan ta yai ided go inani dak oŋ ile ya. <sup>31</sup>Moses abaŋ ago ileg imasa saian tag, yaup sumeikan pe ile uyan o ibol go yau a. Saen yaug sumeik ipani man, Anut awan ilon, <sup>32</sup>‘Ŋai oŋ bage murou Abraham, Aisak, Jakob sad Anut.’ Moses ru an ilon man irer dugo tubun mi isuruwor se ya. Irut irer an niŋen o abaŋ ile man imoig, malan ikilakil a. <sup>33</sup>Agog Anut ibol, ‘Oŋsa sendal pasi. Man dugo, tan fo utur dan gun a. <sup>34</sup>Ŋai abaŋ njile yak ŋaisag tamolpein Igipta na muruan saian geig ak disini da. Injsad ilo tinaŋ dam njaloŋ go njubunawai o njupalu ya. Ak niŋen o ŋai oŋ njidinop afon Igipta na umul wau da wa.’ ”

<sup>35</sup>Stiven inijen dag ibol, “Moses nek amaiak Isrel tamolpein gubak mi niŋen o dumoi go dubol, ‘Enti oŋ maŋsam gurman iginio yak i? Enti oŋ maŋsama tulek tamol iginio yak i?’ Anut sen mok Moses injsad gurman, agod injsad patu pasek tamol dam idinig yau a. Anut eŋel yai balen lo yan awan lo ago igane ya. <sup>36</sup>Moses nek an tamolpein injal go Igipta dibisei a. Igipta na, agod Beig Daran lo, Anut san dabai lo kulob girager funfun naod na igane se ya. Anaŋar 40 tan kawan ak lo dam ago igane se ya. <sup>37</sup>Moses injsen geig Isrel tamolpein irupidai, ‘Anut ŋai idinag go njupalu yak ago mi profet ta idinip ipalu wa. Tamol an mitep anjsiganem dar lo ilasa wa.’ <sup>38</sup>Saen Isrel tamolpein tan kawan ak lo dutumani an, Moses dam dida dutumani a. Inj idsad tubud baged dida dumado ya. Agog Moses

did Sinai fo isidag, enjel da diñen a. Agog Anut ru kumaen san an ipani a, agog Moses afon ru an id ipanad a.

<sup>39</sup>“Gug idsad baged muroud Moses awan dumoig, in Igipta na dumul diau wo ilod tubun mi ibol a. <sup>40</sup>Ago tag Aron durupe, ‘On man tubud diri panamap, dumug dop muraep mau a. Tamol Moses dubol dan iniliad go Igipta tibiseig tupalu yan, ata inane dugo ta ipalu na da, an ta talon na ya.’ <sup>41</sup>In atna makau mitilaen diganeg yai digane pani dugo, mel a sed banid nam digane yak nigen mugurun tubun ak digane ya. <sup>42</sup>Ago tag Anut patun ipidinaig, an lo inaned ilod ibol ago patui keit lo yan yanad diabisa se ya. Kulob digane an profet sad girek lo wagam profet ta ru naon kisaek gire a:

‘O Isrel tamolpein, dugo, ananar 40 tan kawan ak lo, anjam lou panek apanag,

agod makau afup nai yai agane panag se yak i? Tia geig a.

<sup>43</sup> Ab sel asini ator se yan anjam tubud Molok san asini se ya.

Ago dugo anjam tubud Refan san mitilaen patui an asini ator se ya.

Mitilaen an yanad lo ubou ale wo asuwi idu ya.

Ago yak nigen o nai nukudan pe aup, asau mi Babilon aen ate geig amado wa.’

<sup>44</sup>“Id baged muroud Anut san ab sel a in dida dumado yan ikubiai pidinai an diabi dugo, tan kawan ak ate da disini dutor na ya. Ab sel an nek Anut Moses ikubiaig ile yak ago mi dususe ya, Moses dugon ile yan fom ab sel an diabi a. <sup>45</sup>Murnag ab sel an id baged muroud in tamad banid lo dijaneg, Josua dida diaug yu diabisag tamolpein sen ak sad tan lo dukudaig diau a. Agog insad tan banid na dijaneg ya. Ab sel an ago yen dugo yang Dawid san saen idu ya. <sup>46</sup>Dawid iganeg Anut in o ilon uyan geig a. Agog Dawid igudanig, Jakob san Anut ab ta ilon lo imado san yabi pani wo isumiani a. <sup>47</sup>Gug Dawid ab an ta yabi na ya. Solomon in ab an yabi a.

<sup>48</sup>“Gug Anut a lak na geig an, in ab a tamol banid nam diabi ak lo ta imado na da. Wagam mi profet adi sad girek lo ta igo ibol,

<sup>49</sup> ‘Tubun en ibol, keit man naisag kalik kin san a,

agod tan man nai nieg aten yen san aben.

Enso ab abi panag ak i?

Aben dugon lo yaes nabal ak i?

<sup>50</sup> Ak dugo, mel an fidian nai banig nam nigane ya, an ta rumok na i?’ ”

<sup>51</sup> Agog Stiven Juda Kaunsil ipidai, “An gurmam sakar geig. Ilom gob. Anut san ru ibol dan kududom itau geig a. An nek ibol ananem tubum bagem igo won a, man dugo, in dam Awan Urgun pempem diabiani na ya. <sup>52</sup>Arupaig, dugo, gubak mi profet ta imado dugo ananem tubum

bagem profet an tinin ta dumisilani na yak i? Inj profet adi ensauta a malad milaedi go Tamol Itaotan injsan palu yan ninjen profet ru dubol ilasa yan dufu dumat a. Agod an gamu tamol amaiak inj bo anjanem turam mok ak gug ager banid lo aganeg sisem afuni imat a. <sup>53</sup>An nek en, Anut san kubiaen enjel sad banid lo anjane yak gug kagin ta apani na ya.”

### **Stiven pat nam dufuni imat a**

<sup>54</sup>Saen kaunsil adi ru an duloŋ man, tiŋaed tubun mi imumari dugo Stiven gamad dirati pani se ya. <sup>55</sup>Gug Stiven tinin Urgun injanefuteg malan keit lo isidag, Anut san girager ile ya. Ago dugo Jesus Anut giranjen won ak lo itur dugo ileg ibol, <sup>56</sup>“Ale. Injai keit awan ipasig Tamol Nanun Anut giranjen won ak lo itur dugo nile da.”

<sup>57</sup>Fidian disasaitout go kududod diafutani a. Agog fidian mi dumaspalug, <sup>58</sup>Stiven diabig Jerusalem gigin na dirae dilasag, fun diganeg pat nam dufuni a. Tamol pat dubal san inj biouŋ dupasig pinein ta Sol dubol dak kagin ipidinai o njen fun na didirsi a. <sup>59</sup>Pat nam dufuni dugo, Stiven Tubun en igudani, “O Tubun en Jesus, naineg nŋutug nane!” <sup>60</sup>Agog yau idug fon igudanig igo iwagin, “Tubun en, injaned aupasek en san pani naon an lo fuli san man umoi.” Ago ibol go imat a.

### **Sol ilo rumok adi misilanek ipidinai a**

**8** <sup>1-2</sup>Sol ante imado dugo Stiven san maten ileg, ilon uyan. Ilo rumok tamol aenkadi Stiven disareg, ilod tubun mi saian go awad tubun mi ditata se ya. Nek saen an lo mi Jerusalem na ilo rumok adi fun diganeg, Jesus yaŋan o muruan tubun mi disini se ya. Agog dufufurak go aenkadi Juda na aenkadi Sameria na diaug dumado ya. Ak man aposel adi Jerusalem na dumado ya. <sup>3</sup>Gug Sol man midaen ititale wo yaes ifuni a. Ab ab idu isida dugo Kris tamolpein injal go iraug subanek ab lo idirai se ya.

### **Filip Sameria na Anut san ru ifulale ya**

<sup>4</sup>Ilo rumok adi a dufufurak go gidigheid diau na yan, aben dugo ate diau an Anut san ru dufulale se ya. <sup>5</sup>Filip Sameria na yaug, taun tubun ak ta ilon lo iladug ante sad naod na ru Kristus ninjen o ibol ilasa se ya. <sup>6</sup>Saen tamolpein doup tubun injsan ru duloŋ dugo, kulob girager igane yan dile man, injsan ru fidian duloŋ uyan o kududod dugure ya. <sup>7</sup>Ur saian awad tubun mi disasai dugo, tamol tinid lo yak dubiseig dilasa ya. Tamolpein nŋied itubabun, agod a dutor saian saian dan wei mi uyad isusa ya. <sup>8</sup>Ago man taun an ilon lo yousai yen go tubun kasik.

<sup>9</sup>Aria, taun an lo kiai tamol ta yaŋan Saimon imado ya. Injsan sewak an lo nal kitek milaen mi Sameria tamolpein iginiaig dumasa saian. Injsen mi inj tamol tubun ak se pitianoŋ san ru ago ibol. <sup>10</sup>Agod taun an sad

tamolpein fidian, a yaṇad ad da yan, agod a yaṇad tia yan dam, kududod dugure ya. Ago dugo dubol, “Tamol en man, tubud san dabai a yaṇan Dabai Tubun Ak dubol dan, tamol emaiak iṇsen.” <sup>11</sup> Nal milaen mok iṇsan nawir an lo irawaig, tamolpein fidian iṇ awan paen na dumado dugo durut saian geig a. <sup>12</sup> Gug saen pein, tamol dam Filip awan lo bilalunṇ uyan ak san ru Anut san kagin panek niṇen o, agod Jesus Kristus yaṇan niṇen o dam dulonṇ man, iṇ ilod lo rumok a. Agog suguek diṇane ya, tamol iṇ pein da mi a. <sup>13</sup> Saimon sen dam ilon lo rumok go suguek iṇane ya. Agog Filip ṇien fo itor dugo kulob girager funfun Filip igane dugo ileg niṇen o irut saian geig a.

<sup>14</sup> Saen aposel adi Jerusalem na dumado yan Sameria tamolpein Anut san ru diṇane yak dulonṇ tag, Pita Jon da didinaig, iṇsad na diau a. <sup>15</sup> Sameria na dilasag, tamolpein Urgun diṇane san niṇen Anut dugudani a. <sup>16</sup> Man dugo, Urgun fufod na gamugo idu ya, tia, Tubun en Jesus yaṇan lo suguek diṇane yan mi a. <sup>17</sup> Agog Pita Jon da tamolpein gurnad fo banid digane dugug, Urgun diṇane ya.

<sup>18</sup> Agog Saimon tamolpein Urgun aposel adi banid lo diṇane dugo ile tag, moni iṇaneg, Pita Jon da sad na yaug ibol, <sup>19</sup> “Dabai an ṇai dam apanag. Agop tamol dugon banig gurman fo ṇigane dan Urgun iṇane wa.”

<sup>20</sup> Ak man Pita ru naon igo ibol go irupeṇ, “Oṇane moni an ṇanep, ida udeg wau. Ata wo? Oṇ ilo lo man lou panek e Anut ipanad den moni nam udad ṇane wak ubol da. <sup>21</sup> Oṇ maṇsama urat boi en lo oṇ yaṇa tia ya. Man dugo, oṇ ilo man Anut malan lo ta itaot na ya. <sup>22</sup> Ago yak niṇen oṇsa kankan saian an umoi kisaek oṇ. Ago dop Tubun en oṇsa kankan saian gane yan ipasi wo gudani wa. Nap ilo sou naok ago bube ilon lo gane dan an bo subam an ipare idu pano wak boi. <sup>23</sup> Man dugo, ṇai ṇilio dak, mala sek agod turak susai dam mi oṇ tini iṇanefute dugo, aupasek san subanek tamol mado da.”

<sup>24</sup> An lo Saimon iṇ Pita Jon da ru naon igo irupidai, “Gidad, aṇ ṇai niṇeg o Tubun en agudani. Agop an lo muruan abol dan ṇai fo na ta ilasa na wa.”

<sup>25</sup> Aria, Pita Jon da Tubun en dugo woṇ ibinawai an tamolpein durupidai dulonṇ go iṇsan ru dam dubol ilasa se ya. Saen urat an digane itout man, dumul go Jerusalem na diau a. Diau dumul dugo dal dal na, Sameria panu wei mi lo dam Anut san ru dufulale se ya.

### **Filip Itiopia tamol ta isugui a.**

<sup>26</sup> Tubun en san eṇel ta Filip irupeṇ, “Masap dal Jerusalem nag Gasa na idu yau an ṇanep wau.” (Dal an tan kawan ak lo yen da.) <sup>27</sup> Ago tag Filip eṇel ibol ago mi igane. Dal na yau dugo Itiopia sad tamol gurman ta ile, tamol an iṇanen nabun dusukali a. Tamol an Itiopia Kwin yaṇan Kandesi

san moni kagin ipani da. Inj Jerusalem na ubou ile wo yau ak <sup>28</sup>fon imul sen fun panu lo yau da. Karis fo profet Aisaia san ru isuti dugo yau.

<sup>29</sup>Agog Urgun Filip irupe, “Waup karis an sumeik ida au.”

<sup>30</sup>Ago tag Filip imaspalu onj yaug sumeik dugo, profet Aisaia san ru isuti dugo ilon tag isumiani, “Dugo, ru suti dan fun kitek ulon di?”

<sup>31</sup>Inj ibol, “En dugop naj ru en fun nalon ak i? Rumok talpein ta fun ifulale ak man nap ka nalon a.” Agog Filip iwagig isidag sijiren na imasi a. <sup>32</sup>Ru girek boi emaiak isuti,

“Inj man sipsip dufuni wo dijaned diau dak igo wonj.

Inj nek ibol sipsip nanun fufulun dutute dop awan itau itur dak igo wonj.

An lo awan kitek ipuk man tia ya.

<sup>33</sup>Inj miai tubun mok dupanig, inj o ru itaot dubol man tia ya. Kot aen kisaek mi digane.

Enti tamol an san malan kubulan ninedi wo ru ta ka injen ak i?

Talpein ta kisaek tia ya.

Man dugo, injsan madok tan en lo digane itout go lak na yau a.”

<sup>34</sup>Itiopia tamol gurman an Filip isumiani, “Profet inj enti njen o ibol dan, gidad ubol pe nalon. Injsen njen o ibol, tia, talpein sen ta njen o ibol i?” <sup>35</sup>Ago dugug Filip girek nek en lo fun iganeg bilalun uyan ak Jesus njen o yan ibol idug ilon a.

<sup>36</sup>Ru ifulale dugo dupalug you ta fun na dilasag, tamol gurman Filip irupe, “You ebe ya. Dugo, mel ta isubanag pe suguek njane wan tia i?” <sup>37</sup>(-) <sup>38</sup>Ago man gurman an ibol dugo injsan urat pinein karis yabituani a. Agog inj Filip da you lo dudug Filip tamol an isugui a. <sup>39</sup>Saen you dibiseig dilasa yan Tubun en san Ur Filip njane yau. Tamol gurman an Filip ta ile na gug ilon youn isag insiganen na yau a. <sup>40</sup>Agog Filip Asdod<sup>c</sup> na kuai isi a. Agog turenj yabig panu panu lo Jesus san bilalun uyan ak ibol ilasa dugo itor nag Sisaria na ilasa ya.

### Sol ilon ibileksag Jesus njen o ilon lo rumok a

*Apo 22:3-16; 26:9-18*

**9** <sup>1-2</sup>Saen an lo Sol inj Tubun en san tamolpein ifu dumat o urer ipidinai dugo ibol itor se ya. Agog pris malan te ak san na yaug, girek ta igire pani wo isumiani a. Girek an Juda ubou ab sad gurman adi Damaskus na yan ikubiai pidinai dop, tamol ta boi, tia pein ta boi, ilo rumok kagin a “Dal En” dubol<sup>d</sup> dugo diri dan abanad ile tap, ibiap isubanaip, dida Jerusalem na diau a.

<sup>b</sup> Boi 37 Grik lo tia ya. Baibel aenta lo boi 37 igo ya. Ago tag Filip awan yabig ibol, Onj ilo lo rumok mok tap, onj ka suguek njane wa. Agog tamol gurman an ibol, “Injai Jesus Kristus inj Anut nanun an ilog lo rumok.” <sup>c</sup> Grik ru lo taun an yanan Asotus <sup>d</sup> Imug tamolpein man ilo rumok adi sad kagin an njen o yanan Dal En dubol se ya; murna gug yajak an Kris dubol da.

<sup>3</sup>Damaskus na yau wo dal iñaneg yaug sumeik dugo gamu nam keit lo lilaman ta irakilawig, abañ isapudadeg Sol ibuluwi a. <sup>4</sup>Agog yau idug tan na yen dugo awan ta iwagiñ dugo ilonj, “O Sol! Sol! Ata wo ñai malag sue dak i?”

<sup>5</sup>Ago tag Sol isumiani, “Tubun en oñ enti?”

Ago dugo awan an ibol, “Ñai Jesus nek a malag sued ama ya. <sup>6</sup>Aria, masap waup Damaskus na ladu. Ago gup dugo gane wan dubol ulonj a.”

<sup>7</sup>Tamol adi a Sol dida turenj diabi dan dupartuanig ru ta dubol san tia ya. Awan iñinen se yan bo dulonj gug talpein nuñon dile man tia ya. <sup>8</sup>Sol imasag malan ipuk gug abañ ile san tia ya. Ago tag banin diabig diñaneg Damaskus na diau a. <sup>9</sup>Nal utol abañ ile san tia ya. Agog anañ dam, you dam tia imado ya.

<sup>10</sup>Ilo rumok tamol ta yañan Ananaias Damaskus na imado se yan, malan ñutun lo Tubun ak irupeï, “Ananaias.” Agog Ananaias ibol, “Tubun en, ñai ebo ya.”

<sup>11-12</sup>Agog Tubun en irupeï, “Masap, waup, ‘Dal itaot’ dubol dan ate Judas san ab lo Tarsus tamol ta yañan Sol dubol dak niñen o sumiai. Inj man igudani dugo malan ñutun lo mel ta igo ile ya, tamol ta yañan Ananaias ipalug gurman fo banin igane dugo abañ fon ile da yak ago ñionj lo ile ya.”

<sup>13</sup>Ananaias ru naon irupeï, “O Tubun en, tamolpein wei mi tamol an niñen o dubol dugo ñalonj a. Kagin saiak saiak funfun oñane tamolpein Jerusalem na yan lo igane yak san ru durupaig dugo ñalonj a. <sup>14</sup>Gamu pris gurman adi awok dubol go ete Damaskus na ipalug, talpein enti oñ yaña lo ubou dile dan ibiap iñal diau o ipalu ya.”

<sup>15</sup>Gug Tubun en Ananaias irupeï, “Wau! Man dugo, ñai tamol an urat ag igane wo ñipiliani a. Inj tinin lo tamolpein Juda tia yan, iñaned kiñ dida, Isrel tamolpein dam naod na ñai yañag kuai te irupidaip ru ñai niñeg o dulonj a. <sup>16</sup>Agod inj ñai yañag o muruan tubun mi isini wan ñai ñukubiai pani wa.”

<sup>17</sup>Agog Ananaias yaug ab lo iladug, Sol gurman fo banin iganeg ibol, “O teig Sol, Tubun ak sen idinag go ñupalu ya. Jesus sen nek ete Damaskus na palu dugo dal na naon na ilasa amaiak, oñ afon abañ ule dop Urgun oñ tini iñanefute wo idinag go ñupalu ya.” <sup>18</sup>Ago ibol ak gamu nam mel ta nek ibol iy tubulan igo wonj Sol malan lo yak ditapas tan na dudu ya. Agog malan ipuk go abañ fon ile ya. Ago man imasa itur go suguek iñane ya. <sup>19</sup>Agog anañ yanig tinin fon dabai da ya.

### **Sol Damaskus na Anut san ru ifulale da**

Sol nal aenta Kris tamolpein dida Damaskus na dumado se ya. <sup>20</sup>Agog imasag itaot Juda sad ubou ab fidian lo yaug, Jesus san ru ifulale dugo ibol, “Jesus inj Anut Nanun.” <sup>21</sup>Tamolpein fidian a inj awan dulonj se yan

durut saian geig go sed nug dusumiani dugo igo dubol se, “Dugo, tamol an iŋsen Jerusalem na tamolpein Jesus yaŋan dupate dugo ifu dumat na yak nek emaiak i? Go iŋ e ipalu yan tamolpein iburoup, iŋal pris gurman adi sad na diau wo ipalu yak i?” <sup>22</sup>Gug Sol san ru fulalek dabai geig ak ningen o, Jesus iŋ Kristus an tamolpein fidian kuai te ikubiai pidinai a. An lo Juda tamolpein Damaskus na dumado dan durut saian dugo awan diabi san muruadi.

<sup>23</sup>Murnag saen kitek milaen mi yau dugo, Juda adi Damaskus na yan Sol dufuni wo dutumanig palaŋ an dumari. <sup>24</sup>Ak man tamol ta pasak nam irupei ilon a. Tidom ad panu san dalawan te ager adi tawaŋ digane se ya. Sol ipalu dop diabip dufuni imat san mi a. <sup>25</sup>Gug nal ta tidom lo Sol san megeloum adi diŋaneg, diaug sep fog udou lo duyuweg, patun fo idu ya.

### Sol Jerusalem na imul yau a

<sup>26</sup>Sol Jerusalem na yaug ilo rumok adi luad isa wo igane yak gug, iŋ Sol gamu Tubun en san megeloum mok an ilod ta rumok na yan lo ilod weiwei a. Iŋ fidian iŋ ningen o tubun mi direr a. <sup>27</sup>Ak man Barnabas Sol iŋaneg aposel adi sad na diau a. Agog Sol Tubun en Damaskus dal na ile yan, Tubun en ru irupei an dam irupidai dulon a. Agog Damaskus na Anut ru ifulale wo ta isuksuk na yan dam ibol idug dulon a. <sup>28</sup>Atnag Sol aposel adi dida dumado dugo, Jerusalem ilon lo Tubun en san ru ifulale dugo itor se ya. Ilon fidian an ru ifulale dugo tinin ta irer na ya. <sup>29</sup>Sol iŋ Juda tamolpein Grik ru dubol dan dida diŋiŋeŋ dugo nug aen ditog na ya. An ningen o dufuni imat o dal abaŋ dile se ya. <sup>30</sup>Agog saen ilo rumok adi ru an dulon tag, Sol diŋaneg Sisaria na diaug Tarsus na didinig yau a.

<sup>31</sup>Saen an lo Kris midaeŋ Judea na, Sameria na, agod Galili na yan an fidian maror lo mi dumado na ya. Awan Urgun midaeŋ dabai ipidinai dugo ilod yabisa se ya. Iŋsan dabai lo midaeŋ ilasag, tubun kasik. Agod Tubun en ningen direr dugo iŋsan ilobol lo mi dumado dutor se ya.

### Ainias iŋ Dorkas da

<sup>32</sup>Pita panu panu itor nag, nal ta Lida na Tubun en san tamolpein ate dumado dan yil o yau. <sup>33</sup>Aben an ate yau nag tamol ta ŋien banin dumat ak ile ya. Tamol an yaŋan Ainias. Iŋ anaŋar 8 ŋion aben ta ibisei na ya. <sup>34</sup>Pita tamol an irupei, “Ainias, Jesus Kristus oŋ ikubunio wo da. Masap, oŋane ŋion aben kubune.” Ainias ru an ilon go gamu nam imasag itur a. <sup>35</sup>Saen tamolpein Lida na, Saron na dumado dan Ainias dileg Tubun en ningen o ilod lo rumok a.

<sup>36</sup>Jopa na pein ta yaŋan Tabita, iŋ Kris pein ta. (Grik ru lo yaŋan Dorkas). Iŋsan saen tubun mi man binawek urat mi igane da. Agod tamolpein filiad tia yak ibinawai se ya. <sup>37</sup>Saen an lo subam iŋaneg imat,

agog tinin dufulanig galuŋ lak na yak lo diganeg yen. <sup>38</sup>Jopa nap Lida na wau man asau tia ya. Ago yak niŋen o saen ilo rumok adi Jopa na yan Pita Lida na imado dak duloŋ tag, tamol uraru ru en disinig Pita san na diaug ilon diŋane dugo durupe, “Gidad maŋsama na ririan palu.”

<sup>39</sup>Ago tag Pita tamol uraru an dida diau a. Saen dilasa yan Pita diŋaneg galuŋ lak na yan lo diau a. Ante man pein suos Pita dutur dulubanig ditata dugo, Tabita gamugo imat dugo biouŋ iwei na yan dukubiai pani a.

<sup>40</sup>Agog Pita fidian idinaig patun fo dilasa dugug turun isaluwig igudani gug, idanŋsag naon Dorkas san sisanun ipani dugo irupe, “Tabita, masal!” Ago ibol dugo Tabita malan ipuk go Pita ileg imasa ya. <sup>41</sup>Pita banin iwate dugo yabig imasa itur a. Agog Kris tamolpein iŋ Kris suos dida igiaig, Tabita kumaen imado yan ikubiai dugo dile ya. <sup>42</sup>Ru an Jopa na ifurak go, tamolpein wei kasik Tubun en niŋen o ilod lo rumok a. <sup>43</sup>Agog Pita Jopa na saen milaen mi tamol ta yaŋan Saimon ida dumado se ya. Tamol an makau suŋulon, melmel funfun suŋulod ikubune dop igane igos da.

#### Konilias Pita iwagi a

**10** <sup>1</sup>Sisaria na tamol ta yaŋan Konilias, iŋ Rom sad yu gurman tubun a.<sup>e</sup> Inŋsan doup ititianai dan yaŋad “Italian Sawar”. <sup>2</sup>Iŋ, iŋanen samun fidian dida Anut yaŋan lo ubou dile da. Juda tamolpein filiad tia yan ibunawai siŋaokan dop, pempem Anut igudani se ya. <sup>3</sup>Nal ta 3 klok guraian gudanek san saen lo malan ŋutun ta ile ya. Malan ŋutun an lo Anut san eŋel ta ipalug irupe, “Konilias!”

<sup>4</sup>Konilias irer an lo malan ti ibol go eŋel an leil ipani dugo isumiani, “Tubun en. En dugo ya?”

Agog eŋel awan yabig ibol, “Anut oŋane gudanek ilon a. Agod oŋane binawek urat gane dan ileg, oŋ o ilon isou da. <sup>5</sup>Ago yak niŋen o tamol ta dinaip Jopa na diaup, tamol ta yaŋan Saimon Pita diŋanep dida dupalu wa. <sup>6</sup>Iŋ tamol ta yaŋan Saimon ida loŋ aen te dumado da. Tamol an melmel funfun suŋulod ikubune dop igane igos da.”

<sup>7</sup>Eŋel Konilias ibisei yau dugo, Konilias yu tamol kisaek, agod inŋsan ab san urat pinein uraru dida igiaig dupalu ya. Yu tamol an dam Anut yaŋan isini san tamol, agod iŋ Konilias san biabi ŋilaŋal. <sup>8</sup>Agog melmel ilasa yan naod na ibol idug, idinaig Jopa na diau a.

<sup>9</sup>Salsog dal na diau dugo, ad titiŋaem itur an Pita igudani wo ab san fuŋ ilabakan an fo isida ya.<sup>f</sup> <sup>10</sup>Imatigen saian go anaŋ yani wo ilon tinin fidian ibol. Anaŋ dineid dumado dugo Pita malan ŋutun ta ile ya.

<sup>e</sup> Iŋ keptan, 600 yu tamol ititianai a    <sup>f</sup> Inŋsad ab fidian sad fuŋ man ilabakan. Iŋ pempem ate disida da.

<sup>11</sup> Malan isidag keit awan ipasig mel ta yamel on ak gigin iwoiwo atem diabi dugo duyuweg tan na idu dugo ile ya. <sup>12</sup> Yamel an fo bor, anakanak, mot, mudan naon funfun yil a. <sup>13</sup> Agog awan ta iwagin go ibol, “Pita, masap mel an ufu idup wani.”

<sup>14</sup> Ak man Pita ibol, “Tubun en, tia geig. Juda kagin lo mel ta nun dubol dan nai gubak mi nani man tia geig a.”

<sup>15</sup> Ago tag awan an fon ibol, “Mel dugon Anut ikokan ibol ak, on wali ganep, nun ta ubol na wa.”

<sup>16</sup> Mel naon kisaek an mi ilasa utol gug, fon melmel an yamel anda imul keit lo yau a.

<sup>17</sup> Pita malan nntun ile amaiak san fun kankan an igane dugo, Konilias tamol idinaig diau an Pita ab lo imado dan dulong tag dupalug ab awan te dutur a. <sup>18</sup> Ab muroun duwagin go dubol, “Tamol ta etna yanjan Saimon Pita imado di?”

<sup>19</sup> Pita malan nntun amaiak kankan an iganed imado dugo Urgun irupei, “Ulong, tamol utol on abaja diabi da. <sup>20</sup> An lo udup, dida au. Ilo weiwei umoi. Man dugo, naiseg nidinaig, onsa na dupalu ya.”

<sup>21</sup> Ago tag Pita idug irupidai, “Tamol abajale dan nai nek en. An ata wo apalu yak i?”

<sup>22</sup> Ago tag ru naon durupei, “Yu gurman tubun ak Konilias idinamag mupalu ya. In tamol itaot mok, Anut yanjan lo ubou ile da. Juda tamolpein dam tamol an yanjan disini da. Anut san enel gun ak ta ipalug on igiop insan ab lo waup nige dop ilon o ago enel an irupei a.” <sup>23</sup> Ago tag Pita tamol utol an igiaig diladug atna dida dien a.

### **Anut ilo rumok san dalawan Juda tia yak ate diladu wo ipasi a**

Tidom lom mi, Jopa na ilo rumok adi aenta Pita luan disag, tamol utol an dida diau a. <sup>24</sup> Tidom kisaek dal na dien gug Sisaria na dilasa ya. Konilias inanen samun, turan muroun dam igiaig dupalu yan fidian Pita malan diganed dumado se ya. <sup>25</sup> Pita ab lo iladu wo dugo Konilias yang Pita naon na tubud igo won turun isaluwi pani a. <sup>26</sup> Gug Pita banin idug yabisag irupei, “Masa, nai man tamol nek on igo ya.”

<sup>27</sup> Pita Konilias ru irupei dugo ida ab lo diladug, tamolpein wei mi dumado dugo yil a. <sup>28</sup> Agog Pita irupidai, “An alon ak. Juda sad kubiaen ibol ak, Juda tamolpein diaup tamolpein Juda tia yan dida ta mok dutumani na wa. Ak man Anut igo ikubiai panag, nai tamol ta nun ak ta nabol na wa. Ikok tia yak dam ta nabol na wa. <sup>29</sup> Ago yak nigen o saen nai nigen o ru gane man ta namoi na ya. Ata wo mok nai nigen o ru gane yak i?”

<sup>30</sup> Ago dugo Konilias ibol, “Nal utol yau la ya. Gamu saen nek igo 3 klok guraian naisiganeg ab lo ngudani dugo, gamu nam tamol kulos malan milkouk geig ak idirig naog na itur a. <sup>31</sup> Agog irupaiag, ‘Konilias,

Anut onjane gudanek ilonj a. Agod binawek urat gane dan ile dugo onj ilon isou da. <sup>32</sup>Talpein ta dinaip Jopa na diaup, tamol ta yanan Saimon Pita ninjen o dusumiai. Inj Saimon sen ak san ab lo imado da. Saimon an melmel sunjulod ikubunep igane igos da. Inj lonj aen te imado da.’ <sup>33</sup>Ago yak ninjen o gamu nam onj palu wo ru njigane ya. Agog onj gane fufeig palu ya. Gamu manj fidian Anut malan lo mumado da. Ak ninjen o Tubun en ru dugon rupaiama malonj o ibol man, ubol dop malonj o tinima migane da.”

### **Pita Konilias san ab samun ru irupidai a**

<sup>34</sup>Agog Pita injsan njinenj fun iganeg ibol, “Gamu gug njalonj la ya. Rumok, Anut san kagin panek tamol fidian lo man naon kisaek mi a. <sup>35</sup>Enti a Anut ninjen o imat dugo, injsan ilobol fom imado itor dak, gidad naon tinin sen ak an fidian injal a. <sup>36</sup>Bilalunj uyan ak Anut manj Isrel tamolpein ipanama yan alonj la ya. Bilalunj an man inj Jesus Kristus ipilianig, tinin log id Anut da maror tumado da. Ago dugo Jesus inj tamolpein fidian sad Tubun a. <sup>37</sup>An kulob Isrel tan lo ilasa yan alonj a. Jon suguek iganeg itout go, Galili na mel an fun ilasa ya. <sup>38</sup>Jesus Nasaret tamol Anut ipilianig, inj fo Urgun dabai da iganeg idu yan anj alonj a. Inj panu panu itor dugo binawek igane dugo, talpein enti ta ur saian sad gurman paen na dumado dan ikubunia se ya. Man dugo, Anut inj da dumado na ya.

<sup>39</sup>“Inj binawek urat Juda sad tan lo, agod Jerusalem na dam igane se yan manj malama lo mile ya. Agog aigim fo dibalig dufuni imat a. <sup>40</sup>Gug nal utol itout an, Anut materj lo ifufunig kumaen imasag, manj malama lo ilasag mile ya. <sup>41</sup>Tamolpein fidian ta dile na ya. Anut manj mitep fun mufulale san ipilianama yan mi mile ya. Manj nek kumaen imasa yan inj da mani maluk na ya. <sup>42</sup>Agog Jesus sen ru dabai nam irupaia mag injsan ru tamolpein naod na mufulale wa, ago gug idinamag mau a. Manj tamolpein murupidaip, injsen man tamol a tamolpein dumat la yan, agod a dumado dan dam, injsad bitinaek tamol imado dak ago murupidaip dulonj an ru kagin irupaia mag ya. <sup>43</sup>Profet fidian inj ninjen o igo dubol ilasa, ‘Tamolpein a fidian inj o ilod rumok dan, injanen yanan lo Anut injsad aupasek ipare idu pidinai a.’ ”

### **Tamolpein Juda tia yan Urgun dinjane ya**

<sup>44</sup>Saen Pita injinenj dugo, awan fom tamolpein a ru dulonj dan Anut injanen Urgun iwali idug fidian dinjane ya. <sup>45</sup>Ilo rumok adi a tini sunjulon tutek san mulunj lo dudu yan Jopa na Pita luan disag dupalu yan, durut saian geig a. Man dugo, ilo panek kawan ak onj Anut injanen Awan Urgun tamolpein Juda tia yan dam ipidinai a. <sup>46</sup>Ata wo? Muroun ru funfun lo Anut yanan diabisa dugo dulonj se ya. Ago dugug Pita imasag ibol,

47“Tamolpein en id Urgun tiņane ago mi iņ dam diņane ya. An niņen o, dugo, suguek diņane an niņen o talpein ta yabitudanai san niņen ka ru ibol ak i?” 48Agog Pita tamolpein an Jesus Kristus yaņan lo suguek diņane wo ru dabai nam irupidai a. Agog nal aenta iņ dida dumado wo dusumiani tag atna dida dumado ya.

**Pita melmel fidian ilasa yak san ru, a tini suņulon  
tutek diņane yan irupidai duloņ a**

**11** 1Tamolpein Juda tia yan Anut san ru diņane yan san ru, aposel adi iņ ilo rumok adi Judea na dumado yan dam irupidai duloņ a. 2Ago yak niņen o saen Pita Jerusalem na ipalu man, Juda ilo rumok adi tinid suņulon dutute an Pita ai dupanig 3dupei, “Oņ tamolpein tinid suņulon ta dutute na yan dida atumanig, anaņ dam ani a.”

4Ago tag Pita malan ŋutun ile yak san ru ibol idu, 5“Nal ta Jopa na ŋugudani dugo, malag ŋutun en ŋile ya. Keit lo mel ta yamel oņ gigin iwoiwo ate mi diabi dugug, duyuweg, naog na mok idu ya. 6Yamel an fo man mudan naon funfun. Bor, mot, agod anakanak naon funfun dien a. 7Agog awan ta irupaiağ go ibol, ‘Pita, masap, melmel an ufu idup wani.’ ”

8“Ago tag ŋai ŋabol, ‘Tubun en, tia geig. Mel dugon Juda sad kagin lo nun man ŋai gubak mi ta mok ŋani na ya.’ ”

9“Ago dugo awan keit lo yan fon ibol, ‘Mel dugon Anut ikok ibol dak, oņ waliņ ganep, nun ta ubol na wa.’ 10Mel naon kisaek an mi ilasa utol gug, fidian mi imul keit lo isida yau a.”

11“Ago ibol gug tamol utol Sisaria nag Konilias ŋaisag na idinaig dupalu yan ab ŋai lo ŋumado yan san awan te dutur a. 12Urgun ŋai ilog weiwei ŋamoip, ririan iņ dida mau wo ibol a. Ago tag Jopa na ilo rumok tamol 6 luag disag dida Sisaria na mau a. Agog fidian Konilias san ab lo miladu ya. 13Agog Konilias irupaiağ anut san eņel iņsiganen ab lo ilasag iņ da durupe i an san ru ibol dugo maloņ a. Eņel an irupeig igo ibol, ‘Talpein ta dinaip Jopa na diaup, tamol yaņan Saimon Pita niņen o dusumiai. 14Tamol a bilaluņ irupaio wan lo oņ agod oņane samun fidian dam patu pasek diņane wa.’

15“Ŋai fun ŋiganeg ru ŋurupidai man, nek ibol fun mok lo Awan Urgun id tinid fo idug tiņane yak igo woņ, ago mi iņ tinid fo dam idug diņane ya. 16Ago dugug Tubun en ru ibol ak ilog isou, ‘Jon you nam suguek ipanaņ a, gug aņ Urgun nam suguek aņane wa.’ 17Agod an kuai tem taloņ, Anut id Jesus Kristus ilod lo rumok go Urgun ipanad, ago mi tamolpein Juda tia yan ipidinai a. Ŋai tamol naok dugo yak pe, Anut ata ilon ibol an ŋutute wak i?”

18Saen ru an duloņ man, iņ ru taidam ad tia ya, tia, Anut yaņan diabisa dugo dubol, “An rumok tap, Anut ilon yen man tamolpein Juda tia yan ilod ibileksap, kumaen pempem yen san diņane wan san dal iņ o dam ikasap yen da.”

### Antiok na midaen foun ak ilasa ya

<sup>19</sup>Saen Stiven imat an mala suek tubun kasik ilasag, ilo rumok adi dufufurak go aenkadi Saipras na, aenkadi Fonisia na, aenkadi Antiok na, diau dugo in Juda tamolpein mi Jesus san ru durupidai se ya. <sup>20</sup>Ak man Saipras in Sairini da sad ilo rumok tamol aenkadi diaug, Antiok na tamolpein Juda tia yan Jesus Tubun en san ru dufulale dugo dulong se ya. <sup>21</sup>Tubun en san dabai in lo yen ak ninen o tamolpein wei kasik ilod dibilisag, Tubun en ilod lo rumok a.

<sup>22</sup>Ru an yang Jerusalem na midaen dulong tag Barnabas didinig, Antiok na yau a. <sup>23</sup>Saen Antiok na ilasag Anut san ilo panek kulob funfun midaen an lo igane dan ileg, ilon tubun mi uyanan a. Ago tag tan suek ru irupidai, “Pempem Tubun en awan kagin apani dop, ta mok abisei na wa. Gidad, muruan saian ak gup ilom tinim fidian in apani wa.” <sup>24</sup>Barnabas in tamol uyanan mok. In ilon Urgun agod ilo rumok inane fute g an lo in san urat lo tamolpein wei mi ilod ibileksag Tubun en san na diaug inanen tamolpein dilasa ya.

<sup>25</sup>Agog Barnabas Tarsus na Sol abanan yabi wo yau a. <sup>26</sup>Saen in Sol ile man, inane g ida Antiok na dumul a. Anajar kisaek midaen an lo tamolpein doup tubun dida dutumani dugo manau dipitejanai se ya. Antiok na ilo rumok adi yanak Kris an malmalan mok digane ya.

<sup>27</sup>Saen an lo Tubun en san profet aenkadi Jerusalem dibiseig Antiok na diau a. <sup>28</sup>Profet ta yan Agabas lulud lo imasag, mitep tan fidian lo kadag tubun idu wak ninen Urgun ikubiai pani dugo ibol a. (Murnag Klodias Rom sad Kaisa imado dugo Agabas awan aban an nuon ilasa ya.) <sup>29</sup>An lo man ilo rumok adi inaned turad Judea na yan dubunawai o dubol a. <sup>30</sup>Agog inaned filiad iri panim moni diganeg Barnabas Sol da moni dupidinaig disini diaug Jerusalem na ubou san gurman banid lo digane ya.

### Herod Jems ifuni imat dugo Pita subanek lo igane ya

**12** <sup>1</sup>Saen nek an lo mi Herod fun inane g midaen ilon lo tamolpein malad isue. <sup>2</sup>In ibol dugo Jon tein Jems sabiri nam dufuni imat a. <sup>3</sup>Saen ago igane dugo Juda tamolpein ilod uyanan ago ile tag, afon ibol dugo Pita diabi a. (Juda sad soubul gun bret yis an tia ak diani san saen lo Pita diabi.) <sup>4</sup>Pita diabig, subanek ab lo diganeg, yu tamol adi tawan an dumado se ya. Yu tamol malan iwoiwo, go malan kisaek kisaek san tamol dam iwoiwo. Malan ta tawan an dumado nap, diau dop, fon malan ta dupalu se ya. Herod in Juda sad nal gun tubun ak Pasova dubol dan saen an itout gup, Herod Pita malak malak lo kot ipani wo ilon ago isou a. <sup>5</sup>Pita subanek ab lo imado dugo, Kris midaen Anut Pita ibinawi wo gadin dabai kasik digane se ya.

**Anut Pita subanek lo ipasi a**

<sup>6</sup>Tidom a san salso lo Herod Pita kot ipani san saen ilasa ya. Pita banin neinta lo sein dususeg diaug, yu tamol banin aenta ida dususe kisaek a. Banin aenta man dijaneg sein nam yu tamol neinta dususe ago mi digane ya. Ago dugo inſen man titiŋaem yen. Yu tamol aenkadi man subanek ab san dalawan te tawaŋ dutur go dumado se ya. <sup>7</sup>Aria tidom lak geig Tubun en san eŋel ante itur dugo, san lilaman subanek ab an ilon igane ilalaŋ a. Agog eŋel Pita giraŋen ifunig malan ipuk gug irupeŋi, “Masa kisaek oŋ!” Eŋel ago ibol dugo, Pita banin ŋudun te sein dien an sed ditapas dudu ya.

<sup>8</sup>Ago dugo eŋel Pita irupeŋi, “Oŋsa kulos sendal dam diri.” Pita nek ago mi igane dugo eŋel ibol, “Oŋane madid san kulos ŋanep se ibuluwo gup, ŋieg aban uri.” <sup>9</sup>Agog Pita eŋel an ŋien aban irig subanek ab san galuŋ dibiseig kuai te dilasa ya. Mel e ilasa den Pita san ilo sou lo man mel nuŋon tia ya, iŋ malan ŋutun mi ile dak ago ibol a. <sup>10</sup>Ago dugo Pita eŋel da dupalug, yu gurman tawaŋ aben malan te itur dan diriŋani a. Agog tinin te itur an san aben dam diriŋani a. Wadan geig subanek ab san dalawan tubun ain nam digane yan fun na dilasa ya. Dalawan sen ilon nam itapas, agog patun fo dilasa ya. Agog taun an san dal an dirig kitek taida dilag asau gug eŋel Pita ibisei a.

<sup>11</sup>Ago dugo Pita ilon ipasti gug kankan ijaneg ibol. “Gamu gug ŋaloŋ ak, mel ŋai lo ilasa man rumok a. Tubun en inſan eŋel idinig, ipalug ŋai ibinawag go Herod tuon lo, agod Juda sad daoŋ panek ilod isou dan lo ipasag a.”

<sup>12</sup>Mel ilasa yan kankan an kitek igane gug, Jon yaŋan neinta Mak dubol dan tinan Maria san ab lo yau a. Ab an lo Kris tamolpein wei kasik dususag dugudani dugo dumado se ya. <sup>13</sup>Pita dalawan ititi dugo, urat pein ta yaŋan Roda, talpein dalawan ititi dak naon ile wo ipalu ya. <sup>14</sup>Saen Pita kulagun ilon go ilon tubun mok uyanan. Agog dalawan ipasi san ilon ijaon. Pein an imaspalu yaug, tamolpein dugudanid dumado dan naod na Pita ab patun fo itur dan niŋen o ibol a. <sup>15</sup>Ak man iŋ ilod lo ta rumok na tag dupei, “Oŋ nag ŋiŋeo ifuno boi.” Ago bo man pein an kawan inŋiŋeŋ oŋ tag dubol, “An man Pita san mitilaen boi.”

<sup>16</sup>Saen diŋiŋeŋ se yan Pita dalawan nek ago mi ititi se ya. Ago yau na gug dalawan dupasi. Agog saen Pita dile man durut saian geig a. <sup>17</sup>Agog leiŋ tubun mi digane tag, awad itau wo banin nam toutou igane ya. Awad itau dugug, Tubun en iŋ subanek ab lo ijaneg ilasa yan fun ifulale dugo duloŋ a. Agog irupidai, “Ru en Jems iŋ ilo rumok adi dida arupidai duloŋ.” Ago ibol go itout an ibisawaig, aben sen ta lo yau a.

<sup>18</sup>Salso idug yu gurman a tawaŋ dutur an luluŋad lo leiŋ tubun geig ak ilasa ya. Pita dugo yau an ta duloŋ na ya. <sup>19</sup>Herod ibol dugo abaŋan diabi

ak gug tinin kitek diletu man tia geig a. Ago tag in yu tamol adi tawan dutur se yan isumianai uyanan. Ak man tia tag, ibol dugo yu tamol an dufu dumat a. Agog Herod Judea ibiseig, Sisaria na yang, atna kitek imado ya.

### Herod san maten

<sup>20</sup>Herod Taia Saidon da sad tamolpein niñedi wo tiñaen saian. Ago tag Taia Saidon da sad tamolpein dutumanig Herod dilep dusumiani wo diau a. Malan malan mok in Blastus, Herod san ab san titianek, ilon diñane wo diau a. Agop in naod iñanep Herod isumiani san a. Ago diganeg, in dida ilod kisaek. An lo diaug, Herod in dida maror dumado wo dusumiani a. Man dugo, in Herod san tan lo anan diñane yan lo iñsan binawek o tinid digane ya.

<sup>21</sup>Blastas Herod san na yang, nal igane wak niñen isumiani. Agog Herod nal igane yak fom iñsiganen kiñ kulos iganeg, kiñ san kalik fufo imasig, tamolpein ru irupidai a. <sup>22</sup>Tamolpein iñsan ru dulong dugo disasaig dubol, “En tamol san kulagun tia ya. Tia, en tubud ta iñiñer da.” <sup>23</sup>Agog gamu nam Tubun en san eñel ta Herod ifunig ibili idu ya. Man dugo, in tamol mi ibol ak imoi. Tia, awan itaug Anut yang yabisa san imoi a. Agog kulilid iñsan tiñaen dianig imat a.

<sup>24</sup>Gug Anut san ru itabisig, ifurak go aben fidian lo yau a.

<sup>25</sup>Barnabas Sol da Jerusalem na ubou san gurman banid lo moni digane yan san urat digane itout gug, dumul go Antiok na diau a. Saen dumul an Jon yang neinta Mak dubol dan diñaneg dida diau a.

### Urgun Barnabas in Sol da ipilianaig idinaig diau a

**13** <sup>1</sup>Antiok na midaen ilon lo profet adi, agod girek majau adi dumado dan yangadi igo ya: Barnabas, Simion a yang neinta Niger<sup>g</sup> dubol da. Lusias in Sairini tamol. Manain man in Herod da dilasag ditalbusi kisaek. Agod Sol sen dam mi a. <sup>2</sup>Saen Tubun en yang lo anan geg diganeg dugudani dugo Urgun irupidai, “Iñai urat ta amag da yak niñen Sol Barnabas da apilianai apanag.” <sup>3</sup>Anan geg diganeg dugudani na yan itout gug Barnabas in Sol da gurnad fo banid diganeg bilalun urat banid lo digane gug didinaig diau a.

### Barnabas Sol da Saipras na diau a

<sup>4</sup>Barnabas in Sol da Urgun idinaig Selusia na diaug wog diñaneg Saipras nui lo diau a. <sup>5</sup>Atna taun ta yang Salamis dubol dak lo Juda sad ubou ab fidian lo Anut san ru dufulale se ya. Jon yang neinta Mak, iñsad urat an lo ibinawai se ya.

<sup>g</sup> Niger san fun man bilkas.

<sup>6</sup>Nui an lo panu panu atem ru dufulale dugo diau nag taun Pefos na dilasa ya. Atna Juda tamol ta yaŋan Bar-Jisas, iŋ yaŋan neinta Grik lo Elimas dubol dan, imado se ya. Iŋ kiai tamol, agod profet sewak dam mi a. <sup>7</sup>Tamol an iŋ nui an san kiap da nug turan. Kiap an yaŋan Segius Polas, iŋ tamol kankan anda ya. Tamol gurman an Barnabas iŋ Sol da Anut san ru dufulale pani dop ilon o imat tag igiaig iŋsan na diau a. <sup>8</sup>Ak man kiai tamol Elimas iŋ an imoi. (Iŋ yaŋan fun man: kiai tamol.) Iŋ tamol gurman Barnabas iŋ Sol da sad ru ilon san imoi o igane dugo, Jesus o ilon ta rumok na yan ilon iŋane wo maeg igane ya. <sup>9</sup>Agog Sol yaŋan neinta Pol, Urgun buben iŋanefuteg malan ti ibol go Elimas ileg, irupe, <sup>10</sup>“On Satan san nanun, agod melmel dugon uyanan ak sad ager! On tini man ru sewak agod sewak kagin naon fidian iŋanefute ya. On pempem Tubun en san ru rumok an bilisap sewak on gane da. <sup>11</sup>Gamu Tubun en san tuon on tini fo iganep ule wa. On mala itaup ad san lilaman ta ule na wa. Agop on ago mado dop saen ipano yak fo gup aban fon ule wa.”

Gamu na mi Elimas kakao malan yafutanig, malan tidom tubun go tamol ta ile nag banin te yabi wo idab idab itor se ya. <sup>12</sup>Tamol gurman mel ilasa yan ileg, Tubun en ilon lo rumok. Man dugo, Tubun en san ru ilon go buben imasag irut saian a.

#### **Pisidia provins san taun tubun Antiok ante diau a**

<sup>13</sup>Pol turan dida Pafos nag diyawaig, Pamfilia distrik na taun ta yaŋan Pega ante dilasa ya. Nek ate gug Jon Mak ibisawaig imul Jerusalem na yau a. <sup>14</sup>Pega dubuseig Pisidia na taun ta yaŋan Antiok na diau a. Agog saen Sabat nal idug Juda sad ubou ab ta lo diladu ya. <sup>15</sup>Ante talpein ta malmalan ru kitek Moses san kubiaen isutig tinin te profet adi sad girek ta dusuti a. An itout gug ubou gurman adi Pol iŋ Barnabas da sad na ru digane yaug dubol, “An teik adi, an ru amam da dop man, tamolpein tan suek ru kitek arupidai o iloma ibol da.”

<sup>16</sup>Ago tag Pol imasag, tamolpein malad lo banin yabisag, ru fun iganeg irupidai, “Isrel tamolpein, agod an aenkadi da Anut yaŋan abisa dan, kududom apanag! <sup>17</sup>Isrel tamolpein sad Anut, id tubud baged ipilianai go, saen Igipta na subanek lo dumado dugo, iganeg malad kubulad wei mok igileg dilasa ya, ago dugo filiad tubun mi diŋane ya. Anut iŋsiganen dabai tutubun ak lo iŋal go Igipta dibiseig dilasag diau a. <sup>18</sup>Agog anaŋar 40 tan kawan ak lo diau dugo, iŋsad kagin sisaiak ile yak bo man sen yabituani dugo bu ta ipidinai na ya. <sup>19</sup>Kenan tan lo tamolpein malan 7 dumado yan iratitalaig tan an iŋaneg iŋanen tamolpein ipidinaig an taman dumado ya.

<sup>20</sup>“Agog anaŋar 450 itout dugo tamol tulek gurman<sup>h</sup> ipidinai a. Tulek tamol adi an paed na mi dumado dugo, yaug, profet Samuel san saen lo

<sup>h</sup> Jas

ilasa ya. <sup>21</sup>Agog Samuel iŋ kiŋ ta ipilianip ipidinai o dusumiani a. Ago tag Anut Samuel lo tamol ta Benjamin san gugoi lo Kis nanun yaŋan Sol dubol dan, ipidinai a. Agog anarar 40 iŋaned kiŋ imado ya. <sup>22</sup>Agog Anut Sol ipasi yau dugo iŋanen aben lo Dawid kiŋ igane ya. Anut Dawid niŋen o igo ibol, ‘Ŋai Dawid, Jesi nanun iŋanen nao lalek ŋukubiani uyanan a, iŋanen buben nek ibol ŋaisag oŋ, an lo ŋai ilog ibol dak ago mi igane wa.’

<sup>23</sup>“Wagam mi mok Anut idsad tubud baged promis ipidinai ak iŋaned malad kubuladi lo patu pasek tamol ta ilasa wa. An lo gamu iŋanen promis ru an nuŋon ilasa ya, Anut Jesus idinig Isrel sad patu pasek tamol ilasa wo ipalu ya. <sup>24</sup>Jesus urat gamugo fun igane dugo, Jon Isrel tamolpein naod na ru igo irupidaig ibol, ‘Aŋanem aupasek patum apanip, ilom abileksap, apalup suguek aŋane.’ <sup>25</sup>Saen Jon iŋanen urat wadan ifutani wo sumeik dugo isumianai, ‘Aŋ ŋai enti abol dak i? Ŋai man tamol a malan agane dan tia ya. Tia, tamol an ŋai ŋieg aban fo ipalu da. Ŋai iŋsan sendal san kam ŋupasi san ta idaisuda na ya.’

<sup>26</sup>“O teig muroug, Abraham malan kubulan, agod aŋ tamolpein aenta Anut yaŋan abisa dan kudom agure. Patu pasek san ru man Anut idsad na iganeg ipalu ya. <sup>27</sup>Tamolpein Jerusalem na dumado dan, iŋaned gurman dida Jesus iŋ patu pasek tamol an ta dile duloŋ na ya. An bo saen Jesus daoŋ dupani wo dubol man, iŋ profet sad awad aban Sabat nal fidian lo dusuti dan nuŋon diganeg ilasa ya. <sup>28</sup>Iŋ bo san muruan ta dile nag lo dufuni imat san tia yak gug, Pailat Jesus ifuni imat o dusumiani a. <sup>29</sup>Agog saen ru Anut san buk lo melmel a iŋ niŋen o ibol an fidian digane itout man, aigim fo yak dupasig gib lo digane ya. <sup>30</sup>Ak gug Anut Jesus mateŋ lo ifufunig afon kumaen imasa da ya. <sup>31</sup>Agog nal wei kasik Jesus tamolpein Galili nag ŋien fo Jerusalem na dupalu yan naod na ilasa dugo dile ya. Tamolpein an gamu Isrel tamolpein naod na Jesus rumok dile yan niŋen dubol ilasa dugo iŋsan ru durupidai duloŋ da.

<sup>32</sup>“Promis a Anut idsad tubud baged ipidinai an nuŋon ilasa ya, an niŋen o maŋ gamu bilaluŋ an misini mupalug murupaiaŋ dugo aloŋ da. <sup>33</sup>Promis an san nuŋon ta dile na ya, tia, Anut iganeg Jesus mateŋ lo imasag kumaen imado dan lo mi, id iŋaned malad kubuladi an niŋed o mi promis ru an nuŋon ilasa dugo tile ya. Ru ta Isrel sad bar yabek namba uraru lo yan igo ibol,

‘Oŋ ŋaineg Nanug mok;

Gamu saen en ŋai oŋ Tama ŋumado wa.’

<sup>34</sup>Agog Anut mateŋ lo ifufunip, fon kumaen imasap, fon imat pe igan san tia yak niŋen ru en ibol,

‘Ŋai aŋ bar gun ak ŋupanaŋ a. Nek imug ŋai Dawid promis ru ŋupani ak ago mi ŋupano mok a.’

<sup>35</sup>Agog man bar yabek sen ak san boi ta lo dam igo ibol,

‘Oŋ oŋane Tamol Gun ak ulefuni dop gib lo igan san tia ya.’

<sup>36</sup>“Dawid iŋsan saen san tamolpein lulujad lo Anut ilon yen ak fom urat igane se ya, agog saen iŋsan urat igane itout man, imat a. Agog iŋanen bagen muroun siŋired na disareg, iŋsan sisanun igan a. <sup>37</sup>Ak gug tamol a Anut materŋ lo ifufunig kumaen imasa yan, tan ilon lo igan man tia ya.

<sup>38</sup>“Teig taog, ŋai ilog ibol dak aŋ fidian mel en alonŋ uyanan a. Jesus nek emaiak lo Anut ka aŋanem aupasek fidian ipare idu wa, ru amaiak gamu murupaiaŋ dugo alonŋ da. <sup>39</sup>Aŋ Moses san kubiaŋ lo itaot alasa san tia ya. Gug Jesus lo man, talpein iŋ o ilon lo rumok dan Anut malan lo itaot ilasa wa. Melmel a kubiaŋ mi igane san ta idaisuda na yan, an fidian Jesus mi ka igane wa. <sup>40</sup>Ago yak niŋen o kagin agane. Profet adi ru dubol an aŋ lo ilasa banau. Iŋ igo dubol,

<sup>41</sup>‘Aŋ ru kukok agane dan, ale.

Ilom weiwei dop arut pe adeg au.

Ata wo? ŋai kulob ta aŋsam saen lo ŋigane wan niŋen, gidad enti ta mel an niŋen durupaiaŋ an bo man, aŋ pempem ilom lo ta rumok na wa.’”

<sup>42</sup>Saen Pol Barnabas da Juda sad ubou ab an dubusei dugo, tamolpein Sabat nal naod na yan lop fon dupalup ru naon ago mi ak dubol dop dulonŋ o dusumianai a. <sup>43</sup>Agog gurman adi tamolpein tumanek dibiseip diau o dubol dugo, Juda tamolpein, iŋ a ta Juda na yak gug Juda sad ubou lo diau dan dam, Pol iŋ Barnabas da ŋied fo diau a. Ago dugo uraru an tamolpein tan suek ru durupidaig dubol, “Aŋ Anut san ilo muŋanek ipanaŋ dan lo atutou yau oŋ a.”

<sup>44</sup>Ubou kisaek yang Sabat nal idu yan lo tamolpein kitek wei mi geig taun an lo dumado dan, Tubun en san ru dulonŋ o dususag dutumani an malan tubun geig a. <sup>45</sup>Agog saen Juda adi abaŋ ago dile man, turak tubun mi dususag ru saian geig ak nam ru dugon Pol ibol ilasa dan lo dipirgini se ya.

<sup>46</sup>Ago man Pol iŋ Barnabas da ta dusuksuk nag ru naon igo durupidai, “Anut iŋsan ru malmalan aŋ murupaiaŋ alonŋ o ru kagin irupaiama ya, gug aŋsam leil lo man aŋ ibol tamolpein kumaen pempem yen dan diŋane san ta idaisuda na yak igo woŋ a. Aŋ Anut san ru amoi an niŋen o, maŋ gamu miriŋanaŋ pe Juda tia yak sad na mau a. <sup>47</sup>Man dugo, Tubun en sen ru kagin irupaiamag ru en ipanama,

‘ŋai ŋiginiog oŋ Juda tia yan sad sul mado wa.

An lo dop ŋaisag patu pasek sini waup,

tamolpein a tan titin wadan fidian lo dumado dan diŋane wa.’”

<sup>48</sup>Saen tamolpein Juda tia yan ru an dulonŋ man, ilod tubun mi uyanan go, iŋ bused lo Anut san ru lak na geig disini a. Agod tamolpein a Anut gubak mi kumaen pempem san diŋane wo ipilianai amaiak fidian ilod lo rumok a.

<sup>49</sup>Tubun en san ru taun an san panu susumeik an lo ifufurak go yau a. <sup>50</sup>Ak man Juda tamolpein dumasag, taun an san tamol gurman ated dusue ya. In pein yanad anda yak Anut ubou an dile dan dam ated dusue ya. An lo Pol in Barnabas da muruan in madai da dupidinaig dukudaig, aben an dibisei a. <sup>51</sup>Tamolpein an Anut san kagin panek ru duloŋ o dumoi an niŋen o, aposel adi nŋied fo gufgaf an dipilti idug, Aikoniam na diau a. <sup>52</sup>Antiok na ilo rumok adi yousai agod Urgan da tinid inaneŋfuteŋ dumado ya.

### Pol in Barnabas da Aikonium na ru dufulale ya

**14** <sup>1</sup>Kagin naon kisaek an ago mi Aikoniam na ilasa ya. Pol in Barnabas da Juda ubou ab lo ru dufulale uyanan mok an lo Juda adi agod Juda tia yan dam wei mi ilod lo rumok a. <sup>2</sup>Gug Juda aenta Anut san ru duloŋ o dumoi, agog tamolpein Juda tia yan ated dusueg, inŋsad kankan dukubulig an lo Pol in Barnabas da dil saiadi. <sup>3</sup>Gug Pol in Barnabas da atna saen kitek milaen mi dumado ya. In ta direr na ya, tia, Tubun en san ru inanen ilo panek san an dubol ilasa dugo, Tubun en inŋsen dabai a ipidinai an lo tamolpein ikubiai dileg inanen ru an rumok a. Man dugo, aposel uraru an inŋsan dabai nek amaiak lo kulob girager funfun digane se ya. <sup>4</sup>Taun an san tamolpein ditarpaleg malan uraru. Aenkadi Juda dida dutur, go aenkadi man Pol in Barnabas dida dutur a. <sup>5</sup>Tamolpein Juda tia an inaneŋed gurman dida, agod a Juda yan inaneŋed gurman dam dida Pol in Barnabas da daonŋ dipidinaip pat nam dufup dumat o palaŋ ad dumari se ya. <sup>6</sup>Saen aposel ru an duloŋ tag, dusol go distrik Likonia na taun uraru Listra in Derbe da, agod panu susumeik an lo dam diau a. <sup>7</sup>Ante Jesus san bilaluŋ uyan an san fun dufulale se ya.

### Pol taun Listra Derbe da lo imado ya

<sup>8</sup>Listra na tamol ta imado. In tinan tiŋaen lo mi nŋien imat, agod itor san tia ya. <sup>9</sup>Saen Pol ru ifulale dan in dam doup lulunaŋ lo imado dugo kududon igure se ya. Pol tamol an malan ti ibol go, ilon lo rumok ile yak niŋen o ilonŋ ak, Anut tamol an ka ibinawi wa. <sup>10</sup>Ago tag Pol awan tubun mi irupeŋ, “Masap! Itaot utur!” Agog tamol an gamu nam imasag itur go itor ila iso se ya.

<sup>11</sup>Saen tamolpein Pol ago igane yan dile man, inŋsiganed Likonia muroun ru lo duwagiŋ go dubol, “Tubud adi dibilisag, tamol onŋ go idsad na dupalu ya.” <sup>12</sup>Barnabas man Seus dubol go Pol man Hemis dubol. Ata wo? Pol man ru bilabal san tamol malan te ya. <sup>13</sup>Seus san tempel taun an san ar patun fo yen da. Seus san pris makau tamol ak inaŋ lo mor dam

---

<sup>1</sup> Grik inŋsad tubud sewak wei mi. Tubud an sad gurman yanan Seus. Agod inŋsan awan nŋilaŋal man Hemis.

isinig, tan san dalawan in tamolpein dida aposel yai digane pidinai o ante dupalu ya.

<sup>14</sup> Saen Pol in Barnabas da tamolpein kulob dugdugo digane dan dulong ak man, in kagin an dumoi tag insed tinid fo bioun an dirasisire idug, dumaspalug, doup lulungad lo diladug disasaig dubol, <sup>15</sup> “An ata wo igo agane dak i? Man dam tamol nek an igo mi a. Man bilalun uyan ak ta Jesus ninen o misini mupalu da. Mansama ru an alon dop kagin sewak agane dan patum apanip, Anut kumaen imado dan mi ubou an ale wa. In keit, tan, beig igane ya. Agod melmel fidian tan fo na, agod beig ilon lo yan fidian idiri a. <sup>16</sup> Imug mi man in tamolpein yilfu dugo inaned ilobol mi digane na ya. <sup>17</sup> Gug in pempem mel sisingaok igane ilasa na yan lo insen fun ikubiai ale se ya. In ui iganep, keit lop idu da. Nal fom anan iganep ilasa da. Anan ipanag dugo ilo uyan dam ipanag da.” <sup>18</sup> Pol in Barnabas da ru ago dubol gug tamolpein man yai digane mok o yaes ifu da, an ninen o diabituanai o muruan geig a.

<sup>19</sup> Agog Juda aenkadi Antiok Pisidia provins atna yan, Aikoniam na yan dam dupalug, doup ilod dijaneg, Pol pat nam dufuni a. Agog diraeg, taun san ar patun fo dilasag, dibal yau a, agog diau a. Ilod lo man imat ak dubol a. <sup>20</sup> Gug saen ilo rumok adi dupalug fun na dutur dulubani dugo, Pol imasag fon imul taun ilon lo iladu ya. Dien dumasag, tidom lom mi in Barnabas da Listra dibiseig Derbe na diau a.

### **Pol Barnabas da taun Antiok a Siria na yan ante dumul a**

<sup>21</sup> Pol in Barnabas da Derbe na Jesus san bilalun uyan ak dubol ilasag, tamolpein wei mi ilod dibilisag, Jesus san megeloum dilasa ya. Agog uraru an dumul go, Listra nag, Aikoniam nag, Antiok o Pisidia na yan lo dilasa ya. <sup>22</sup> Atna ilo rumok adi inaned ilo rumok diabi sakar o tan suek ru durupidai, agog ru en dam durupidai, “Id muruan tubun mi tisini gup, Anut san kagin panek lo tiladu wa.” <sup>23</sup> Midaen kisaek kisaek lo, tamol a Tubun en ninen o ilodi rumok dan lulungad lo Pol in Barnabas da matu aenkadi dipilianai pidinai a. Agog nined dugudani wo anan geg diganeg, dugudanig, Tubun en banin lo didirai diau a. <sup>24</sup> Agog dibisawaig Pisidia provins na ditilianig itout go Pamfilia provins na diau a. <sup>25</sup> Taun Perga na Anut san ru dufulale itout go lon na diaug taun Atalia na dilasa ya. <sup>26</sup> Murnag wog dijaneg Antiok a provins Siria lo yan ante dumul diau a. Aben ante gubak mi Anut san urat banid lo digane dugo insan ilo panek paen na urat digane wo idiraig dutor nag, gamu wadan dufutani a.

<sup>27</sup> Antiok na dilasag ilo rumok adi dutumanaig, Anut urat in lo igane na yan san ru durupidaig dulong a. Agog Anut tamolpein Juda tia yan ilod lo rumok san dal ipasi an dam dubol dulong a. <sup>28</sup> Agog saen milaen mi ante ilo rumok adi dida dumado se ya.

### Aposel gurman dida Jerusalem na dutumani a

**15** <sup>1</sup>Tamol aenkadi Judea na yak Antiok na diaug, fun diganeg ilo rumok adi dipitejanai dugo dubol, “An Moses san kubiaen ibol dak fo mi tinim sunulon atute wa. Tia dop, Anut an patum ta ipasi na wa.” <sup>2</sup>Pol in Barnabas da ru an ninen o dida tubun mi nug diabi se ya. Ago tag ilo rumok adi Antiok na yan ru kagin igo durupidaig dubol, “Pol Barnabas da, aenta dam dida diaup, Jerusalem na aposel in matu gurman adi dida muruan an ninen o dukubiai a.”

<sup>3</sup>Agog midaen didinaig, Jerusalem na diau. Fonisia in Sameria da sad dal im turen diabi dugo, tamolpein Juda tia yan ilod lo rumok go ilod dibilisa yan san sae dusue se ya. Ilo rumok adi fidian ru dulon an ilod tubun mi uyanan a. <sup>4</sup>Saen Jerusalem na dilasa yan aposel adi, matu adi, agod midaen fidian dupalug duyananai se ya. Agog Anut in lo dugo igane na yan naod na dubol ilasa dugo dulon a.

<sup>5</sup>Gug ilo rumok aenta in dida ilod ta kisaek na ya. Tamol an imug man in Farisi a. In ilo rumok adi lulunad lo malan kisaek dumado na ya. Tamol emaiak dumasag igo dubol, “Arupidai dulon pe, tinid sunulon dutute dop Moses san kubiaen ibol dan ago mi duri dupani. Kagin an ta dirigani na wa.”

<sup>6</sup>Ago tag aposel adi in matu dida dutumanig muruan an ninen o dininen a. <sup>7</sup>Inen diganeg yang milaen dugo Pita imasag ibol, “Teig muroug, an alon a. Malan malan mok Anut an lulunam lo nai ipilianag a. Agop tamolpein Juda tia yan nai awag lo Jesus san bilalun uyanan an dulon pe, ilod dibilisap, ilod lo rumok a. <sup>8</sup>Ago dugo Anut a idsad bubed ilon dan inisan rumok Juda tia yak lo dal igo ikubiai dugo mile ya, id gubak mi Urgun ipanad ago mi tamolpein Juda tia yan dam ipidinai a. <sup>9</sup>Id Juda, agod a Juda tia yan in malan lo id sensen man tia ya. In o ilod rumok an lo bubed ifulanaig ikok dilasag nek id ago mi a. <sup>10</sup>Ago yak ninen o an ata wo dal en lo Anut naon akubiani wo agane dak i? An gamu ilo rumok adi Moses san kubiaen burod fo agane isuda wo agane da. Gug wagam id baged muroud, agod gamu idsed dam muruan an tisini san ta idaisuda na ya. <sup>11</sup>Ak man id igo ilod lo rumok, nek ibol Tubun en san ilo panek an lo patud ipasi wak igo won, in dam ago mi patu pasek dinene wa.”

<sup>12</sup>Doup tumanek lo yan fidian awad itaug dumado dugo Pol in Barnabas da tamolpein Juda tia yan lulunad lo Anut in lo kulob girager dugo igane na yan ninen durupidaig dulon a. <sup>13</sup>Inaned ru dubol itout man Jems imasag ibol, “Teig taog, kududom agure! <sup>14</sup>Anut imug mi Juda tia yan sad na ilasag lulunad lo tamolpein aenta inal pe inanan yanan disini wo sad na yau a, an san ru Saimon irupaiad la ya. <sup>15</sup>Agod ru a Saimon ibol an profet adi sad awad aban da awad dutumani kisaek a. Insad ru igo ya,

16 ‘Tubun en ibol, mel en itout gup ηai ηamul da wa.

Agop Dawid san ab yau idu yan fon ηabisa da wa.

Ab saian an ηabisap, afon ηususep uyan ilasa da wa.

17 Ago yak niηen o tamolpein aenta fidian Tubun en abajan diabi wa.

Agod Juda tia yan fidian a ηai yaηag tinid fo yen dan dam ago digane wa.’

18 Tubun en mel an fidian, fun log ipalug gamu kuai tem tamolpein duloη san ak idirig, ago ibol ilasa ya.”

19 Agog Jems fon ibol, “ηaisiganeg kankan lo yak ηabol da. Id tamolpein Juda tia yan dibilisap naod Anut dupani dop muruan ta tupidinai na wa. 20 Tia, girek ta tigirep ru igo turupidai a. In η mel dugon tubud sewak yai digane pani dan diani dop lo sed ilod nun dupani wo dumoi a. Jeit kagin ta digane na wa. Mel a buron dususe gug tinin ilon lo san dar yen dan mudan ta diani na wa. Agod san dar dam ta diani na wa. 21 Id ru kagin taida turupidai san urat tia ya. Man dugo, wagam id baged sad saen log ipalug gamu, Moses san kubiaen Sabat nal anen anen Juda sad ubou ab fidian lo dusuti da. Ago dugo inηsan ru panu fidian lo dufulale da.”

### **Inηsad girek digire yan san ru**

22 Agog aposel, agod matu adi dida midaen fidian dutumanaig, awad kisaek gug tamol ta dipilianaip Pol in Barnabas da dida Antiok na diau wo dubol a. Agog Sailas, in Judas yaηan neinta Basabas dubol dan dipilianai a. Tamol uraru an ilo rumok adi luloηad lo yaηad ad da ya.

23 Girek a digireg disini diau o dupidinai an san ru igo ibol:

“An ilo rumok Juda tia yan, Antiok na Siria na agod Silisia na amado dan, maη aηanem teim taom, aposel agod matu adi dam maηanema ilo uyan anηsam na migane ipalu da.

24 Maη maloη ak maηsama tamol aenkadi anηsam na diaug ru dubol an lo an ilo wei dupanaη dugo aηanem kankan dukubuli a. Maη in ago digane wo ru kagin ta murupidai na ya.

25 Ago tag maη fidian mutumanig iloma kisaek go tamol aenkadi mipilianaig midinaig anηsam na dupalu da. Idaned turad mok Barnabas in Pol da dida dupalu da.

26 Tamol uraru an idsad Tubun ak Jesus Kristus yaηan disini wo saen wei mi sed tinid dibisei se ya.

27 Aria, maη Judas in Sailas da mipilianaig dida dupalu wa. Tamol uraru en ru a migire yan sed awad nam durupaiaη dop aloη a.

28 Maηsama ilo sou lo, agod Urgan san ilo sou lo dam, mel en mi uyanan a. Maη in da sisem murupaiaη dak, an muruan ta fon kubiaen en subuηan tinim fo ta migane isuda na wa. Kagin nek en mi agane wa.

<sup>29</sup> Ananj tubud sewak dupani ak ta ani na wa. Dar ani amoi. Mel ta buron dususeg san dar tinin ilon lo yen dan ta ani na wa. Jeit ta agane na wa. Kagin naok ago yan lo tinim apirani tap, nek an agane uyanan a. Nek a.”

<sup>30</sup> Midaenj girek an banid lo diganeg didinaig Antiok na diau a. Antiok na dilasa gug ilo rumok adi fidian dutumanai gug girek an dupidinai a. <sup>31</sup> Agog an san ru dusuti a. Dusuti man, san tan suek ru dulong dugo yousai tubun mi digane ya. <sup>32</sup> Judas inj Sailas da sisem sad teid taodi ru wei mi nam tan suek ru dupidinaig dabai dupidinai a. Man dugo, tamol uraru en dam Anut san profet mi a. <sup>33</sup> Antiok na kitek dumado gug ilo rumok adi maror lo mi didinaig dumul go, siganed na diau a. <sup>34</sup> (-) <sup>35</sup> Ak man Pol inj Barnabas da Antiok na dumado dugo, ante tamol aenkadi wei mi dida Tubun en san ru dufulale dugo tamolpein manjau dipitejanai se ya.

### **Pol inj Barnabas da ilod ta kisaek na yan lo sensen diau a**

<sup>36</sup> Murnag Pol Barnabas irupe, “Id taup, teid taod Kris a panu panu imug taug Tubun en san ru turupidai se yan ate tau a. Inj dugo dumado dan teil a.” <sup>37</sup> Barnabas awok ibol ak gug Jon a yanan neinta Mak dubol dan dida diau o ilon ibol a. <sup>38</sup> Ak man Pol Jon dijanep ida diau san an ta uyan na yak ago ilo sou igane ya. Man dugo, gubak mi inj Pamfilia na urat digane dugo, Jon dida urat digane yau o imoig ibisawaig imul yau a. <sup>39</sup> Ago man ilod ta kisaek na yan lo ru dabai nam nug aen dutog se ya. An lo sensen diau a. Barnabas Jon yanan neinta Mak injanep ida wog dijanep Saipras nui na diau a. <sup>40</sup> Gug Pol Sailas injanep, ilo rumok adi dutumanig Tubun en san ilo panek lo kagin ipidinai o dugudani gug, urarum didinaig diau a. <sup>41</sup> Agog inj Siria nag Silisia na midaenj fidian dabai dupidinai dugo diau se ya.

### **Timoti, Pol inj Sailas da luad isag dida diau a**

**16** <sup>1</sup> Pol turenj ibateg Derbi na agod Listra na yau a. Atna ilo rumok pinein ta yanan Timoti imado se ya. Inj tinan Juda. Agod inj dam ilo rumok pein ta. Gug taman man inj Grik tamol. <sup>2</sup> Listra inj Aikoniam da sad ilo rumok adi fidian Timoti dupitiani da. <sup>3</sup> Pol inj Timoti injanep ida diau o ilon yen tag ibol dugo Timoti tinin sunulon dutute ya. Man dugo, Juda panu fidian lo dumado dan dulong, Timoti taman man inj Grik tamol. <sup>4</sup> Saen panu fidian lo diau se yan kubiaenj aposel adi inj matu dida Jerusalem na digane yan ilo rumok adi dupidinaig, kubiaenj an mi duri dupani wo dubol a. <sup>5</sup> Ago yan lo midaenj injaned ilo rumok dabai dupanig, midaenj fidian nal ate mi tubun ilasa se ya.

<sup>j</sup> Boi 34 an Grik lo tia ya. v 34 Ak man Sailas gidad injsan ilo sou lo aben an ta ibisei na man uyanan a.

### **Pol malan ntun lo Masedonia tamol ta ile ya**

<sup>6</sup>Urgun in Esia san tan fidian lo Anut san ru dubol ilasa wo man geg ipidinai a. Ago tag in Frisia na, agod Galesia na mi turej diabi na ya. <sup>7</sup>Saen Misia provins san tom fo dilasag Bitinia provins lo diladu wo digane gug Jesus san Ur awok ta ipidinai na ya. <sup>8</sup>Ago tag Misia na diau on go, Troas na dilasa ya. <sup>9</sup>Atna tidom lo Pol malan ntun lo Masedonia tamol ta itur dugo iwagi dan ileg igo irupei, “Ete Masedonia na palup man binawama.” <sup>10</sup>Saen Pol mitilaen an ago ile man, gamu nam man ru kagin irupaia mag Masedonia na mau san aban mukubune ya.<sup>k</sup> Man dugo, mitilaen an man kankan ipanama yak, Anut man atna maup bilalun uyanan an tamolpein sad na mufulale wo igiama ya.

### **Filipai na pein ta yanan Lidia in ilon lo rumok a**

<sup>11</sup>Troas na wog mijaneg tim idudunamag itaot geig Samotres na mau a. Agog maen, mumasag, Niapolis na mau. <sup>12</sup>Atnag njema nam maug, Filipai na milasa ya. Masedonia distrik lo Filipai in taun malan te ya. Taun an Rom gabman inane ya. Man atna kitek dam mumado ya.

<sup>13</sup>Sabat nal lo taun mubiseig, you ta aen te mau. Iloma lo Juda sad gudanek aben ta ate mile wak mabol. Agog mumasig, pein ante dutumani ak Anut san ru murupidai se ya. <sup>14</sup>Pein a ru dulong na yan lulungad lo kisaek ta yanan Lidia. In Taiataira pein. In yamel daran naon lak na geig ak inisan na didad da. Pein an in Juda tia yak gug in Anut o ubou ile da. Saen Pol ru ibol dugo Tubun en iganeg buben isofulale dugo inanen ru inane uyanan go ilon lo rumok a. <sup>15</sup>Agog Lidia inanen ab samun dida fidian suguek dijane gug isumianama, “Ananem ilom lo nai akubianag ak Tubun en san ru njanuri dan ilom ago isou tap, apalup naisag ab lo tumado wa.” Ago dugo Lidia dabai igane on tag ida mau a.

### **Pol in Sailas da dusubanai a**

<sup>16</sup>Nal ta man gudanek aben lo mau dugo, dal na urat bigabeg pein ta ipalug iliama ya. In ur ta kiai panek san aman da ya. Ur saian an mel murnap ilasa wan pein an awan lo ibol ilasa da. Dal an lo pein an moni tubun mi inanen tirnek tamol adi inane pidinai da. <sup>17</sup>Pein an man Pol da njema aban irig isasai dugo, igo ibol se, “Tamol en in Anut lak na geig ak san urat tamol. In dal dugo lo patu pasek anane san ak dubol ilasa da.” <sup>18</sup>Nal wei kasik ago iginiamag, Pol tinaen saian tag nal ta idansag, ur saian an ipei, “Nai on jurupaio da, Jesus Kristus yanan lo pein an biseip lasa wau.” Ago dugo gamu nam ur saiak pein an ibiseig ilasa kisaek on a.

<sup>19</sup>Urat bigabeg pein an san tirnek tamol adi moni dijane san dal itau an dile tag, Pol in Sailas da duburoug, diriaig didaen aben lo kot

---

<sup>k</sup> Ete Troas na Luk inisan luad isag dida diau a.

dupidinai o diau a. Ante gurman adi naod na dugunai a. <sup>20</sup>Agog iŋ Rom san tulek tamol an naod na ru dupidinaig dubol, “Tamol en Juda tamol. Iŋ idsad taun lo muruan digane da. <sup>21</sup>Iŋ kagin idsad kubiaen lo geg an tamolpein dipitejanai da. Id Rom tamolpein iŋsad kagin dubol dan tiŋane dop tiri san tia ya.”

<sup>22</sup>Agog doup tubun an dumasag, Pol iŋ Sailas da dufu wo fun digane. Tulek tamol an Pol iŋ Sailas da tinid fo kulos disire idug, bu dupidinai o dubol. <sup>23-24</sup>Agog dufu saian go subanek ab lo didirai a. Tamol a subanek ab ititiani dan isubanai sakar o durupe i tag, ibilai galuŋ ilon lo geig ak lo diladug, ai lapan uraru muruadi ak nam ŋiedi ipini a.

<sup>25</sup>Tidom luak igo wonŋ Pol iŋ Sailas da Anut dugudani dugo bar diabi se ya. Ago dugo subanek tamol fidian awad duloŋ se ya. <sup>26</sup>Agog gamu nam kanaurig tubun ak ilasag subanek ab san fun an iguri dugo, dalawan fidian awad itapas a. Agog ŋied banid lo sein a ate dusubanai an sed itapas diau a. <sup>27</sup>Subanek ab san titianek yen nag imasa yan, dalawan awad itapas ak ileg, subanek tamol fidian dusol diau ibol go, iŋsiganen sabiri igursig, nam sen ifuni imat o sumeik a. <sup>28</sup>Ago dugo Pol awan tubun mi iwagiŋ go ibol, “Se ifuno umoi. Maŋ tet mi mumado da.”

<sup>29</sup>Subanek ab san titianek lam disini dupalu wo iwagiŋ. Agog isuruwor oŋ imaspalug iladug, Pol Sailas da ŋied fun na turun isaluwig idu ya. <sup>30</sup>Agog iŋal go patun fo dilasag isumianai, “Iŋai dugo ŋiganep lo patu pasek ŋiŋane wak i?”

<sup>31</sup>Agog ru naon durupe i, “Oŋ Tubun en Jesus niŋen o ilo rumok tap patu ipasi wa. Oŋane ab samun dam patud ipasi wa.” <sup>32</sup>Agog Tubun en san ru iŋanen ab samun dida naod na dufulale ya. <sup>33</sup>Tidom an lo mi subanek ab san titianek Pol iŋ Sailas da dufunai na yan sad baob ifulanig ifou pidinai. Iŋanen samun fidian dida ilod lo rumok go suguek diŋane ya. <sup>34</sup>Agog Pol iŋ Sailas da iŋal go ab lo disidag anaŋ ipidinaig diani. Titianek an iŋanen samun dida ilod tubun mi uyan a. Man dugo, iŋ gamu Anut ilod lo rumok.

<sup>35</sup>Tidom lom mi tulek tamol adi iŋsad aikatuk adi didinaig diaug subanek ab san titianek igo durupe i, “Tamol uraru an pasaip diau a.”

<sup>36</sup>Ago tag titianek tamol an Pol irupe i, “Gurman adi oŋ Sailas da ŋubusawaŋ pe alasa wo uyan dubol a. Ago yak niŋen o aŋ maror lo mi au a.”

<sup>37</sup>Gug Pol aikatuk an irupidai, “Maŋ mel ta migane saian man tia ya. Agod mel an fun niŋen o ta dusumianama na ya. Maŋ bo dam Rom tamol gug kawan geig malak malak bu nam dufunama ya. Agog subanek ab lo diginiama gug, gamu fon pasak nam didinamap mau o digane dak i? Maŋ ta mok mau na wa! Gurman adi iŋsed mok dupalup, dupasamap milasa gup mau a.”

<sup>38</sup>Ago tag aikatuk adi diaug, gurman adi naod na Pol awan aban dubol ilasa ya. Saen gurman adi Pol Sailas da iŋ Rom tamol an duloŋ man direr

saian geig a. Man dugo, kabelan iŋ dam naon diŋane banau. <sup>39</sup>Ago tag diaug, Pol iŋ Sailas da naod na iŋ digane saian ak niŋen o iŋaned muruan ilod iŋaon o dugudani a. Agog diŋal go subanek aben dubuseig dilasag, panu dubuseip diau o dusumianai da. <sup>40</sup>Ago tag Pol iŋ Sailas da Lidia san ab lo diau a. Atna ilo rumok adi dumado dugo, tan suek ru durupidaig dubusawaig diau a.

### Pol Tesalonaika na Anut san ru ifulale ya

**17** <sup>1</sup>Pol iŋsan urat kisaek ak dida turen diabig diaug, Amfipolis nag, Apolonia nag, Tesalonaika na dilasa ya. Atna Juda sad ubou ab ta yen da. <sup>2</sup>Pol iŋsan kagin mi irig ubou ab an lo iladug Sabat nal utol tet mi tamolpein dida ru Kristus niŋen o Anut san buk lo yen dan niŋen o ru dabai lo dida diŋiŋen se ya. <sup>3</sup>Iŋ mel en ifulale pidinai a, Kristus muruan madaŋ da isinip imat gup fon kumaen imasa da wan an urat anda ya, ago dugo ru ta Anut san buk lo yen dan lo Kristus mel an yabi-riŋani san tia geig ak niŋen o kuai te ikubiai pidinai o maeg igane se ya. Ago dugo igo irupidai, “Jesus nek e niŋen o ŋabol ilasa den iŋsen mi Kristus.” <sup>4</sup>Juda aenkadi ru a Pol ibol ilasa se yan rumok dupanig Pol iŋ Sailas da luad disa ya. Ago dugo Grik tamol aenkadi Anut o ubou dile dan, agod pein yaŋad anda yak aenkadi dam nek ago mi digane na ya.

<sup>5</sup>Ak man Juda aenkadi Pol san urat dileg, turak dususa se ya. Ago tag tamol saiadi a taun san tumanek aben lo kawan dumado dan diŋal go dutumanai a. Agog iŋ tamolpein taun a lo dumado dan fidian bubed diabisag, Jeson san ab digileg, Pol iŋ Sailas da abaŋad diabi se ya. Iŋsad ilo sou lo man dilaip duburoup, tamolpein malan tubun an sad na diŋal diau o digane. <sup>6</sup>Ak man ta dil na tag Jeson iŋ ilo rumok aenkadi dida diŋal go taun an san gurman adi sad na diau. Agog duwagiŋ go dubol, “Tamol en kubulek tubun kasik digane dugo dutor nag, gamu idsad taun lo dam dupalu ya. <sup>7</sup>Agog Jeson tamol an iŋal go iŋsan ab lo dida dumado da. Iŋ fidian Kaisa san kubiaen igane yan dipilali dugo, kiŋ neinta imado dak ago dubol a. Kiŋ an yaŋan Jesus dubol da.” <sup>8</sup>Saen ru an dubol man tamolpein malan tubun an, iŋ taun san gurman dam fidian tiŋaed saian dugo ta dumado wo uyan se na ya. <sup>9</sup>Ago tag gurman adi moni sapita Jeson ipidinai dop diŋane wo ida ru dufuni a. Aria, ru a dufuni an ilon lo, Jeson afon tamolpein muruan ipidinai tap, moni an ta iŋane da na wa. Agog Jeson moni an iŋaneg ipidinai gug, ka diau ak ago dubol tag, Jeson tein taon Kris an iŋal go dida diau a.

### Beria na tamolpein wei mi Jesus o ilod rumok a

<sup>10</sup>Saen tidom idu dugo, ilo rumok adi Pol iŋ Sailas da didinaig, Beria na diau. Diaug dilasa man Juda sad ubou ab ta lo diladu ya. <sup>11</sup>Juda adi ete dumado den a Tesalonaika na dumado dan ago tia ya, tia, iŋ kankan

uynan ad da ya. Ago yan lo Pol san ru dijanane wo yaes ifu se ya. Agod nal pempem ru a Anut san buk lo yan dusuti dugo Pol san ru ifulale se yan ida dibitinae dile se ya. <sup>12</sup>Amaiak niŋen o Juda wei kasik ilod lo rumok a. Grik pein kitek wei mi yaŋad ad da yak, iŋ Grik tamol dida ilod lo rumok a.

<sup>13</sup>Saen Juda adi Tesalonaika na yan Pol Beria na Anut san ru ifulale dan duloŋ tag dupalug, tamolpein ated dusue dugo tiŋaed saian se ya. <sup>14</sup>Ago tag gamu nam ilo rumok adi Pol didinig, loŋ na yau a. Gug Sailas iŋ Timoti da man Beria na dumado se ya. <sup>15</sup>Tamol a Pol dijaneg ida diau man diaug, Atens na geg gug tamol an afon idinaig Sailas iŋ Timoti da ririan iŋ luan disa wo ru iganeg sad na yau a. Agog saen ru dijanane man Beria dibisei kisaek oŋ go iŋsan na dupalu ya.

### Pol Atens na ru ifulale ya

<sup>16</sup>Saen Pol Atens na Sailas iŋ Timoti da malad igane dugo, taun an ilon lo tubud sewak an mitilaedi wei mi yil dugo, ilon imasag ilon muruan geig a. <sup>17</sup>Ago tag ubou ab lo Juda tamolpein, agod tamolpein Juda tia gug Anut ubou an dile dan Anut san ru irupidai dugo, dida tubun mi diŋiŋeŋ ila iso se ya. Nal pempem ensauta dadeŋ aben lo dumado tap, tamolpein an dam ru irupidai dop dida diŋiŋeŋ se ya. <sup>18</sup>Ago dugo maŋau tamol malan uraru dida diŋiŋeŋ dugo nug aen ditog. Malan ta yaŋad Epikurian, malan neinta yaŋad Stoik. Malan uraru an luluaŋ lo aenkadi igo dubol, “Ak dugo, awa you maŋau an tia amaiak dugo ibol o maeg igane dak i?” Ago dugo aenta dubol, “Iŋ tag tubud gol ak niŋedi wo ru ifulale dak boi a.” Iŋ ago dubol dan fun man, Pol iŋ Jesus agod iŋsan mateŋ lo kumaen imasa amaiak san ru ifulale se ya. <sup>19</sup>Aria, Atens ilon lo bubun ta yaŋan Ariopagus dubol da. Aben ante taun an sad kaunsil dutumani da. Agog dijaneg Ariopagus tumanek aben ate dijaneg diaug durupeŋ, “Oŋsa pitejanek foun an naoma na ubol ilasa dop ka malon ak i? <sup>20</sup>Oŋsa pitejanek senamo geig ak kududoma lo ililaŋan da. Ago yak niŋen o melmel an sad fun malon mok o iloma yen da.” <sup>21</sup>Atens tamolpein, agod gol tamolpein aenkadi dupalug dumado dan iŋ melmel foun ilasa dan niŋen o mi nug naon na dubol dop duloŋ o dumat da. Ijaned saen tubun mi ago digane da.

<sup>22</sup>Ariopagas gurman a dutumani an naod na Pol imasa itur go ibol, “Aŋ Atens tamol kududom agure. Ŋaisag leil lo man, aŋanem kagin fidian lo tubud adi ubou ad ale wo yaes isofutanaŋ da. <sup>23</sup>Man dugo, saen ŋai aŋsam taun ilon lo ŋitiliani ŋator se man, malag yaug melmel a lo ubou amad ale dan ŋeil a. Ago dugo alta ta fufo girek ta igo digire yak ŋile ya. Girek an igo ya, ‘Alta en tubud enti id ta talon na yak san a.’ Aria, gamu tubud a ta alon nag ubou an ale dan, gamu aŋsam na ŋabol ilasa wo da. <sup>24</sup>Anut a tan iŋ keit da iganeg mel fidian ilon lo dam idiri an, iŋsen keit

agod tan da sad Tubun ak imado da. Agod in tempel tamolpein banid nam dufou yak lo ta imado na da. <sup>25</sup>Agod in mel o katukan dop tamol banid nam ta dibinawi na da. Man dugo, in sen amaiak tamolpein fidian kumaen di ur, agod mel fidian dam ipidinai da. <sup>26</sup>Tamol kisaek mi igane gug lo tamol naok funfun ilasag, tan fidian lo dumado da. Gamugo iginiai dugo, in sen mi tamolpein warou anen anen saen dumado wak ibalsi pidinai a. Agog tan geg ak anen anen ate mi itarpale pidinai a. <sup>27</sup>In ago igane yan lo, tamolpein fidian Anut abajan diabi wa. In tag mala nouk lo didabdab gup dile wak boi ago digane wo idirai a. Ago bo man Anut man id anen anen sad na asau mi ta imado na da. <sup>28</sup>Man dugo, talpein ta igo ibol,

‘In lo man, id kumaen tumado dugo tala taso da,  
 agod in lo dam idsad madok san fun yen da.’ Taida mi, ananem  
 profet aenkadi dam igo dubol,  
 ‘Rumok, id man inanen malan kubulan.’

<sup>29</sup>Id Anut malan kubulan, ago yak nijen o Tubud a rumok an nek ibol mel ta silva, gol pat da nam tamol digane yak on ago ta ilod isou na wa. Mitilaedi an fidian man tamol banid kulob an lo siganed manau lo mel an banid nam didirai ilasa ya. <sup>30</sup>Id fidian tijaon dugo kagin ago tigane na yan san saen lo Anut iliad funad se ya. Gug gamu man Anut ru dabai nam tamolpein fidian irupidai dop, ilod ibileksap inaned kagin saiak an patud dupani wa. <sup>31</sup>Man ata wo? Nal ta lo in kagin itaot ak lo mi tamolpein tan tilianek lo dumado dan bitinaek lo idirai an ibalsi la ya. Tamol a in wagen lo bitinaek urat an igane wan ipiliani la ya. In ru e rumok an tamolpein fidian kuai te ikubiaig dile yan san dal man nek igo ya, tamol a matej lo ifufunig afon kumaen imasa da ama ya.”

<sup>32</sup>Saen tamol adi a Ariopagus na yan Pol tamol ta matej lo kumaen imasa da yak san ru ibol dugo dulong man, aenkadi kukok an digane se ya, ak man aenkadi dubol, “Man ru e mel an nijen o ubol den afon nal tap malon a.” <sup>33</sup>Agog Pol tumanek an ibiseig yau a. <sup>34</sup>Gug tamol aenkadi inanen ru ilod lo rumok an lo luan disa ya. Lulunad lo tamol ta yanjan Daionisias in Ariopagus kaunsil ta. Agod pein ta yanjan Damaris, ago dugo tamolpein aenta dida ilod lo rumok a.

### Pol Korint na Anut san ru ifulale ya

**18** <sup>1</sup>Pol Atens ibiseig Korint na yau a. <sup>2</sup>Atna Juda tamol ta yanjan Akwila ile ya. Tamol an Pontas tamol. In iwon Prisila da wari na geig Itali dibiseig Korint na dupalu ya. Man dugo, Kaisa a yanjan Klodias dubol dan, Juda fidian a Rom na dumado dan Rom dibisei wo ru dabai nam ru kagin ago irupidai a. Ago tag Pol Akwila iwon da yil o sad na yau a. <sup>3</sup>Pol man ab sel ak san niganag tamol. Akwila iwon Prisila dam in da urat kisaek a. Fun an lo Pol in dida dumado dugo sisem ab sel

diweig didaen lo didiri dugo moni diñane se ya. <sup>4</sup>Ago dugo Pol in̄ Sabat nal anen anen ate mi Juda sad ubou ab lo tamolpein a ate dumado dan dida diñin̄en̄ dugo nug aen ditog se ya. An lo Juda aenkadi agod Grik tamolpein dam ilod in̄aneg Jesus o ilod rumok a.

<sup>5</sup>Saen Sailas in̄ Timoti da Masedonia na dupalug Korint na dilasa man, Pol in̄san ab sel iwei se yan ibiseig saen tubun mi Tubun en san ru ifulale se ya. In̄ Juda tamolpein mi naod na Kristus man in̄sen Jesus an irupidai dulon̄ se ya. <sup>6</sup>Gug saen in̄ Pol san naon diabi dugo nao futek ru dupani se man, ilon imoi ak niñen o in̄san kulos fo gufgaf dien an igigiani idu ya. Agog patun ipidinai ak san ru en igo irupidai, “An̄ adeg au tap, an an̄anem mel mi a, n̄aisag wadan tia ya. Ak niñen o gamu saen e yau den, n̄ai tamolpein Juda tia yan sad na n̄au a.”

<sup>7</sup>Agog ibisawaig, tamol ta yañan Titius Jastus san ab lo yaug ida dumado na ya. In̄ Juda tia gug Anut ubou an ile da. In̄san ab Juda sad ubou ab giran̄en̄ na itur da. <sup>8</sup>Aria, ubou ab an san gurman yañan Krispas dubol dan Tubun en niñen o ilon rumok a, agod in̄anen samun fidian dam ilod lo rumok a. Korint tamolpein wei mi Pol awan dulon̄ go ilod lo rumok gug suguek diñane ya.

<sup>9</sup>Nal ta tidom lo Pol malan n̄utun ile dugo Tubun en irupei, “On̄ ta urer na wa. Tia, ubol ilasa dop awa ta mok itau na wa. <sup>10</sup>Man dugo, n̄ai on̄ da tumado da. Talpein ta on̄ ifunop saian ipano san tia ya. Ete mado, man dugo, tamolpein wei mi taun en lo dumado dan n̄aisag tamolpein.” <sup>11</sup>Ago tag Pol atna an̄an̄ar kisaek wadan da imado dugo, taun an san tamolpein ilod lo Anut san ru ipiteñanai se ya.

<sup>12</sup>Ak man saen Rom gurman ta yañan Galio dubol dan, Akaia provins san tirnek tamol ilasa man, Juda adi dutumanig kankan kisaek ad da yak lo, Pol kot dupani wo diabig, diñane diaug gabman san kot naon na dugunig <sup>13</sup>dubol, “Tamol en kubiaen̄ irin̄ani da. Ata wo? In̄ tamolpein dal senamo yak lo Anut niñen o ubou digane wo ilod in̄ane wo maeg igane da. Gug dal an kubiaen̄ ta iri na da.”

<sup>14</sup>Pol awan ipuk go in̄in̄en̄ o igane ibol ak Galio imasag Juda adi irupidai, “Muruan gamu en kagin saiak san, tia, mala suek saian geig ak san ago tap, an̄ Juda awam n̄alon̄ san an dal ag da wa. <sup>15</sup>Ak man gamu an̄ asumianag dak, n̄ai ru ta, yañak, agod an̄anem kubiaen̄ dam mel naok an mi n̄ibitinae wo abol da. N̄ai ru naok ago yak ta n̄ibitinaep n̄ukubune na wa. Ago yak niñen o an̄sem muroum mi ale gup akubune wa.” <sup>16</sup>Ago ibol dugo ikudaig kot aben dubiseig, patun fo dilasa ya. <sup>17</sup>Juda tamolpein an fidian in̄ ubou ab san gurman ta yañan Sostenis dubol dan diabig, kot malan lo malak malak dufuni se ya. Ak man Galio ka yilfu on̄ a.

### **Pol Korint ibiseig Antiok na yau a**

<sup>18</sup>Pol nal wei mi ilo rumok adi dida Korint na dumado gug wog in̄aneg Akwila iwon Prisila da dida Siria na diau a. Wog gamugo in̄ane dugo

Senkria na gurman roun ibol dugo dutute ya. Man dugo, inug mi Anut malan lo promis ru ibol an nuñon igane yak niñen o iñsan promis an igane itout a. <sup>19</sup>Diaug, Efesus na dilasag, atna Pol Akwila inñ Prisila da ibisawaig, ubou ab lo iladug, Juda dida Kristus niñen o ru lo nug aen ditog se ya. <sup>20</sup>Atna saen milaen mi dida dumado wo dusumiani ak man inñ imoi. <sup>21</sup>Gug saen yau o dugo irupidai, “Anut ñamul o ibol tap, ñai añsam na ñamul da wa.” Agog Efesus ibiseig iyawai a.

<sup>22</sup>Agog Sisaria na ilasag, Jerusalem na isida yau. Atna midaenñ ilo uyan ru irupidai gug Antiok na yau. <sup>23</sup>Antiok na kitek imado gug yaug Galesia ilon lo iladug, Frisia na ñam ilo rumok adi fidian dabai ipidinai dugo yau on se ya.

### **Juda tamol yañan Apolos Anut san ru ifulale ya**

<sup>24</sup>Saen Pol yau imul dugo Juda tamol ta yañan Apolos, tinan Aleksandria na igansi ak inñ Efesus na ipalu ya. Inñ ru bilabal nimañau man uyanan geig. Agod Anut san ru girek lo yen dan ilonñ siñaokan. <sup>25</sup>Inñ Tubun en san ru dupiteñani siñaokan. Agog buben imasag, Jesus san ru itaot mi ifulale dugo tamolpein ipiteñanai. Gug inñ Jon san suguek an mi ilonñ. <sup>26</sup>Aria, saen Efesus na ilasa man, Juda sad ubou ab lo ru dabai anda ifulale dugo Akwila inñ Prisila da dulonñ a. Ago tag diñaneg, inñsiganed ab lo diaug, Anut san dal taidam itaot dukubiai panig ilonñ a. <sup>27</sup>Agog Apolos Akaia provins na yau o ibol tag, Efesus na ilo rumok adi ilon dabai dupanig dubunawig, girek ta digireg Kris tamolpein ate yak durupidai, “Tamol en añsam na ipalu tap, ayuñani wa.” Saen Akaia na ilasa man, tamolpein a Anut san ilo muñanek log Jesus o ilod rumok an ibinawai siñaokan a. <sup>28</sup>Man dugo, inñsan ru dabai anda ibol se yan lo malak malak ru lo nug aen ditog dugo inñ Juda ibiai dudu ya. Ago dugo ru Anut san buk lo yen dan isuti se yan lo ikubiai pidinai ak, Jesus man inñsen Kristus.

### **Pol Efesus na Anut san ru ifulale ya**

**19** <sup>1</sup>Saen Apolos Korint na imado dugo, dal ta did fufo mi yau ak Pol irig Efesus na yau. Atna ilo rumok aenkadi dumado dugo yil tag <sup>2</sup>isumianai, “Saen añ ilom lo rumok an Urgun añane yak i?”

Ago dugo inñ dubol, “Mañ ru ta Urgun niñen o kitek malonñ man tia ya.”

<sup>3</sup>Agog fon isumianai, “Ak dugo, añ suguek naon dugo yak añane yak i?”

Agog awan diabig, dubol “Mañ Jon san suguek miñane ya.”

<sup>4</sup>Ago tag Pol irupidai, “Jon san suguek man tamolpein inñaned aupasek patud dupani ak san a. Inñ Isrel tamolpein irupidai, ‘Tamol a ñai ñjeg aban fo ipalu dan ilom lo rumok a. Tamol an Jesus.’”

<sup>5</sup>Ru an dulonñ go Tubun en Jesus yañan lo suguek diñane ya. <sup>6</sup>Agog saen Pol banin gurmada fo igane man, Urgun inñ tinid fufo idu ya, ago

dugo muroun ru sensen ak lo diñiñeñ dugo, profet ru dam dubol ilasa se ya. <sup>7</sup>Tamol an nuñod 12 igo wonj.

<sup>8</sup>Kalam utol Pol Juda sad ubou ab lo yau imul dugo Juda tamolpein Anut san ru dabai anda irupidai se ya. Agog ru lo dam dida nug aen ditog dugo Anut san kagin panek san fun ifulale ilasa se ya. Ago dop dulong pe ilod lo rumok o ago igane se ya. <sup>9</sup>Ak man aenkadi kabunjad sakar kasik an lo ru an ilod lo ta rumok na ya. Taida mi in midaan malad lo Kris adi sad ilo rumok yañan “Dal En” dubol dan niñen o ru saian dubol ilasa da. Ago tag Pol megeloum foun ak injal go, nal pempem Tiranas san galun tubun ak lo dutumani dugo, a Juda tia yan dam dida Jesus niñen o diñiñeñ ila iso se ya. <sup>10</sup>Anañar uraru nek ago mi igane dugo, Esia distrik lo Juda tamolpein, agod a Juda tia yan dam fidian Tubun en san ru dulong a.

<sup>11</sup>Anut kulob girager funfun Pol banin lo iganeg ilasa ya. <sup>12</sup>Inñsan silali isuas san yamel boi, urat san yamel an tamolpein subam amad da yan sad na diñane diaup tinid fo digane dop subam ibisawai se ya. Ur sisaiak amad da yan dam nek ago mi digane se ya.

<sup>13</sup>Juda aenkadi a ur saiak dukudai diau dugo dutor dan, Jesus yañan lo ur sisaiak an dibilitaep dukudai o ilo sou ago digane. Agog ur saiak tamol tinid lo dumado dan igo dupidai, “Jesus yañan a Pol ifulale dan lo alasap au kisaek on o mañ murupaian da.” <sup>14</sup>Juda pris gurman ta yañan Skeva in nanun 7 kubol an digane dugo dutor a. <sup>15</sup>Gug saen ta tamol ta ur saian anda yak durupeñ dugo, ur saian awad yabig ibol, “Inai Jesus ñalonj. Agod Pol dam ñalonj. Gug an en sauta yak i?”

<sup>16</sup>Ago ibol ak tamol ur saian aman da yan imasag, maeg iganeg ifu saian. Tinid daonj ipanig sad kulos irasisare idu ya. Agog Skeva nanun 7 an dar ad da nuñod kawan ab lo dilasag dumaspalu on go dusol diau a.

<sup>17</sup>Agog Efesus na Juda tamolpein, agod Juda tia yan fidian ru an dulong go tubun kasik direr. Agog Jesus Tubun en yañan man lak na geig diabisa. <sup>18</sup>Ilo rumok adi wei kasik dupalug, malak malak mel digane saian man kuai tem dufulale se ya. <sup>19</sup>Wei tinan buk lo nawir san mañau diñane yan inñsad buk disini dupalug dutumanig, tamolpein fidian malad lo dumari inani yau a. Buk an fidian san naod dutumanig, fifti tausen kina (K50,000) igo ilasa ya. <sup>20</sup>Kulob funfun dabai anda dilasa yan lo, Tubun en san ru nek ago mi ilasag yang tubun geig dugo, ifufurak go aben fidian lo yau a.

### **Efesus tamolpein tiniae saiak diabisa ya**

<sup>21</sup>Murnag mel fidian ilasag itout an, Pol yaup Masedonia nap Akaia na gup Jerusalem na yau o Urgun kankan ipanig ibol, “Aben an fidian ate ñau itout gup, Rom na dam ñau a.” <sup>22</sup>Ago tag inñsan binawek uraru Timoti in Irastas da idinaig, Masedonia na diau. Agog inñsen man saen kitek milaen mi Esia provins lo imado ya.

<sup>23</sup> Saen nek an lo mi muruan tubun ak “Dal En” niŋen o Efesus na ilasa ya. <sup>24</sup> Tamol ta, yaŋan Demitrias, iŋ silva nam melmel igane da. Iŋ silva nam tubud pein ta yaŋan Atemis san tempel mitilaen wei mi igane idu ya. Agod iŋsan bisnis an lo moni tubun mi irae dugo, iŋanen urat tamol dam urat an lo moni tim an tubun mi diŋane da. <sup>25</sup> Ago tag iŋanen urat pinein agod aenkadi iŋsad urat naon kisaek an dam igiaig itumanaig irupidai, “Aŋ tamol gamu atumani an alon ak, idsad moni man urat nek en lo tile da. <sup>26</sup> Agod gamu tamol a Pol dubol dan kulob igane dak aŋsem dam ale alon a. Iŋ ibol, tubud a tamol banid nam digane yan tubud tia ya. Ru an lo Pol tamolpein wei kasik naod yabitig ilod ibilisa ya. Tamolpein fidian Efesus na, agod wei mi Esia provins ilon lo dam, ru an dulon la ya. <sup>27</sup> Agod muruan tubun ak yen da. Idsad bisnis yen yaŋak saian ak iŋane wa. Muruan an mi tia. Taidam tubud pein Atemis san tempel mel kawan dubol dop iŋsan yaŋan tubun an fon diabi idu wa. Tubud pein an Esia provins lo, agod tan titin fidian en lo tamolpein ago mi ubou an dile da.”

<sup>28</sup> Doup tubun ru an dulon man tiŋaed tubun mi saian tag disasai dugo dubol, “Efesus san Atemis iŋ tubun a.” <sup>29</sup> Siseiŋ an taun ilon iŋane. Ago dugo doup a taun lo yan Masedonia tamol uraru Pol dida diau an duburoug, tamolpein fidian sad tumanek aben lo diau a. Tamol uraru an Gaias iŋ Aristakus da. <sup>30</sup> Pol iŋsen ilo rumok tamolpein an ibisawaip, doup tubun an malad lo yaup, ru irupidai o igane yak man, ilo rumok adi diabituan i a. <sup>31</sup> Provins san tamol gurman aenta, iŋ Pol turan muroun, an dam ru kagin diganeg Pol san na yau. Kabelan tumanek aben lo doup malad lo ilasa banau o dumoi a.

<sup>32</sup> Agog saen an tumanek lo doup leiŋ tubun kasik digane se ya. Ago dugo tamolpein niŋeo lo ru naon sensen disasai ilasa se ya. Man dugo, tamolpein wei kasik tumanek an fun ta dulon na ya. <sup>33</sup> Juda adi tamol ta yaŋan Aleksanda dubol dan doup malad lo dusoduduni ilasa ya. Agog tamolpein aenta doup ilon lo tamol an dududuwig targiranek ru ibol ilasa wo durupe i se ya. Agog iŋ targiranek ru tamolpein irupidai o banin nam touad touad igane se ya. <sup>34</sup> Ak man saen iŋ Juda tamol ago dile tag, 2 auwa igo woŋ ru naon kisaek an mi disasai dugo dubol se, “Efesus san Atemis iŋ tubun a!”

<sup>35</sup> Ago digane yau nag panu san pepa kubunek tamol ta tamolpein sad siseiŋ yabi idug irupidai, “Efesus tamolpein alon! Tamolpein fidian dulon ak, aŋ tubud e Artemis dubol den san tempel, agod pat a gun ak keit log idu yan dam kagin apidinai da. <sup>36</sup> Agod talpein ta iŋ an ta ilon na yak ago ibol san tia ya. Ago yak niŋen o kute abol. Burau kagin ta mok agane na wa. <sup>37</sup> Aŋ tamol en kawan geig aŋal go apalu ya. Iŋ mel ta tempel ilon lo yak ta digam na ya. Agod idsad tubud Atemis niŋen o ru saian dam ta dubol na ya. <sup>38</sup> Ago yak niŋen o Demitrias iŋanen urat pinein dida talpein

enti ta ningen o ru amad da tap, gurman dumado da. Agod kot dam inanen saen fom pempem ilasa da. Kot lo gup in ka nug dupei ila iso wa. <sup>39</sup>Aria, an ru taida mi amam da tap, idsad tamolpein sad tumanek tubun ak lo aup, kubiaen san dal itaot ak fo mi muruan an akubune wa. <sup>40</sup>Man dugo, lein en agane itout a, tia dop Rom gabman ilon pe, id aban daon tupani dan, ru ago ipanad dop isusad a. Man dugo, dusumianad tap, id malan kisaek tutumani ak san fun uyan an tabol san tia ya.” <sup>41</sup>Ru an ibol itout go idinaig dufurak diau a.

### Pol Masedonia nag Gris na imul a

**20** <sup>1</sup>Murnag lein an fidian itout go Pol ilo rumok adi igiaig, tan suek ru irupidai gug ibisawai, Masedonia na yau. <sup>2</sup>In gigin an fidian lo yang, Tubun ak san ru wei mi lo tamolpein tan suek ipidinai dugo itor nag Gris na ilasa ya. <sup>3</sup>Atna kalam utol imado se ya. Agog iyawai Siria na yau o aban ikubune yak man, Juda dufuni imat o pala an dumari an ilon tag, imul go Masedonia na yau. <sup>4</sup>Tamol a Pol ida turen diabi dan sad yanadi igo ya: Beria tamol ta yan Sopater in Pirus nanun. Tesalonaika tamol uraru Aristakus in Sekundus da. Derbi na man Gaias sen kisaek. Agod Timoti, ago dugo Esia provins lo tamol uraru Tikikas in Trofimas da ago fidian mi diau a. <sup>5</sup>Tamol an fidian imug diaug, Troas na malama digane se ya. <sup>6</sup>Bret yis an tia yak san soubul itout gug man wog minaneg, Filipai mubusei a. Nal 5 itout gug Troas na luad masag, ubou kisaek atna mumado ya. <sup>7</sup>Man Sande<sup>1</sup> guraian Tubun en san anan mani wo mutumani a. Pol in salso salso yau ak ningen o tamolpein ru irupidai on go yang tidom luak. <sup>8</sup>Galun lak na geig ak lo mumado yan te man lam wei mi dusulanai idug galun ilon lo dided se ya. <sup>9</sup>Pinein ta yan Yutikas in ab san gigin fo imasi a. Ago dugo Pol saen milaen kasik inin se yan lo, pinein an malan iyof go itarsuni dugo imado nag, yen padal dugo tan na yau idu ya. Ago ibol ak dudug imat an diabisa ya. <sup>10</sup>Ak man Pol idug, tinin fo ibilani idug, yabig ibol, “Arer amoi. En nntun ta ibisei na ya.” <sup>11</sup>Agog Pol imul ab lo isidag bret yafuteg diani a. Pol nek ago mi inin dugo yang salso idu gug ibisawai a. <sup>12</sup>Pinein an kumaen imado dugo dinaneg insiganen ab lo diaug ilod tubun mi uyanan a.

### Pol Efesus ibisawai o dugo insan ru wadan irupidai a

<sup>13</sup>Man Pol mibiseig imug wog lo misidag miyawai Asos na mau. Man dugo, Pol in man da ru mufuni an lo, in nien nam yau dop Asos na gup minane wo ibol a. <sup>14</sup>Saen Asos na milasag mile man minaneg Mitilini na mau a. <sup>15</sup>Atnag fon miyawai dag salsog nui Kaios ate milasa ya. Agog nal kisaek itout go nui Semos na misasau a. Salso idug afon miyawai dag

<sup>1</sup> Nal an man ubou san nal malmalan.

Mailitas san loŋ na miladu ya. <sup>16</sup>Pol Esia Provins lo saen ibidani man imoi tag, Efesus miriŋani wo ilon yen a. Man dugo, idaisuda tap, iŋ ririan Jerusalem na Pentikos saen fo mok ilasa wo ilon agod yen a.

<sup>17</sup>Pol Mailitas na imado dugo Efesus na ru iganeg, midaeŋ san matu adi dupalup dutumani wo ibol a. <sup>18</sup>Dilasag dutumani gug irupidai, “Aŋ alon ak, saen malmalan ŋai Esia provins lo ŋilasag, ŋaisag madok saen fidian ŋai aŋ da tumado na yan ale alon. <sup>19</sup>Aŋ alon ak, ŋaiseŋ ibiag ŋadu dugo, Tubun en san urat malag turon ag da, muruan ag da urat an ŋigane se ya. Juda adi dam dutumanig ŋai malag dusue wo diŋiŋeŋ se ya, an lo muruan iŋ madai da dupanag an dam ŋisini se ya. An dam alon uyanan a. <sup>20</sup>Agod alon ak, ŋai mel ta idunaŋ san ak ŋabol ilasa san niŋen o ta ŋusuksuk na ya. Tia, ŋai malak malak lo, agod aŋsiganem ab lo ru ŋufulale dugo ŋipiteŋanaŋ se ya. <sup>21</sup>Juda igom Juda tia yan ru dabai anda ŋurupidai se ya. Ilod dibilisap, naod Anut dupanip, idsad Tubun en Jesus niŋen o ilod rumok o ŋabol dugo dulon a.

<sup>22</sup>“Aria, Urgun ŋai isubanag go Jerusalem na ŋau o ibol a. Gug ante ata ŋai o ilasa wan ta ŋalon na ya. <sup>23</sup>Mel kisaek en ŋalon la ya, taun fidian ate ŋilasa dan te Urgun irupaiaŋ ak Jerusalem na madai agod muruan wei mi malag igane da. <sup>24</sup>ŋaisag ilo sou lo ŋaisiganeg madok an mel tubun tia ya, agod ŋaiseŋ tinig o kankan ta ŋigane na da. Tia, ŋai Jesus Tubun en urat ipanag an ŋigane itout o yaes ifunag da. Urat an man, ŋai Anut san ilo panek tubun mi tamolpein fidian niŋedi wo yen dan ŋufulale san ama ya.

<sup>25</sup>“ŋai aŋ fidian lulunam lo ŋator dugo Anut san kagin panek san ru ŋufulale na ya. Gug ŋai ŋalon ak, mitep aŋ fon ŋai naog ta ale na wa. <sup>26</sup>Ago yak niŋen o ŋai gamu ŋurupaiaŋ da. Aŋ en ta adeg au tap an ŋaisag ai wadan tia ya. <sup>27</sup>Man dugo, Anut san ilon fidian ŋai irupaiaŋ go ŋalon an fidian ŋurupaiaŋ o an niŋen o ta ŋusuksuk na ya. <sup>28</sup>Sem kagin ipanaŋ dop Urgun sipsip malan tubun banim lo igane yan dam kagin apidinai uyanan a. Sipsip an Anut iŋanen Nanun san dar lo iŋal a. Aŋ Tubun en san midaeŋ sad titianek adi ak niŋen o afutai o uyanan a. <sup>29</sup>ŋai ŋalon ak, saen ŋai ŋubusawaŋ dop tamolpein goun kasik igo won ak dupalup, sipsip an ilod ta isou na wa. <sup>30</sup>Agod aŋ lulunam lo tamol aenkadi dilasap siganed ru sewak lo ru rumok an dukubuli dop senamo geig ilasa wa, an lo dop ilo rumok adi dirawai dop ŋied abad diri wa. <sup>31</sup>Ago yak niŋen o kagin agane dop ilom isou. Anaŋar utol malag turon anda tidom ad aŋ kagin agane san ru kagin ŋurupaiaŋ na ya.

<sup>32</sup>“Gamu Anut banin lo ŋidiraŋ da. Agod iŋsan ilo muŋanek san ru alon an ibunawaŋ pe, aŋanem ilo rumok dabai ipani wa. Ru an dam iganep aŋ tamolpein a Anut idiraig gun dilasa yan dida Anut san wasar an sisem mi aŋane san idaisuda geig a. <sup>33</sup>ŋai talpein ta san silva boi, tia gol boi, tia tinin san biouŋ boi, banin na ŋiŋane wo malag ta isi na ya. <sup>34</sup>Aŋ fidian

alonj ak, naiseg banig en nam urat njigane dugo, mel lo naji turag dida katuk amama yak sema ibunawama se ya. <sup>35</sup>Mel fidian naji njigane se yan lo njukubiai pananj, ago mi anj urat wagai agane dop lo talpein ta inj dabai ad tia yak abinawai a. Jesus, idsad Tubun en, ru ibol ak ilom isou. ‘Talpein mel pani dan san ilo uyan man onse mel njane dak san ilo uyan irinani a.’ ”

<sup>36</sup>Saen Pol ru ibol itout man, turun isaluwig fidian dida dugudani a. <sup>37</sup>Tamolpein fidian ditatag, tinin diamisi dugo musuk dupani se ya. <sup>38</sup>Inj afon naon dile san tia ibol ak ninjen o ru an ilo sou man diganeg, ilod tubun mi saian. Agog fidian dinjaneg, wog lo diaug, iyawai yau a.

### Pol Jerusalem na yau a

**21** <sup>1</sup>Manj Efesus tamolpein banid mabig, mubusawaig, itaot miyawaig, nui Kos na ate mau. Ate maen mumasa gug, nui Rodes na madu ya. Atna gug Patara na mau a. <sup>2</sup>Patara na wog ta Fonisia na yau o igane dugo mile tag fo misidag miyawaig mau a. <sup>3-4</sup>Maug malama yang Saipras mile dugug wog naon njas lo dibilisag, Siria na mau a. Agog Taia sad lonj na misasau a. Atna wog biouj kadi ipasi wo tag ilo rumok adi abanjad mabig aenkadi meil go dida ubou kisaek mumado se ya. Urgun ilo rumok adi Pol Jerusalem na muruan ile wo ikibiai pidinai ak ninjen o Pol Jerusalem na ta yau na wo durupe i a. <sup>5</sup>Gug mau san saen idu ya. Agog inj fidian injaned pein nanuk dida dipiliamag Taia mubiseig lonj na madug, manj fidian lul fo turuma misaluwig mugudani. <sup>6</sup>Agog manj banid mabig wog lo misida dugo inj fon dumul siganed ab lo diau a.

<sup>7</sup>Manj fon miyawaig Taia mubiseig maug, Tolemes na madu ya. Atna ilo rumok adi aenkadi meil go banid mabig, dida nal kisaek mumado ya. <sup>8</sup>Salsog Tolemes mibiseig, Sisaria na mau a. Atna Anut san ru bilabal tamol ta yanan Filip dubol dak san ab lo maug ida mumado ya. Tamol 7 a Jerusalem na dipilianai an Filip dam lulujad lo imado ya. <sup>9</sup>Inj nanun pein iwoiwo iwod tia dumado dan profet ru dubol ilasa da. <sup>10</sup>Manj nal aenta atna mumado dugo, Judea na profet ta Agabus dubol dan ipalu ya. <sup>11</sup>Inj manjsama na ipalug, Pol san let injaneg sen njen banin isubanig ibol, “Urgun igo ibol, ‘Let en muroun mitep Jerusalem na Juda adi nek igo dusubanip, tamolpein Juda tia yan banid lo digane wa.’ ”

<sup>12</sup>Manj ru an malonj go ilo rumok adi ate dumado dan dida Pol Jerusalem na ta yau na wan ilon minjane wo maeg migane ya. <sup>13</sup>Gug Pol awama yabig ibol, “Anj ata wo anjsam tina nj en lo naji ilo muruan apanag dak i? Njai dibiag pe dusubanag ak ninjen o ta njarer na da. An mi tia ya. Njai Tubun en Jesus yanan lo ka dufunag njamat a.”

<sup>14</sup>Manj ilon minjane sisi tia tag mabol, “Gidad, Tubun en ilon ibol dak ago mi igane.”

<sup>15</sup>Atna kitek mumado gug abanj mukubuneg Jerusalem na mau a. <sup>16</sup>Sisaria na ilo rumok adi aenkadi dam dida maug, tamol ida mumado

wak san ab lo dijiliama ya. Tamol an yanan Nason. Inj Saipras tamol, agod Kris tamolpein imug mi ilod lo rumok ak lulunad lo inj tamol kisaek ta.

### **Pol Jems ile wo yau a**

<sup>17</sup>Saen man Jerusalem na milasa man ilo rumok adi ilo uyan lo dijiliama ya. <sup>18</sup>Agog maen go tidomi Pol da Jems mile wo mau a. Jerusalem midaen san matu fidian saen an malama digane se ya. <sup>19</sup>Agog Pol ilo uyan ru irupidai, ago gug Anut inj lo tamolpein Juda tia yan lulunad lo urat igane na yan ibol dugo dulong se ya.

<sup>20</sup>Matu adi ru an dulong go Anut yanan diabisa ya. Ago gug Pol durupe, “Onj ulonj ak, Juda wei kasik ilod lo rumok a. Agod inj fidian Moses san kubiaen bubed ntudi fidian lo duri dupani da. <sup>21</sup>Gug talpein ta ru en onj niye wo durupidai dugo dulong a. Onj Juda tamolpein gigin aenkadi lo dumado dan Moses san kubiaen dumoi o pitejanai da. Ago dugo ijaned nanuk tamol ak dam tinid sunulon dutute dumoi o ubol da, agod Juda sad tamol kagin dam ta digane na wo ubol da. <sup>22</sup>Ak nigen o dugo tigane wak i? Onj palu yan san ru ifufurak yau dan lo milae tiap ru an dulong mok a. <sup>23</sup>Manjsama ru en ulonj pe uri. Tamol iwoiwo gamu etna dumado dan, promis ta ru dabai anda yak lo Anut dupani an paen na dumado da. <sup>24</sup>Inj promis an digane itout san saen gamu ya. Ago yak nigen o dida aup, promis digane itout dan san midaen lo aladup, malak malak lo dida gun alasa wa. Ago dop insad promis itout san naon sapta dubol dop udad pidinai a. Ago dop inj ka gurnad didawi yau a.”<sup>m</sup> An lo dop tamolpein onsa ru fidian dulong na yan rumok tia yak dubol a. Man dugo, onse dam onj Moses san kubiaen kagin pani da. <sup>25</sup>Gug ilo rumok tamolpein adi inj a Juda tia an, man ru kagin igo migireg murupidai a. Inj anan a tamolpein tubud sewak adi dupidinai dan ta diani na wa. Dar dam geg. Agod mel burod dususe yak sad dar ta ilasa na yan dam ta diani na wa. Agod jeit kagin dam ta digane na wo mabol a.”

<sup>26</sup>Ago tag dien dumasag Pol tamol an inal go Anut malan lo sed idiraig gun dilasa ya. Murnag Pol tempel lo iladug, insad midaen an itout san nal kob ipani wo pris ta irupe a. Nal 7 itout gup, inj anen anen Anut yai digane pani o dam irupe a.

### **Juda adi Pol dusubani a**

<sup>27</sup>Nal 7 an itout o sumeik dugo Juda aenkadi Esia provins lo yan Pol tempel lo dile ya. Agog tamolpein fidian ated dusueg Pol diabig, <sup>28</sup>awad tubun mi disasai dugo dubol, “Isrel tamol! Abunawama! Tamol nek en aben fidian lo itor dugo tamolpein Juda adi dil saiadi wo ipitejanai se ya.

<sup>m</sup> Gurma dawek man promis itout amaiak san kob a.

Ago dugo Moses san kubiaen nujon tia yak ago ibol dugo, tempel dam ta gun na yak ibol se ya. Agod gamu en tamol Juda tia yak injal go tempel lo diladug, aben gun en nun dupani a.” <sup>29</sup>Man dugo, Efasas tamol Trofimas inj Pol da Jerusalem ilon lo dutor dugo dil an nijen o ilod lo Pol tamol an injaneg ida tempel lo diladu yak, ago ilo sou digane se ya.

<sup>30</sup>Agog unjaon tubun kasik Jerusalem ilon lo ilasag tamolpein dumaspalug, Pol tempel san tumanek aben lo imado dugo diraeg, patun fo dilasa ibol ak tempel san dalawan dufutanai a. <sup>31</sup>Doup tubun an Pol dufuni imat o digane dugo, Rom san yu tamol adi sad gurman tubun an ru injane, “Jerusalem ilon lo tamolpein fidian silei digane da.” <sup>32</sup>Gamu nam gurman tubun an yu gurman inj paen na yan injal, yu tamol aenta dam injal go doup tubun an sad na dumaspalug diau. Saen tamolpein Rom san yu gurman tubun an yu tamol adi dida dupalu dugo dil tag Pol dufuni an dumoig dibisei a. <sup>33</sup>Yu tamol sad gurman tubun an Pol san na yang yabig ibol dugo sein uraru nam dusbani a. Agog tamolpein isumianai, “En so tamol ta i? Agod inj dugo igane ak i?” <sup>34</sup>Ago dugo tamolpein ru naon gidigidad dubol dugo unjaon tubun kasik yen. An lo yu tamol sad tubun an ru fun ta ilon na ya. Ago tag Pol dijanep yu tamol sad njon ab sakar ak lo digane wo ibol. <sup>35-36</sup>Agog yu tamol adi Pol dijane diaug, tet fun te gug diabisag, lak na disini a. Man dugo, tamolpein malan tubun Pol adi njed fo dupalu dan dufuni imat o dutur. Ago dugo disasaig dubol, “Afuni imat!”

### Pol doup malad lo sen ipirani a

<sup>37</sup>Pol ab an lo dijane diladu wo digane dugo, yu tamol sad gurman irupei, “Dugo, naj ka on ru ta jurupaio wak i?”

Agog yu tamol sad gurman Pol irupei, “On Grik ru ulon ak i? <sup>38</sup>Njai nabol on Igipta tamol ta imug doup tubun injal go gabman ida ager dumado wo igane amaiak nabol a. Agog tamol foa tausen banid yu dumui anda injal go tan kawan ak lo diau a.”

<sup>39</sup>Ago dugo Pol awan yabig ibol, “Njai man Juda tamol, Silisia na taun yanan Tarsus dubol dak lo njilasa ya. Njai taun yanan anda yak san tamol. Ak dugo, naj tamolpein ru ka jurupidai ak i?”

<sup>40</sup>Yu gurman an uyan ak ibol tag Pol tet fo imasa itur go tamolpein awad itau wo banin nam toutou igane ya. Aban fidian yang malin idu dugo Pol Hibru lo tamolpein ru irupidai.

**22** <sup>1</sup>“Njaisag teig muroug, tamag muroug, kududom agurep, njaisag ru itargiranag san naom na njinenj dop alonj.”

<sup>2</sup>Saen Pol Hibru lo ru irupidai dugo dulong man, aban fidian kute ibol a. Agog Pol ibol, <sup>3</sup>“Njai man Juda tamol, Silisia na taun yanan Tarsus dubol dak lo njilasa ya. Gug etna Jerusalem na tamol njigane ya. Gamaliel inj njaisag girek manau. Njai idsad tubud baged sad kubiaen njuri njupani san ru dabai geig

ηαλoη se ya. Anη Anut awan ari apani dak ago mi ηai dam awan ηuri ηupani da. <sup>4</sup>ηai ηabol dugo, tamol Jesus o ilod rumok an mala suek ηupidinai dugo, aenkadi duburoug subanek ab lo didirai a. Agod aenta dufu dumat na ya. <sup>5</sup>Pris malan te yak, iη kaunsil fidian dida ru rumok ηabol dan duloη a. Ak niηen o ka dubol dop aloη a. Iη ηai girek dupanag go idsad Juda tamolpein Damaskus na dumado dan sad na ηisini ηau. Girek an tamolpein ηuburoup sein nam dusubanaip, ηaηal pe, Jerusalem na mupalup muruan disini san ibol a.”

**Pol Kris ilasa yak niηen o ibol a**

*Apo 9:1-18; 26:9-18*

<sup>6</sup>“Gug nal ta ad titiηae Damaskus sumeik ηupani dugo, lilaman ta malan geig ak irakilawi. <sup>7</sup>Agog tan na ηau ηadug, awan ta iwagiη go ibol, ‘Sol, Sol! Ata wo ηai malag sue dak i?’

<sup>8</sup>“Agog ηai ηusumiaen, ‘Tubun en, oη enti?’ ”

“Agog awag yabig ibol, ‘ηai Jesus, Nasaret tamol amaiak malag sue da.’ <sup>9</sup>Tamol ηai dida mau an lilaman dile gug awak a ηai da miηiηen an awan ta duloη na ya.”

<sup>10</sup>“Agog ηusumiani, ‘Tubun en, dugo ηigane wak i?’ ”

“Agog Tubun en irupaiag, ‘Masap, Damaskus na wau gup, Tubun en san ilon oη lo dugo isou dan fidian durupaio uloη a.’ <sup>11</sup>Lilaman an malan kasik an lo ηai malag tidom tubun, agog aban ηile san tia ya. Ago tag turag muroug dida mau an banig te diabig dida Damaskus na mau a.”

<sup>12</sup>“Agog tamol ta yaηan Ananaias, iη pempem Anut san ubou ile da. Iη idsad kubiaen kagin ipani da. Juda tamolpein Damaskus na dumado dan iη Ananaias yaηan diabisa da. <sup>13</sup>Iη ηaisag na ipalug, siηireg na itur dugug ibol, ‘O teig Sol, mala ipuk pe aban ule.’ Ago ibol ak nek saen an lo mi malag ipuk go iη ηile ya. <sup>14</sup>Agog irupaiag, ‘Id tubud baged sad Anut oη iηsan ilon uloη o ipiliano ya. Ago dugo iηanen Tamol Itaotan an ule san, agod iηanen awan uloη o dam ipiliano ya. <sup>15</sup>Man dugo, melmel a ule uloη na yan, iη patun fo utur dop tamolpein fidian ta duloη na yan rupidai duloη a. <sup>16</sup>Ago yak niηen ata wo mala gane dak i? Masap, suguek ηanep, iηanen yaηan lo gudani dop, oηane aupasek ipasi yau a.’ ”

<sup>17</sup>“Agog ηai ηamul Jerusalem na ηaug, tempel lo ηugudani dugo, malag ηutun ηile ya. <sup>18</sup>Malag ηutun lo Tubun en ηaisag na iηiηen dugo ηile ya. Agog ibol, ‘Ririan Jerusalem bisei. Man dugo, tamolpein etna ηai niηeg o ubol ilasa dan uyan ta dupani na wa.’ ”

<sup>19</sup>“Ago tag ηai awan ηabig ηabol, ‘Tubun en, iη duloη ak, ηai ubou ab fidian ilon lo ηiladu ηilasa dugo, tamolpein oη o ilod rumok se yan ηibiaig ηafu idu na ya. <sup>20</sup>Agod saen Stiven pat nam dufuni imat man, ηai iη siηired na ηatur dugo uyan ηupidinai a, ago dugo a dufuni se yan sad kulos kagin ηupani se ya.’ <sup>21</sup>Gug Tubun en irupaiag, ‘Wau. ηai ηidinop, asau geig tamolpein a Juda tia yan sad na wau a.’ ”

### Pol Rom tamol ta

<sup>22</sup>Tamolpein fidian Pol san ru an dulonj yau nag, ru ta a tamolpein Juda tia yan nijedi wo ibol an dulonj go ilod imoi geig a. An lo afon awad tubun mi disasai dugo dubol, “Agane imat. Tamol naon ago man imado san ta idaisuda na ya.” <sup>23-24</sup>Tamolpein fidian disasaig, ijsad kulos dubal dugo gufgaf dam disinig lak na dubal isida se ya. Ago tag Rom san yu gurman an ibol dugo Pol dijaneg, yu tamol sad njonj ab ilon lo diladu ya. Yu gurman an ijsan yu tamol irupidaig, Pol rasau nam dufuni dop ata mel ninjen o doup disasai se yan fun ibol ilasa dop ilonj o ago igane ya. <sup>25</sup>Gug dirae didarig bu dupani wo digane dugo, Pol yu gurman ta sijiren na itur dan isumiani, “Dugo, kubiaenj dugo ibol dak i? Rom tamol ta kot lo sumianek gamugo pani dop ka funi wak i?”

<sup>26</sup>Yu gurman ru an ilonj tag Rom san yu gurman tubun an san na yang isumiani, “Onj dugo gane wo dak i? Tamol an inj Rom tamol.”

<sup>27</sup>Ago tag yu gurman tubun an Pol san na yang isumiani, “Rupaiaig njalonj. Onj Rom tamol ak i?”

Agog Pol ibol, “Awo.”

<sup>28</sup>Rom san yu gurman tubun an irupej, “Moni naon lak na yak nam Rom gabman njupani dugo ate Rom tamol igo njilasa ya.”

Agog Pol ibol, “Njai tinag tamag inj Rom tamolpein, ago yak ninjen o naji dam mi Rom tamol.”

<sup>29</sup>Ago ibol ak yu tamol a Pol bu dupani wo dutur an gamu nam dusuksuk diau a. Rom san yu gurman tubun an dam irer saian. Man dugo, Pol Rom tamol ak gug sumianek tia ka ibol dugo sein nam dusebani an ilo sou man igane ya.

### Pol Juda sad kaunsil malad lo itur a

<sup>30</sup>Yu gurman tubun an ata mel ninjen o Juda tamolpein Pol dufuni imat o disasai na yan fun abanj ile wo igane. Ago tag tidom lom mi ibol dugo pris gurman adi inj kaunsil dida dutumani a. Agog Pol banin na sein digane yan dupasig, dijaneg diaug naod na dugunig itur a.

**23** <sup>1</sup>Agog Pol Juda kaunsil yil dugo ibol, “Teig taog, njaisag madok ipalug gamu saen en, Anut malan lo malak malak ka njabol a, njaineg kankan mel saian ak ta njigane yak ninjen o ilog ta isue na dugo miai dam ta ifunag na da.” <sup>2</sup>Pris malan te yak, yajjan Ananaia, ru an ilonj go tamol a Pol sijiren na dutur an kudanjan dugufute wo irupidai a. <sup>3</sup>Ago dugo Pol ibol, “Anut dam onj ifuno wa. Ata wo? Onj nek ibol mutou pen milkouk ak nam bala dupani dugo ilon man saianan ak igo wonj. Onj ete masi dugo naji kubiaenj iri panim kot panag o igo gug onse dam kubiaenj pilalig, naji kudanjan dugufute wo ubol dak i?”

<sup>4</sup>Agog tamol Pol sijiren na dutur an durupej, “Onj Anut san pris malan te yak ru saian ak nam pei dak i?”

<sup>5</sup>Ago tag Pol ibol, “Teig taog, ηai iη pris malan te yan ta ηaloη na ya. Anut san ru girek lo yan ago ibol, ‘Onjane gurman adi niηedi wo ru saian ak ta ubol na wa.’ ”

<sup>6</sup>Pol tamol dutumani an aenkadi Farisi dugo aenkadi Sadyusi ilonη tag, awan tubun mi kaunsil irupidai, “Teig taog! Iηai Farisi, agod ηai tamag iη dam Farisi. Iηai gamu kot lo ηatur den san fun man, ηai tamol dumat ak kumaen dumasaga da wan niηen o ilog lo rumok go, mel an ilasa wak o mala nouk ηumado da.”

<sup>7</sup>Saen iη ru an ibol go dulonη an Farisi iη Sadyusi dida nug diabi se ya. Agog iη nug ditarpaleg malan uraru dilasa ya. <sup>8</sup>Man dugo, Sadyusi iη dubol, tamol dumat ak kumaen dumasaga san tia ya. Agod id fidian ηutud tia yak dubol da. Agod eηel dam ta dumado dak dubol da. Gug Farisi adi man iη mel utol an rumok ak dubol da. <sup>9</sup>Agog nug tubun mi dububuηani dugo kubiaeη san girek maηau aenkadi Farisi patud fo dutur dan dumasaga, ru dabai anda dubol, “Id tamol en mel igane saian ak ta fun tile san tia ya. Nag ur uyan ak boi, tia eηel ta boi, awan lo ilonη go ago iηiηeη da!”

<sup>10</sup>Iηiηeη yang dabai dugo Rom san gurman tubun an ago ileg ilon idu ya. Kabelan Pol daonη dupani banau. Ago tag iηsan yu tamol idinaig, doup lulunad lo dudug, afon Pol diηane diaug iηsad ηionη ab lo digane iladu ya.

<sup>11</sup>Tidom an lo Tubun en Pol giraηen na itur dugo irupeī, “Dabai ηane! Onη Jerusalem na ηai niηeη o ubol ago mi Rom na dam nek ago mi ubol a.”

### **Pol dufuni imat o palaη an dumari a**

<sup>12</sup>Salso idug Juda aenta dutumanig Pol dufuni imat o awad dutumani a. Agog Anut malan lo ru lak na geig ak lo sed isubanai a. Iη ananη you da lo sed geg ipidinai dumado dop, saen Pol dufuni imat mok gup, ananη diani wa. An lo subanek ru an paen na sed idirai a. <sup>13</sup>Tamol kitek 40 iriηani ago kulob an digane ya. <sup>14</sup>Agog pris gurman adi iη matu dida sad na diaug durupidai, “Maηsema ananη you da lo geg ipanama dugo Anut yaηan mupateg lo maηanema ru dabai mupani a. Maη Pol mufuni imat mok gup ananη mani dop you maluk a. <sup>15</sup>Ago yak niηen o aη kaunsil dida ru aganep Rom san gurman tubun an san na yau. Aη imug irawip, Pol igane ipalu dop aη kitek taidam asumianip ru ibol an san fun alonη o uyan ak ago arupeī. Gug maη man dal te tawaη mumado wa. Pol ente ta ilasa na dop dal na mufuni imat a.”

<sup>16</sup>Ak man Pol nigainab iηsad ru an ilonη tag yang, yu tamol sad ηionη ab an ilon lo iladug, Pol ηiηeη an irupeī ilonη. <sup>17</sup>Ago tag Pol iηsad yu gurman ta iwagig irupeī, “Pinein en ηanep ida anηsam tubun en san na au. Iη ru aman da yak ibol ilonη o da.”

<sup>18</sup>Ago tag yu tamol sad gurman pinein an iηaneg iηsad tubun en san na diaug ibol, “Subanek tamol Pol amaiak igiag go pinein en onηsa na ηiηane ηupalu ya. Man dugo, iη ru aman da yak ibol ulonη o da.”

<sup>19</sup>Ago tag yu tamol sad gurman tubun en pinein an iñaneg gigin na diaug isumiani, “On so ru ta ama da i?”

<sup>20</sup>Agog pinein an ibol, “Juda gurman adi dutumanig awad kisaek go dubol. Gabulop diraek pe kaunsil adi Pol dusumianip ru fun dulon uyan o dupalup dusumiano wa. <sup>21</sup>Gup awad wabi umoi. Man dugo, tamol 40 dimianuk ak dumado da. In geg dabai ak lo dumado da. Sad geg san fun man igo ya, Pol dufuni imat mok gup in anaj diani dop you duluk a. In fidian abanj dukubune yak tawanj dumado da. On mi dugo ubol ak o mala digane da.”

<sup>22</sup>Agog yu gurman tubun en pinein an irupei, “Waup, ru naj naog na ubol an gidigheid ta mok ubol na wa.” Agog pinein an idinig yau.

### Pol dupasig Sisaria na yu tamol dida diau a

<sup>23</sup>Agog yu tamol sad gurman tubun en yu gurman uraru in paen na yan igiaig dupalug irupidai, “Yu tamol 200 sabiri ad da yak ayal pe, 70 taidam hos san, agod 200 yu amad da yak dam ayal pe, 9 kilok tidom Sisaria na Pol da au. <sup>24</sup>Pol nijen o hos taida akubuniaip, ayal pe, provins san gurman Filiks san na au. Pol kagin apani uyanan dop anane au a.”

<sup>25</sup>Agog yu gurman sad tubun en Filiks san na girek igo igire,

<sup>26</sup>“O tamol tubun, Filiks. Adian. Naj Klodias Lisias onsa na girek en nigire da. <sup>27</sup>Juda adi tamol en diabig dufuni imat o digane se ya. Ak man saen naj in Rom tamol ago nile nalon tag, naisag yu tamol dida maug patu pasek mupani a. <sup>28</sup>Naj ata mel nijen o in ru dupani se yan fun mok nalon o ilog ibol tag, njaneg. Juda sad kaunsil sad na mau. <sup>29</sup>Ago gug ru fun nile yak man, in mel ta igane saian pe nijen o dufuni imat san nile man tia ya. Mel ta nijen o subanek lo migane san dam ta nile na ya. Mel nijen o ru dupani se man insiganed kubiaen nijen o mi ru dupani se ya. <sup>30</sup>Agog saen Juda aenkadi dufuni imat o palan an dumari dan san ru njane tag, onsa na nidinig ipalu da. Tamol a in kot an digane dan, dupalup on nao na gup, kot digane wo nabol nurupidai a.”

<sup>31</sup>Yu tamol inaned tubun en ibol ago mi digane ya. Tidom nek an lo mi Pol dijaneg diaug, Antipatris na dilasa ya. <sup>32</sup>Tidom lom mi yu tamol njed nam mi an dumul abed na dupalu dugo, yu tamol adi hos fo yan Pol dijaneg diau a. <sup>33</sup>Pol dijaneg Sisaria na dilasag, Rom san gurman tubun an girek dupani dugo, Pol dam banin lo digane ya. <sup>34</sup>Gurman tubun en girek an isutig, Pol so distrik ta lo ipalu amaiak ilon o isumiani a. Agog Pol Silisia distrik lo ipalu yan ilon tag ibol, <sup>35</sup>“Saen tamol on kot a digane yan dupalup dilasa dop, onsa kot nalon a.” Agog Pol gabman Herod san ab san galun lo bitinaek diganed amaiak lo imado dop tawan an dumado wo Filiks ibol a.

### Filiks Pol san kot ilon a

**24** <sup>1</sup>Murnag nal 5 itout go pris malan te yanjan Ananaia, in matu aenkadi dida, agod tamol ta Tertulus dubol dak ida Sisaria na

diaug, Filiks naon na Pol kot an digane ya. Tertulus in ninen san kaman tamol, ago yan lo Juda awad inane kot lo ininen o dipiliani a. <sup>2</sup>Agog Filiks Pol iwagig ipalu gug, Tertulus fun iganeg Pol ninen ipanig ibol,

“O Filiks, tamol tubun en! Onsa kankan milaen an lo saen milaen mok man maror lo mi mumado da. Agod kagin foudi a panan an lo gamu mansama tan lo melmel wei mi kubuneg dilasa uyanan a. <sup>3</sup>Man aben fidian lo mel an ninen o mamat da. Agod nige wo iloma tubun kasik uyan dugo onane binawek minane dan dam ninen o iloma uyanan da.

<sup>4</sup>Ŋai onane saen ta nibidani na wa. Ago yak ninen o nsumiano da, gidad, ilo panamap tamol en sad awad njane la ya, ago yak ninen o sad ru katukan en nabol dop ulon. <sup>5</sup>Man tamol en mile yak in fun saian. Juda tamolpein aben fidian dumado dan silei digane wo ated isue da. Agod in biatitek ta yanad Nasarin dubol dan insad gurman ta. <sup>6</sup>In dam tempel lo iladug Anut malan lo nun ipani wo igane dugo ante mabi a. Agog mansiganema kubiaen iri panim muruan en mukubune wo migane se ya. <sup>7</sup>Ak man yu tamol sad gurman tubun ak Lisias dubol dan ipalug silei nam banima na inane ya. <sup>8</sup>Agog Lisias irupaiaa, tamol en on nao na kot an migane wo ibol. Onse tamol en sumiani gup, mel fidian ninen o mabol dan ulon a.”

<sup>9</sup>Agog Juda fidian awad dutumanig, Tertulus san ru dabai dupani se ya.

#### **Pol Filiks naon na sen ipirani a.**

<sup>10</sup>Agog Rom gurman Pol ininen o tuad ipani tag Pol ru fun iganeg ibol,

“Ŋai nalon ak, on saen milaen mok tamolpein en sad ru tulek mado yak ninen o nai on nao na natur dop seg ipiranag o ilog uyan da. <sup>11</sup>Isop on sumianai gup ka ulon a, nal 12 gamugo yau dugo, nai Jerusalem na Anut yai njane pani wo nisida nau a. <sup>12</sup>Juda adi nai tempel lo tamolpein dida nug aen matog dugo ta diliag na ya. Insad ubou ab fidian lo, agod Jerusalem na dam tamolpein ated nusueg unon ilasa wo ago njane ta dubol na wa. <sup>13</sup>Agod gamu ru e on nao na nai dupanag den dabai dupani san in dal ad tia ya. <sup>14</sup>Gug mel en ninen o nai malak malak nabol ilasa san an ninen o miai ta ifunag na da. Naisiganeg ubou leil Anut nupani duman, ilo rumok san dal e ‘Dal En’ dubol demaiak iri panim, tubum bagema sad Anut ubou an mi nile da. Juda adi ilo rumok san ‘Dal En’ in biatitek dubol da. Gug naisag ilo sou lo man an biatitek tia ya. Nai ru kagin fidian Moses san kubiaen lo, agod ru fidian profet adi digire yan dam fidian ninen o ilog rumok da. <sup>15</sup>Ŋai Anut ninen o mala nouk nmado dak ago mi Juda adi e dutur den insad mala nouk dam naon kisaek mi a. Mala nouk nek en lo, mitep nal ta ilasa dop lo tamolpein itaot ak, agod a ta itaot na yan dam fidian mater lo dumasa da wa. <sup>16</sup>Ago yan lo nai pempem igo maeg njane da, mel ta Anut in tamol dida njane pidinai an ninen o naisag kankan muruan ta ipanag na da.

<sup>17</sup>“Ŋai wagam mi Jerusalem ŋubiseig ŋator se ya. Anaŋar kitek wei mi ibisawag gug, afon ŋamul o dugo, moni a Juda tia yan dutumanig dupanag go ŋisinig ŋupalu ya. Moni an lo Juda adi mel ta lo katukadi dop lo ŋibinawai san an ŋisinig Jerusalem na ŋupalu ya. <sup>18</sup>Saen an lo, ŋai midaeŋ lo ikok ŋilasa la gug tempel lo ŋator dugo diliag a. Ago dugo ŋai atna doup ta dida mumado man tia, agod leiŋ dam tia ya. <sup>19</sup>Gug Juda aenkadi Esia provins lo yan saen an dumado dugo ŋai niŋeg o ilod saian a. Ak niŋen o ŋaisag muruan ta dile tap iŋsed dupalup oŋ nao na kot digane wa. <sup>20</sup>Tia tap, tamol amaiak sumianai dop, saen ŋai Juda kaunsil naod na ŋatur dugo ŋaisag muruan dile tap, dubol dop uloŋ. <sup>21</sup>Nek mel kisaek en mi kaunsil naod na ŋatur dugo ŋabol, ‘Ŋai gamu kot lo ŋatur den san fun man, ŋai tamol dumat ak kumaen dumasa da wan niŋen o ilog lo rumok a.’ Ŋaisag muruan tag nek an mi a.”

<sup>22</sup>Ago ibol ak, Filiks iŋ Kris sad ilo rumok san dal an ilon ak niŋen o kot an ituteg, irupidai, “Yu tamol sad gurman tubun Lisias ipalu gup, aŋsam kot en san nuŋon ŋabol aloŋ a.”

<sup>23</sup>Agog Filiks yu gurman irupeig tamol dititianig dumado dan diŋane diaup, aben nam digane wo ibol. Subanek kadi diginia i dak ago ta digane na ya. Iŋ turan muroun man ka dupalup dile dop mel niŋen o katukan dop lo ka dubinawi wak ago ibol irupidai a.

### **Pol Filiks iwon Drusila da naod na iŋiŋeŋ a**

<sup>24</sup>Nal milaen tiag Filiks iwon Drusila da dupalu ya. Iŋ Juda pein. Agog ru igane dugo Pol diŋane dupalug ilo rumok Jesus lo yan niŋen o iŋiŋeŋ se ya. <sup>25</sup>Pol iŋ Filiks agod Drusila ago ŋiŋeŋ en igo diŋiŋeŋ se ya, kagin itaot, tinid ditirni san kagin, agod Anut san bitinaek murna ipalu wan, fidian niŋen o dukubiai ila iso se ya. Pol mel an niŋen o iŋiŋeŋ dugo, Filiks irer tag Pol irupe i, “Ŋiŋeŋ gamu san nek gane ya. Ka wau a. Ŋai saen kawan ak ta da dop ŋigio da wa.” <sup>26</sup>Saen an lo Filiks iŋsan ilo sou lo Pol iŋ moni ta ipani wak ibol. Ago yan lo pempem iwagi dop ida diŋiŋeŋ se ya.

<sup>27</sup>Anaŋar uraru itout gug Pokias Festus, Filiks aben iŋane ya. Filiks Juda tamolpein ilod uyan san niŋen o Pol ipasi an imoig, subanek lo mi imado se ya.

### **Pol Festus naon na itur a**

**25** <sup>1</sup>Festus Filiks aben iŋaneg nal utol yau, agog Sisaria ibiseig Jerusalem na yau. <sup>2-3</sup>Atna pris gurman adi, iŋ gurman aenkadi dida Festus nao na Pol kot an digane. Iŋ Festus ilon diŋane, agop iŋaned ilod ibol dak ago iŋanep Pol Sisaria ibiseip Jerusalem na yau o dubol. Man dugo, iŋ gubak tam palaŋ an dumari la ya. Dal na dop dufuni imat o dubol. <sup>4</sup>Agog Festus awad yabig ibol, “Pol iŋ Sisaria na subanek lo

imado da. Agod naj dam nek atna naj o sumeik da. <sup>5</sup>Ago yak ninen o ananem gurman naj dida maup, tamol an mel ta igane saian tap, dubol dop najonj.”

<sup>6</sup>Festus nal 8 boi tia 10 boi, atna imado gug imul Sisaria na yau a. Yen imasag tidomi kot dulong dak aben lo imasi gug, Pol dinjane dupalu wo ibol. <sup>7</sup>Saen Pol ipalu yan Juda Jerusalem nag dupalu yan dutur dulubanig muruan tubun kasik igane ago dubol. Gug insad ru an dabai dupani san dal tia ya.

<sup>8</sup>Ago dugo Pol sen ipiranig ibol, “Nai Juda sad kubiaenj, tempel san kubiaenj ta npilali man tia ya. Kaisa dam lo njigane saian man tia ya.”

<sup>9</sup>Festus inj Juda adi binawek kitek ipidinao o imat an lo Pol isumianig ibol, “On Jerusalem na waup, ru dubol na yan iri panim onsa kot najonj o umat di?”

<sup>10</sup>Ago dugo Pol ibol, “Nai Kaisa san kot lo njatur da. Ete mi naisag kot ulonj a. Nai Juda dugo ta njiginiai saian man tia yan onse ulonj la ya. <sup>11</sup>An lo nai mel ta njigane saian agop njamat o kubiaenj ibol tap, nai njasol o dal ta abanj nabi na da. Ak man insad ru nai njeg o dubol dan, fidian sewak tap, talpein ta nai inj banid lo iginiag san tia ya. Nai Kaisa njuwagip naisag kot ilonj a.”

<sup>12</sup>Agog Festus injanen kaunsil adi dida dinjenj gug Pol ru naon irupeig ibol, “On Kaisa onsa kot ilonj o wagi ak ninen o insan na wau a.”

### **Festus Pol ninen o kinj Agripa naon na injenj a**

<sup>13</sup>Murnag Kinj Agripa inj Bernaisi da Sisaria na Festus duyunani wo dupalu ya. <sup>14</sup>Atna kitek dumado yak ninen o Festus Pol ninen o Kinj Agripa naon na ibol, “Filiks tamol ta etna subanek lo igane yak imado da. <sup>15</sup>Agog saen nai Jerusalem na najug, Juda sad pris gurman adi, agod gurman aenta dida dupalug, nai tamol an igane saian ak san fun njabol pe nabi idu kisaek onj o dusumianag a. <sup>16</sup>Gug nai ru naon igo njurupidai. Manj Rom sama kagin man, subanek tamol ta inj tamol a kot lo diabi an da nug naon dupanip ta dinjenj na dan daonj mupani san an manjam kagin tia ya. Manj saen mupani dop, insan muruan an ninen o ru dupani dan ilonj pe, sen ipirani na gup, dal dugo kot iri dan ate mi mupani wa. <sup>17</sup>Amaiak ninen o saen etna dupalu man, nai saen ta njibidani na ya. Maen mumasag kot dulong dak aben lo njumasig, tamol an dinjane dupalu wo njurupidai a. <sup>18</sup>Tamol a inj kot an digane yan dumasa dutur ak man, nai muruan tubun geig ak ninen kot an digane wak njabol gug ago ta digane na ya. <sup>19</sup>Insiganed ubou ninen o, agod tamol ta yanan Jesus dubol dak mi ninen o nug diabi se ya. Tamol an imat gug Pol man inj imasag kumaen imado dak ago ibol da. <sup>20</sup>Nai muruan naok ago yak njukubune san dal ta njile man tia tag, Pol Jerusalem na dinjane diaup ru dubol an fom kot dupani wo ago njusumiani a. <sup>21</sup>Ak man Pol Kaisa insen san kot

ilon o subanek lo mi imado yau o ago isumianag a. Ago tag ditiiani dumado yau nap hai dal ta hile gup hidinip Kaisa san na yau ak habol a.”

<sup>22</sup>Agog Agripa Festus irupei, “Haiseq mok tamol an ihijen dop halon o ilog ibol da.”

Agog Festus awan yabig ibol, “Gabulo gup awan ulon a.”

### **Pol kin Agripa naon na itur a**

<sup>23</sup>Dien dumasag Agripa ih Bernaisi da yousai lo muguron mi dupalug, yu gurman, ih taun san tamol tutubun an dida tumanek ab lo diladu ya. Agog Festus tamol idinaig Pol hidaneg diladu ya. <sup>24</sup>Agog Festus imasag ibol, “Kin Agripa, agod ah fidian gamu etna amado dan, tamol en ale, Juda tamolpein etna dumado dan, agod Jerusalem na yan tamol en nihen o hai naog na kot digane ya. Ih disasaig dubol, ‘Tamol en fon ta imado na wa.’ <sup>25</sup>Gug ih mel ta igane saian pe nihen o imat san hile man tia ya. Agod insen dam Kaisa insan kot ilon o ibol ak nihen o hai higanep yau o habol a. <sup>26</sup>Ak man hai ru ta insan muruan nihen o itaot higurep Kaisa hupani san tia ya. Ago yak nihen o hai on Bernaisi da naom na higanep ipalu ya. On kin Agripa nao na itur dop on hai da sisem tusalemianip, insen nihen o ihijen dop talon a. An lo insan muruan dugo yan tile talon gup, hai an higurep Kaisa san na higanep yau a. <sup>27</sup>Man dugo, hai ata wo kawan geig subanek tamol ta mel igane saian an fun ta hufulale uyan na gup hidinip yau ak i? Hai an hukubiani dak man uyan tia ya.”

### **Pol Agripa naon na sen ipiranig ru ibol a**

*Apo 9:1-18; 22:3-16*

**26** <sup>1</sup>Agog Agripa Pol irupei, “Gamu onse hipe wo ru ka ubol a.” Ago tag Pol banin yabisag, ru en ibol, <sup>2</sup>“O Kin Agripa, hai ilog tubun mi uyan da. Man dugo, hai gamu on nao na ru fidian Juda hai hipeq o dubol na yan nihen seg ipiranag a. <sup>3</sup>On dam Juda adi sad kagin, agod sad ae tutog dam fidian ulon hingaokan a. Ago yak nihen o kagin panag dop, haisag ru ulon.

<sup>4</sup>“Juda fidian hai pineinag lo humado hator na yan dulon. Fun lo Isrel ilon lo, agod Jerusalem na humado hator na yan, saen milaen hai fug dulon uyanan a. <sup>5</sup>Saen milaen mok ih dulon uyanan ak, mahsama midaen Farisi dubol dan san geggeg wei kasik an ilon lo humado dugo sad kagin fidian an hiri na ya. Tag an dubol ilasa wo dumoi boi. <sup>6</sup>Agog gamu etna sumianek lo hatur dan fun man, hai Anut mahsama tubum bagema promis ipidina amaiak ilog lo rumok go san hunon hile wo mala nouk humado dak hihen o ete hatur da. <sup>7</sup>Isrel san gugoi 12 an promis nek amaiak hunon ilasap dile wo tidom ad Anut o ubou dile da. O tamol tubun en, hai promis an san hunon hile wo mala nouk humado dak, Juda adi dam nek ago mi digane da, ak gug kagin nek amaiak hihen o hai

ɲigane saian dak ago dubol da! <sup>8</sup> Aɲ fidian, ata wo Anut tamol materɲ lo ifufunaip kumaen dumasa da wan, ida ta isuda na yak ago ilom isou dak i?

<sup>9</sup> “Ŋaiseɲ dam ilog lo dal fidian lo ɲiganep Jesus Nasaret tamol an yaɲan ɲabi idu wak ɲabol a. <sup>10</sup> Ŋai Jerusalem na ago ɲigane se ya. Ŋai pris gurman adi awok dupanag go Tubun en san tamolpein wei kasik subanek ab lo ɲidirai se ya. Dufu dumat o dubol dop, ɲai dam awok ɲupidinai se ya. <sup>11</sup> Nal wei kasik ubou ab fidian lo ɲabol dop bu dupidinai se ya. Ago dugo ɲai iɲ Jesus yaɲan malan dusue wo maeg ɲigane dugo ɲududuwei se ya. An mi tia, tiɲaeg tubun kasik wananan anda, ɲibiaip daonɲ ɲupidinai wo abaɲad ɲile se ya, Isrel ilon lo agod taun gol ak lo dam mi a.

<sup>12</sup> “Ŋai nek urat an niɲen o Damaskus na pris gurman adi awok dupanag go ɲau a. <sup>13</sup> O tamol tubun en, dal na ad titiɲaem itur dugo ɲai lilaman ta tubun geig ad san mididaɲ iriɲani ak tamol dida mau an tinima fo isapudade ya. <sup>14</sup> Maɲ fidian mau madug, ɲai awan ta Hibuɲ lo irupaiaɲ, ‘Sol! Sol! Ata wo ɲai malag sue dak i? Mel en ilo isou. Makau titianek yu luon geig ak nam makau imaspalu wo isue dop, makau an madaɲ ikubianip ɲien ipar imul da, ago dop yu an ɲien isue ilon lo yaup madaɲ tubun geig ak ikubiani da. Onɲ nek ibol makau amaiak onɲ a. Saen onɲ ɲaisag tamolpein malad sue dugo, kagin saiaɲ a gane dan san miai isio gug, onɲ pare imul san onɲ o muruan geig a.’

<sup>15</sup> “Ago dugo ɲai ɲusumiani, ‘Tubun en, onɲ enti?’ ”

“Ago tag Tubun en awag yabig ibol, ‘Ŋai Jesus nek e malag sued ama ya. <sup>16</sup> Onɲ masap utur. Ŋai onɲsa na ɲilasa yan onɲ ɲaisag urat tamol mado wo ɲipiliano ya. Onɲ mel gamu ule yan, agod a mitep ɲukubiai pano wan dam aenta naod na ubol dop dulonɲ a. <sup>17</sup> Saen onɲsigane tamolpein daonɲ dupano wo digane dop, ɲai banidi lo ɲupaso wa. Ŋai Juda tia yak sad na ɲidinop wau o da, an niɲen o iɲ banid lo dam ɲibinawo wa. <sup>18</sup> Onɲ iɲ malad wafutep, tidom tubun lo yak lilaman lo dupalu wa. Satan san tuon lo yak Anut san na diau a. Agop iɲsad ilo rumok ɲai lo iɲaned aupasek isasi pidinai a, agod tamolpein a Anut itaot idirai dilasa yan luluɲad lo aben ta diɲane wa.’ ”

### **Pol iɲsan urat san sae isue ya**

<sup>19</sup> “Ago yan lo, Kiɲ Agripa, tamol awan a mala ɲutun leil an lo ɲalon amaiak ta ɲuparsisali na ya. <sup>20</sup> Malmalan mok Damaskus na ru ɲufulale se ya. Murnag Jerusalem nag, Judea sad gigin fidian log, Juda tia yak lo dam ɲaug, ru ɲufulale se ya. Iɲ bubed dibilisap, iɲaned saian patud dupanip, naodi Anut dupanip kagin saiaɲ patud dupani an nuɲon kuai te digane ilasa wak san ru ɲufulale se ya. <sup>21</sup> Fun amaiak niɲen o ɲai tempel lo ɲumado dugo Juda adi dibiag go dufunag ɲamat o digane ya. <sup>22</sup> Fun

lo ipalug gamu en, binawek a Anut san na ipalu yan naj da yen da. Ago yak ningen o gamu gidad an yajam tubun ak boi, yajam tia yak boi, naj ete naom na njabol njatur dugo, Moses inj profet dida mel ilasa wak ningen o dubol na yan mi gamu njabol da: <sup>23</sup>Kristus inj muruan isinip imat mok a. Agop inj tamol malmalan mok materj lo kumaen imasa da wa. An lo dop inj Juda adi agod Juda tia yak dida dal dugon lo Anut san patu pasek dijnane wan ikubiaip dile wa. An insad leil lo man nek ibol sul san lilaman ak on a.”

<sup>24</sup>Pol sen ipirani san ru ago ibol dugo, Festus awan tubun mi isasaig ibol, “Pol! Burau ifuno da. Onsa ulon an tubun kasik an lo yang burau ipano ya.”

<sup>25</sup>Agog Pol awan yabig ibol, “O tubun en Festus, naj burau ta ifunag na da. Ru a njabol ilasa dan, an rumok agod kankan milaen ak san a. <sup>26</sup>Kinj Agripa, inj mel amaiak fidian ilon sijaokan ak ningen o naj njalon ak inj naon na seg ipiranag dop njinjen o ta njarer na wa. Naj ilog isou ak, dugo ilasa yan fidian lulunad lo mel ta kisaek man, kinj Agripa mel an ningen o ta injaon na ya. Man dugo, mel an fidian mianuk lo dilasa man tia ya. <sup>27</sup>O Kinj Agripa, on profet adi sad girek ilo lo rumok ak i? Naj njalon ak, on ilo lo rumok a.”

<sup>28</sup>Agog Agripa Pol irupe, “Dugo, on gamu saen katukan en lo mi naj giniag pe Kris njilasa wak ubol di?”

<sup>29</sup>Agog Pol ru naon irupe, “Nal katukan boi, tia, milaen mi boi, on agod aenta gamu ru alon dan an fidian Jesus ilom lo rumok o njugudani da. An naj igo njumado dan igo won an dam amado wo ilog ibol da. Gug mel kisaek sein nam naj dusubanag pe an lo yen man njamoi.”

<sup>30</sup>Agog kinj, inj gurman tubun Festus da, Bernaisi, agod tamolpein fidian dumado yan dumasag, dilasa ya. <sup>31</sup>Agog nug naon na dubol, “Tamol en mel ta igane saian pe ningen o imat san tia ya, subanek ab lo imado san dam ta igane na da.”

<sup>32</sup>Agog Agripa Festus irupe, “Tamol en insan kot Kaisa ilon o ibol a. Ago ta ibol na yak man subanek lo tupasi wa.”

### Pol wog fo dijnane Rom na diau a

**27** <sup>1</sup>Inj awad kisaek go man Itali na mau o dubol tag, Pol inj subanek aenkadi dida Rom yu gurman ta doup “Kaisar san sawar” dubol dak san gurman, yajan Julius, banin lo didirai a. <sup>2</sup>Agog man Adramitium na wog ta fo misida ya. Wog an Esia provins lo panu lon na dien dan lo idu dop yau san. Agog miyawai a. Masedonia na taun ta yajan Tesalonaika dubol dan san tamol, yajan Aristakus, dam ida mau a. <sup>3</sup>Nal tinin te Saidon na misasau a. Julius inj Pol lo uyan, ago yak ningen o Pol yang turan yil dugo mel lo katukan ak dupani a. <sup>4</sup>Agog milasag mau dugo tim imasa tag Saipras nui giranjen na tim an tia yak lo mi mau a,

man dugo, tim naoma yabi se ya. <sup>5</sup>Silisia in Pamfilia da sad lon mubiseig Lisia na taun yanan Maira dubol dak lo milasag misasau a. <sup>6</sup>Agog atna yu gurman an wog sen ak abanan yabi a. Agog wog ta Aleksandria na yak Itali na yau dak ile tag, iginiamag wog an lo musuda ya.

<sup>7</sup>Tim naoma yabi a, ago yak ninen o nal aenta man pasak nam mau se ya. Agog Naidas panu sumeik mupani dugo, mile tag maeg migane gug atna ta madu na ya. Tim san dabai tubun kasik, agog naon fom mau san tia tag, Krit nui giranen malin ak lo maug Salmone damon mirinani a. <sup>8</sup>Maeg miganeg lon im mau nag taun ta Lasia dubol dak giranen na ilon ta yanan Ilon Malin dubol dan lo miladu ya.

<sup>9</sup>Man atna saen milaen mok mumado yang wein mabi san muruan. Man dugo, Juda sad anan waliy san nal itout la ya, agod saen an lo beig saian da. Ago tag Pol tamol ru kagin en irupidai, <sup>10</sup>“Tamol alon, idsad turen etnap tau dan man muruan geig a. Naisag ilog lo nukubiani nile yak, id tau on dop man, muruan wei mi ilasa wa, wog san bioun dideg diau a, wog daon inane tamol aenta dam dumat a.” <sup>11</sup>Ak man yu gurman in keptan agod wog muroun da sad ru ilon lo rumok a. Agod Pol san ru man ninen o kankan ta igane na ya. <sup>12</sup>Madid saen dop ilon lo mumado san madok ta uyan na yak ninen o tamol wei kasik mau an awad kisaek dop, milasap fon miyawaip Finiks na madu wo ilod ibol a. Krit na ilon an tim naon fo ta yen na da. Agod madid saen dop ate ka mumado wa.

### **Dal na beig tubun kasik ifu ya**

<sup>13</sup>Agog karag ifure gug dabai an tia tag in ilod lo ilon a ilod isou an lo ka mau ak dubol. Ago tag anga dirae isidag Krit san lon aen mi murig mau se ya. <sup>14</sup>Saen milaen tiag tim dabai yarti dubol dan nui log mayau itor pani a. <sup>15</sup>Tim ipalu yan wog inane, wog dutuli san ta isida na tag, tim naon mi dirig diau se ya. <sup>16</sup>Man nui nanun Koda dubol dan giranen aen ate muri dugo, dingi mabisa wo wagai miganeg, mirae isidag miyati a. <sup>17</sup>Agog wog rasau nam tinin dufou sakar. Kabelan Libia san lon na gugor atna yak fo wog isida banau o, lai dupasi dugo tim mi wog idudunig mau a. <sup>18</sup>Beig saian geig an nek ago mi yen tag, salsog wog tinin san bioun aenkadi diabi beig lo idu ya. <sup>19</sup>Maen mumasag nek ago mi tag, wog san bioun bioun aenkadi insed banid nam dupasig diabiau a. <sup>20</sup>Nal kitek wei mi, ad, patui ta meil na ya. Agog tim nek yen ago mi yen dugo, man binawek mile san ilo isou migane yan fon iloma inanon a. In dideg diau o ilod isou se ya.

<sup>21</sup>Tamol dida mau an nal wei mok anan tia dumado tag, Pol imasag naod na itur dugo ibol, “An nai awag amoi ak ninen o Krit tibiseig, tiyawai tupalug, bioun bioun tititale da. Ago tia ak man, bioun tititale yan tia wa. <sup>22</sup>Ak man nai an ilom kisaek mi wo nsumianan da. Sem

dabai ipanaj. Man dugo, id en kisaek ta imat san tia wa. Wog mi gup man saian a. <sup>23</sup>Tidom na n̄aisag Anut niñen o iñ ubou n̄ile dan san eñel ta n̄aisag na ipalug ibol, <sup>24</sup>‘Pol, oñ urer umoi! Oñ Kaisar naon na utur o Anut ilon ago yen. In̄san ilo muñanek lo tamol dida au dan kisaek ta ideg yau san tia ya.’ <sup>25</sup>Ago yak niñen o sem dabai panaj. Man dugo, n̄ai Anut o ilog lo rumok, agod n̄ai ru n̄alor̄n an ago mi iri panim ilasa wa. <sup>26</sup>Gug id man taup nui ta fo tisida wa.”

<sup>27</sup>Agog ubou uraru itout go tidom an lo beig tubun, yañan Edria, an lo tim in̄jiliamag mau. Tidom luak igo wor̄j wein̄j tamol adi tan sumeik mupani dak dubol a. <sup>28</sup>Ago tag mel muruan ak kam fo dususeg beig lo diganeg idu yang, beig san kuror 35 mita igo wor̄j dile ya. Kitekan maug, fon ago mi digane man beig san kuror 25 mita. <sup>29</sup>Kabelan wog pat fo isidap ipuk banau anga iwoiwo patun na dubal agog salso idu wo dumosiai dop in̄sad tubud ilor̄n o dubol. <sup>30</sup>Agog wog san wein̄j tamol adi wog dubiseip dusol o digane yak niñen o iñ wog san diñgi beig lo digane idu ya. In̄j diraek go wog n̄udun fo anga<sup>a</sup> ta dususe wo digane da. <sup>31</sup>Ak man Pol yu gurman an irupeĩ, “Wog san wein̄j tamol adi wog fo dumado wa. Tia tap, añ adeg au a.” <sup>32</sup>Ago tag yu tamol adi diñgi san kam dututeg ifot yau a.

<sup>33</sup>Salso idu wo sumeik dugo, Pol tamol anaj diani wo isumianai, “Añ nal 14 malam aganeg anaj ta ani man tia ya. <sup>34</sup>Ago yak niñen o anaj ani wo n̄urupaian̄ da. An tinim dabai ipani wa. Man dugo, añ lulun̄am lo tamol ta kisaek in̄san gumuran san roun kitek ta mok ideg yau na wa.” <sup>35</sup>Pol in̄j ru an ibol itout gug bret kisaek in̄aneg fidian malad lo Anut ilo uyan ipanig yafuteg in̄sen fun iganeg yani a. <sup>36</sup>Fidian ago dile tag sed dabai ipidinaig bret diñaneg diani a. <sup>37</sup>Man̄ wog fo mau an nuñoma 276. <sup>38</sup>Saen tamol fidian anaj dianig, luad ipuk go, wog pasauman o diganeg, wit diabi beig lo idiau a.

### Wog gurgor fo isida ya

<sup>39</sup>Salso idu an wein̄j tamol adi lor̄j ta dileg diñaor̄j. Gug ilon ta lul anda yak dile tag wog diñane diaup lul an fo isasau wo dubol. <sup>40</sup>Ago tag anga san kam dututeg, anga nuñon beig lo yen. Agog ulum san fei andam san kam dupasi a. Agog wog n̄udun fo lai an diraeg, tim wog idudunip, lor̄j na yau wo digane se ya. <sup>41</sup>Ak man wog gurgor fo isidag iririd yen se ya. Agog n̄udun man isasau dugo wadan man tamun ipalug igile ifurak idiri yau se ya.

<sup>42</sup>Ago dugo yu tamol adi subanek an fidian dufu dumat o dubol. Kabelan dulog lor̄j na diaup dusol banau. <sup>43</sup>Ak man yu tamol sad gurman Pol imat man imoi tag, subanek adi ta dufu dumat na wo ibol a. Tamol

---

<sup>a</sup> Pitiau

dulog san idaisuda man imug dusukalik beig lo dudup, dulog loŋ na disila diau o ibol a. <sup>44</sup>Gug aenta dulog san tia man, wog san abau an disinip fo dulog disila diau o ibol a. Ago miganeg fidian loŋ na itaot misida ya.

### **Nui yaŋan Molta dubol dak fo misida ya**

**28** <sup>1</sup>Maŋ fidian itaot loŋ na misida gug nui an yaŋan Molta dubol go malonŋ. <sup>2</sup>Nui an san tamolpein maŋ lo uyanan mok a. Ui idug abaŋ madid tag yai dutuni panamag, tinima isue ya. <sup>3</sup>Agog Pol ai itueg yai fo idiri wo igane dugo, mot ta yai inani guguleg ilasag Pol banin te iratig banin ipulŋani a. <sup>4</sup>Nui an san tamolpein Pol banin te mot iyuk dugo dileg, sed nug durupeŋ, “Tag tamol en tamol ifu dumat da. In beig lo ta imat na gug, naon panek san tubud gamu naon ipani da.” <sup>5</sup>Gug Pol mot an ikupari yaug yai lo idu ya. Mot an Pol tinin ta igane saian man tia ya. <sup>6</sup>Agog fidian dutur an Pol tinin isusanip yau idup imat dop dile wak dubol go tinid digane se ya. Ak man saen milaen mok mel ta ilasa dop dile wak dubol gug, mel ta ilasa man tia tag, kankan dibilisag dubol, “En man tubud ta boi.”

<sup>7</sup>Aben mumado yan giranŋen na man tamol ta yaŋan Pablius in nui an san gurman ak inŋsan tan atna yen. In maŋ lo uyanan a. Agog inŋliamag nal utol atna kagin ipanamag ida mumado se ya. <sup>8</sup>Pablius taman man ifuruk da, agod tinin wananan tubun kasik go yen da. Ago tag Pol inŋsan galuŋ lo iladug Anut igudanig, banin tinin fo igane yan subam ibisei a. <sup>9</sup>Tamolpein fidian mel ilasa yan duloŋ tag, subam adi nui lo yan fidian dupalug iginiaig uyadi. <sup>10</sup>In melmel wei kasik maŋ dupanama ya. Agog miyawai san saen dugo wein mabi san biabi wog lo didiri a.

### **Molta mubiseig Rom na mau a**

<sup>11</sup>Kalam utol atna mumado dugo Aleksandria sad wog ta nŋdun fo tubud urarum nug tein, ta yaŋan Kastor, neinta yaŋan Poluks dubol dak sad mitilaed yen dak fo misidag mau a. Wog an madid saen lo nui an lo yen. <sup>12</sup>Agog maug, taun yaŋan Sairakyus na milasag, nal utol mumado se ya. <sup>13</sup>Taun an mubiseig miyawaig, panu ta yaŋan Regium na madu ya. Maen mumasag tidom lom mi karag fun iganeg ipalu dugo, nal uraru lo mi panu yaŋan Putioli dubol dak lo milasa ya. <sup>14</sup>Agog atna ilo rumok adi aenkadi meil go dida ubou kisaek mumado wo dusumianama ya. Ago tag dida mumado gug Rom na mau a. <sup>15</sup>Ilo rumok adi Rom na yan yaŋama duloŋ go Apias Didaen Aben geg an diliama wo dupalu ya. Ago dugo aenta Lou Ab Utol geg an dam diliama wo dupalu ya. Saen Pol ilo rumok adi yil go Anut ilo uyan ru ipanig, inŋsen dam sen dabai ipani a. <sup>16</sup>Saen maŋ Rom na milasa man, Pol inŋsen kisaek mi, yu tamol kisaek ititianip ida dumado wo dubol a.

### **Pol Juda adi Rom na yan itumanai a**

<sup>17</sup>Murnag nal utol itout go Juda atna dumado dan sad gurman dutumani wo Pol ru iganeg sad na yau. Saen dupalug dutumani dugo irupidai, “O

teig taog, ñai bo idsad tamolpein, tamol kagin id tubud baged dupanad an kisaek ta ñigane saian man tia ak gug, Jerusalem na dibiag go subanek diginiag a. Agog Rom banid lo diginiag a. <sup>18</sup> Ñai dusumianag ak man mel ta ñigane saian ak ñinen o ñamat san dile man tia ya. Ago yak ñinen o dupasag o dubol a. <sup>19</sup> Ak man Juda adi ñ an dumoi tag, ñai dabai nam Kaisa ñaisag kot ilonj o ñabol. Gug ñai Juda tamolpein mel digane saian ak ñinen o Kaisa naon na ñabol san ta amag da man tia ya. <sup>20</sup> Ago yak ñinen o ñai añ da tinjinenj o ñigianj a. Ñai tamol a Isrel tamolpein ñinen o tinid digane dan ilog lo rumok an lo gamu ñai sein ag da ñumado da.”

<sup>21</sup> Agog ñj durupeï, “Mañ Judea na onj ñine wo girek ta minane man tia ya. Agod Juda taidam dupalup onj ñine wo ru ta dubol saian dop malonj man tia ya. <sup>22</sup> Ak man biatitek en ñinen o onjane ilo sou minane malonj o iloma tubun mi ibol da. Man dugo, mañ malonj ak, tamolpein aben fidian lo dumado dan biatitek emaiak ñinen o ru saian mi dubol da.”

<sup>23</sup> Ago tag Pol dida nal diganeg tamolpein wei kasik mok saen an aben Pol imado dak ate dilasa ya. Agog Anut san kagin panek san ru tidomi fun iganeg yaug, tidom idug naod na ifulale pidinai se ya. Ñj Moses san kubiaenj, agod profet sad girek lo dam ru boi sensen ak ñjal go, Jesus ilod lo rumok anen ru irupidai se ya. <sup>24</sup> Aenta injsan ru an dulonj go ilod lo rumok a, ago dugo aenta man ilod ta rumok na ya. <sup>25</sup> Ago tag fidian ru naon sensen dubol se man ab dibisei a. Gug diau o dugo Pol ru wadan en ibol, “Urgun profet Aisaia awan lo rumok geig añ tubum bagem ibol igo irupidai,

<sup>26</sup> ‘Waup, tamolpein en igo rupidai:

Saen añ ru alonj man, ka alonj onj se ya, ak man san fun ta añane na ya,

agod saen abañ ale man, malami ka yau onj se ya, ak man ilom ta itarpasi na ya.

<sup>27</sup> Man dugo, tamolpein en sad bubedi dabai geig dilasa ya,

ñj kududodi ta dulonj uyan na ya,

agod maladi ikilakil pasi a.

Tia tap, maladi nam ñj ka abañ dile wak,

kududodi nam ka dulonj ak,

agod ilodi nam mañau ka diñane wa.

Ago dop an lo ilod ibilisa dop didañsap ñaisag na dupalu dop ñukubuniai a.’ ”

<sup>28</sup> “Ago yak ñinen o añ alonj. Anut injsan patu pasek san ru iganeg tamolpein Juda tia yan sad na yau da. Ñj ru an dulonj pe ñinen o kududod dugure wa!” <sup>29</sup> [Saen Pol ru an ibol go itout an Juda injsed injsed mi nug dupeig dufurak go diau a.]°

---

° Boi 29 Grik lo tia ya.

<sup>30</sup>Anaŋar uraru Pol sen ab ta idad go lo imado se ya. Ab an lo imado dugo tamolpein fidian dile wo dupalu se yan ilo uyan lo iŋal dugo imado se ya. <sup>31</sup>Iŋ Anut san kagin panek niŋen o ru ifulale dugo, Tubun en Jesus niŋen o tamolpein maŋau ipiteŋanai se ya. Ru fidian ta yabituani man tia ya. Agod Rom gabman an niŋen o ta ipadau na ya.